
This is a reproduction of a library book that was digitized by Google as part of an ongoing effort to preserve the information in books and make it universally accessible.


Google™ books

<https://books.google.com>





PICTAV. S. J.



A402/857



PRECES
GERTRUDIANÆ.

PRECES GERTRUDIANÆ

SIVE

Vera et sincera Medulla

PRECUM

potissimum ab ipso Christo revelatarum

B. B. Gertrudi et Mechtildi

Virginibus Ordinis S. Benedicti.

Juxta exemplar

Coloniæ editum apud Wilhelmum Friessem.

ANNO MDCLXXIII.



GANDAVI,

Typis Viduæ A.-I. vander Schelden, Filiorumque.

Vid dictâ Onderstraet.

SUPERIORUM PERMISSU.

2 940 700 000
1000 000 000
Y. 1000 000 000

APPROBATIO.

Vidi Gandæ 10 Julii 1855.

J. VAN ACKER, C. L. C.

Reverendissimo, Amplissimo et Pergratioso
Domino

D. BERNARDO

Dei gratiâ celeberrimi Monasterii
sacri Ordinis Divi Benedicti, Neostadii ad Mœnum Abbati
electo et confirmato, Domino suo observandissimo.

EDITURUS vel tandem, Reverendissime Domine, tot votis piorum hominum exoptatum Libellum hunc, quem ex Insinuationibus divinæ pietatis, sacratissimis illis Virginibus Gertrudi et Mechtildi, carne et spiritu germanis sororibus, sub Regula D. Patris Benedicti militantibus à Christo revelatis multo studio ac labore collegi; necesse habui patronum mihi quærere, cujus autoritate et à malignantium dicteriis protegeretur, et devotis quibusque mentibus insinuaretur. At necessum non erat per longa terrarum spatia, longâ cogitationum indagine pervagari; cum primâ statim fronte non tam occurreret, quam menti meæ se obtruderet Reverendissimæ Dominationis Tuæ memoria. Et verò cui potius Gertrudem hanc meam dicarem, quam illi, in cujus corde et animo jam à multis annis profundissimè sedit, quemque totum possedit hæc ipsa sacra Gertrudis: ita ut quod de pientissimo Abbate Ludovico Blosio refert Tilmanus Bredenbachius, quod scilicet duodecies in anno Libros

Dedicatio.

hosce (puta Revelationes S. Gertrudis) æstuantissimo affectu evolverit: idipsum de Te, Reverendissime Domine, ausim affirmare: è quibus quid gratiæ, quid virtutis, quid devotionis haurias, abundantissimè testatur et propensissimus tuus in Deum, omnemque devotionem affectus; et maxima, quæ te auctore et conservatore in celeberrimo illo tuo Neostadiensi, S. Gertrudi sacro, Monasterio viget, regularis disciplina. Taceo hic profundissimam tuam humilitatem, taceo effusam liberalitatem, taceo ingentem amicitiam, taceo plurimarum, quas possides, virtutum abundantiam. Norunt has, qui te norunt: loquuntur has, qui vel semel tecum locuti sunt. Hæc sunt igitur, Reverendissime Domine, quæ me non tam induxerunt, quàm coegerunt preces has Gertrudianas in signum maximæ in te observantiæ propensissimique affectus tibi offerre, tuoque nomini ascribere: certò confidentem, quod licet exiguum sit munusculum, tibi tamen pro tuo in S. Gertrudem affectu fore acceptissimum. Deus Reverendissimam Dominationem tuam per longa annorum spatia sacro tuo Monasterio servet incolumem.

Julii Anno 1670.

Reverendissimæ et pergratiosæ Dominationis tuæ

Humillimus Servus in Domino

F. M. C.

PRÆFATIO.

LIBELLUM hunc, devote Lector, exiguum quidem mole, at verè magnum dignitate et orationum efficaciâ, quem ex mellifluis BB. Virginum Gertrudis et Mechtildis, corpore et spiritu germanarum Sororum, Commitissarum de Hackuborn Revelationibus, ceu apud argumentosa multo studio et labore collegi, tibi præsentō; omnino confidens, quod gratanter sis acceptaturus. Continet enim (licet sub inculto et humili stylo) verum et essentialem orandi modum, quem non hominum quispiam effinxit, sed Christus ipse præfatis suis sponsabus revelavit: tum oretenus, tum per Spiritum suum eas instruendo, quænam orationes sibi essent gratiores, quo modo, quave intentione easdem orare, quomodo divino cordi suo commendare, et demum quomodo ipsi ad offerendum Deo Patri præsentare deberent. Hæc et his similia quantæ sint efficacix, licet hinc

•

Præfatio.

inde breviusculè insinuaverim, longè tamen uberius, cum maximâ cordis tui consolatione in præfatis Revelationibus invenies.

Ne autem iisdem, ut pote quæ à muliebri sexu promanarint, fidem tribuere verearis, scias velim, quod illæ ipsæ, non ab uno aut altero solum, ut fit, Doctore sint perlectæ et approbatæ; sed ab integris Academiis et Universitatibus et à plurimis viris doctissimis pariter et pientissimis sint examinatæ et censuratæ. E quorum numero sunt Ludovicus Blosius Abbas Lætiensis, Didacus Yepes Episcopus Tarraconensis, Joannes Lanspergius Carthusianus, Tilmannus Bredenbachius et Bzovius. Taceo plurimos alios antiquiores, B. Gertrudis contemporaneos et familiares, è quibus unus in hunc modum: *Ego in veritate divini luminis sentio, neminem, qui spiritu Dei sit illustratus, posse calumniari et impugnare ea, quæ in hoc libro scripta sunt. Equidem offero et oblige me usque in mortem pro defensione hujus Catholicæ et sanctæ eruditionis ad occurrendum cuicunque.* Quod ergo tot et tanti viri ratum et sanctum habuerunt, tu quoque approbare non vereberis.

Et certè si vitam illam Angelicam, et ultra quàm dici potest sanctam et mirabilem, quam ambæ illæ sorores ab incunabulis (Gertrudis scilicet à quinto, Mechtildis verò à septimo ætatis anno, quo divino afflatu seculo renun-

Præfatio.

tiantes in Monasterio Rodersdorff in Episcopatu Halberstadiensi sito; sacram D. Benedicti Regulam amplexatæ sunt) usque ad mortem duxerunt: nec non et ineffabilem illum studendumque amorem, quo Christus erga illas, illæque erga Christum flagrarunt, vel in modico perspectum haberes, non foret cur mirareris, quod Christus illas quotidianâ ferme personali præsentia dignârit, oretenus in via virtutis instruxerit, et magis pro nostra, quam ipsarum utilitate tam varias omni melle dulciores, et supra omnem æstimationem efficaces Orationes (quarum plurimas Libellus hic tibi exhibet) edocuerit.

Nec Revelationes ipsæ suas, gratiasque è cœlo communicatas, levitate quadam (ut quidam suspicari possent) inductæ conscripserunt; sed ad ipsarum evulgationem jubente, imo cogente Christo impulsæ sunt. Ita enim quadam vice l. 2. c. 10. Gertrudi ex nimia sua humilitate in scriptorum suorum editionem nequaquam consentire volenti, aiebat Christus: *Certò scias te nunquam de carcere carnis exituram, donec et illum* (scripta sua putabat) *quem adhuc retines, persolvas quadrantem.* Et addidit: *Absque contradictione certum divinæ pietatis meæ testimonium volo habere in scriptis tuis his novissimis temporibus, in quibus dispono benefacere multis.* Et aliàs (in prologo) cùm similiter reluctaretur, dixit

Præfatio.

ad eam : *An ignoras eum qui meâ voluntate compellitur, supra omnem obedientiam compelli. Cùm igitur voluntatem meam scias statuisse ut liber hic scribatur, cur eam implere gravaris? Et tandem cùm liber ille scriptus esset, apparuit illi Dominus, dicens : Scias, quod omnia, quæ in libro isto scripta sunt, gratuitâ pietate meâ tibi infudi? quem ad hoc intimis pectoris mei expressi, quo singulas literas in eo conscriptas dulcedine pietatis meæ pertranseam; ut omnis, qui humili devotione in eo legerit, fructum ex hoc consequatur salutis æternæ. Similia plane etiam reperiens in Revelat. sanctæ Mechtildis libro 2. capite 39. et libro 5. cap. 32.*

Et certè quotidiana confirmat experientia, quod stylus ille et verba, quibus Revelationes illæ conscriptæ sunt, aliquid ultra humanum sapiant, cùm tam suaviter afficiant legentem, tantumque ei devotionis affectum instillent. Unde omni possibili modo, in hoc meo libello conatus sum stylum illum exactè imitari, verbaque syllabatim transcribere: certus verba illa, quæ ex ore Christi aut Spiritus S. dictamine profluxerunt, altioris esse ordinis, majorisque efficacisë, quàm quæ ab humano ingenio excogitata sunt.

Attamen non inficior, quod hinc inde verbum unum aut alterum in ipsis Revelationibus expressum omiserim, vel addiderim, aut etiam

Præfatio.

transposuerim, at non aliâ de causa, quàm ut legentium gustui deservirem. Ad hæc licet etiam plurimas orationes, quarum nulla erat mentio in præfatis Revelationibus (ut omni hominum conditioni deservirem) ex proprio addidisse videar; attamen vix erit ulla, quam non ex ipsis fontibus hinc inde collectis, et in unam orandi formam redactis verbis emendicari. Demum etiam moneo quod ob Libelli hujus brevitatem Præfationes, Orationibus præfixas, quàm parcissimè posuerim: quas proinde pro majori animi tui consolatione in ipsis fontibus uberiores habere poteris.

Suscipe ergo, pie Lector, Opellam hanc, eamque sedulo pervolve, et certè non te pœnitebit sumptuum nec laboris. Et ne Orationum prolixitas tædium aliquod tibi pareret, hinc omni modo conatus sum brevissimas concinnare, et rescissa omni verborum ambage, solam substantiam tibi ministrare: quas proinde spero tardiore lingua et attentiore mente, quod valde exopto, te percursum. Vale, Deumque pro me in tuis precibus, seu sacrificiis, quibus me devotissimè commendo, exora. Scribebam in Festo Nativitatis B. Mariæ Virginis Anno 1670. Proximè habebis Editionem secundam in Typo ac forma minore ac emendatiore.



TABELLA TEMPORARIA

<i>An. Dni.</i>	<i>Litt. Do.</i>	<i>aur. num</i>	<i>Epact.</i>	<i>Septu- ages.</i>	<i>Dies Ciner.</i>	<i>Pascha.</i>
1855	g	13	xij	4 Febr.	21 Febr.	8 Apr.
1856	f e	14	xxij	20 Jan.	6 Febr.	23 Mart.
1857	d	15	iv	8 Febr.	25 Febr.	12 Apr.
1858	c	16	xv	31 Jan.	17 Febr.	4 Apr.
1859	b	17	xxvj	20 Febr.	9 Mart	24 Apr.
1860	A g	18	vij	5 Febr.	22 Febr.	8 Apr.
1861	f	19	xvij	27 Jan.	13 Febr.	31 Mart.
1862	e	1	*	16 Febr.	5 Mart.	20 Apr.
1863	d	2	xj	4 Febr.	18 Febr.	5 Apr.
1864	c b	3	xxij	24 Jan.	10 Febr.	27 Mart.
1865	A	4	ij	12 Febr.	1 Mart.	16 Apr.
1866	g	5	xiv	28 Jan.	14 Febr.	1 Apr.
1867	f	6	xxv	17 Febr.	6 Mart.	21 Apr.
1868	e d	7	vj	9 Febr.	26 Febr.	12 Apr.
1869	c	8	xvij	24 Jan.	10 Febr.	28 Mart.
1870	b	9	xxvij	13 Febr.	2 Mart.	17 Apr.
1871	A	10	ix	5 Febr.	22 Febr.	9 Apr.
1872	g f	11	xx	28 Jan.	14 Febr.	31 Mart.
1873	e	12	j	9 Febr.	26 Febr.	13 Apr.
1874	d	13	xij	4 Febr.	18 Febr.	5 Apr.
1875	c	14	xxij	24 Jan.	10 Febr.	28 Mart.
1876	b A	15	iv	13 Febr.	1 Mart.	16 Apr.
1877	g	16	xv	28 Jan.	14 Febr.	1 Apr.
1878	f	17	xxvj	17 Febr.	6 Mart.	21 Apr.
1879	e	18	vij	9 Febr.	26 Febr.	13 Apr.
1880	d c	19	xvij	25 Jan.	11 Febr.	28 Mart.
1881	b	1	*	13 Febr.	2 Mart.	17 Apr.
1882	A	2	xj	5 Febr.	22 Febr.	9 Apr.
1883	g	3	xxij	24 Jan.	7 Febr.	23 Mart.
1884	f e	4	ij	10 Febr.	27 Febr.	13 Apr.

FESTORUM MOBILIIUM.

<i>An. Dni.</i>	<i>Ascen- sio.</i>	<i>Pentecos- tes.</i>	<i>Corpus Christi.</i>	<i>Ind.</i>	<i>Dcæ p. P.</i>	<i>Dom. j. Adv.</i>
1855	17 Maii.	27 Maii.	7 Jun.	13	26	2 Dec.
1856	1 Maii.	11 Maii.	22 Maii.	14	28	30 Nov.
1857	24 Maii.	31 Maii.	11 Jun.	15	25	29 Nov.
1858	13 Maii.	23 Maii.	3 Jun.	1	26	28 Nov.
1859	2 Jun.	12 Jun.	23 Jun.	2	23	27 Nov.
1860	17 Maii.	27 Maii.	7 Jun.	3	26	2 Dec.
1861	9 Maii.	19 Maii.	30 Maii.	4	27	1 Dec.
1862	29 Maii.	8 Jun.	19 Jun.	5	24	30 Nov.
1863	14 Maii.	24 Maii.	4 Jun.	6	26	29 Nov.
1864	5 Maii.	15 Maii.	26 Maii.	7	27	27 Nov.
1865	25 Maii.	4 Jun.	15 Jun.	8	25	3 Dec.
1866	10 Maii.	20 Maii.	31 Maii.	9	27	2 Dec.
1867	30 Maii.	9 Jun.	20 Jun.	10	24	1 Dec.
1868	21 Maii.	31 Maii.	11 Jun.	11	25	29 Nov.
1869	6 Maii.	16 Maii.	27 Maii.	12	27	28 Nov.
1870	26 Maii.	5 Jun.	16 Jun.	13	24	27 Nov.
1871	18 Maii.	28 Maii.	8 Jun.	14	26	3 Dec.
1872	9 Maii.	19 Maii.	30 Maii.	15	27	1 Dec.
1873	22 Maii.	1 Jun.	12 Jun.	1	25	30 Nov.
1874	14 Maii.	24 Maii.	4 Jun.	2	26	29 Nov.
1875	6 Maii.	16 Maii.	27 Maii.	3	27	28 Nov.
1876	25 Maii.	4 Jun.	15 Jun.	4	25	3 Dec.
1877	10 Maii.	20 Maii.	31 Maii.	5	27	2 Dec.
1878	30 Maii.	9 Jun.	20 Jun.	6	24	1 Dec.
1879	22 Maii.	1 Jun.	12 Jun.	7	25	30 Nov.
1880	6 Maii.	16 Maii.	27 Maii.	8	27	28 Nov.
1881	26 Maii.	5 Jun.	16 Jun.	9	24	27 Nov.
1882	18 Maii.	28 Maii.	8 Jun.	10	26	3 Dec.
1883	3 Maii.	13 Maii.	24 Maii.	11	28	2 Dec.
1884	22 Maii.	1 Jun.	12 Jun.	12	25	30 Nov.

Januarius habet dies XXXI.

1	a	CIRCUMCISIO DNI Euphrosina virgo.	
2	b	Macarius Eremita sanctissimæ vitæ.	372
3	c	Genovesa virgo Parisiensis.	484
4	d	Titus S. Pauli Discip. Episc. Cretensis.	94
5	e	Gerlacus Erem. Eduardus Rex Angl.	1060
6	f	EPIPHANIA DNI.	
7	g	Lucianus Martyr.	
8	a	Eberhardus Episc. Argentoratensis.	453
9	b	Julianus et Basilissa virg. conj. et M.	309
10	c	Paulus I. Er. vixit 100. annos in eremo.	343
11	d	Theodosius Erem. Abbas.	540
12	e	Arcadius membratim conscissus.	
13	f	Hilarius Episc. 369. Godefridus Comes.	1126
14	g	Festum SS. Nominis Jesu.	
15	a	Manrus Abbas, Ord. S. Bened.	583
16	b	Quinque Mart. Ord. S. Francis.	1210
17	c	Antonius Erem. vixit 87. an. in eremo.	358
18	d	Cath. Petri. Prisca virgo uncis dilan. etc.	73
19	e	Marius et Martha Conj. dirè martyriz.	270
20	f	Sebastianus virgis cæsus, telis confoss.	301
21	g	Agnes virgo 13. an. capite plexa.	304
22	a	Vincentius assatus, uncis dilaceratus.	303
23	b	Desp. B. M. V. Joan. Eleem Episc. Alex.	620
24	c	Timotheus S. Pauli discip. Martyr.	109
25	d	Conversio S. Pauli.	35
26	e	Polycarpus Ep. Mart. 168. Marcus Archiep. Trev.	
27	f	Joannes Chrysost. Episc. Doctor Eccl.	407
28	g	Carolus Magnus Imperator.	814
29	a	Valerius Ep. Trev. Franc. de Sales, Ep.	1622
30	b	Martina virgo membratim dissecta.	209
31	c	Petrus Nolascus Fundator Ord.	1256

Februarius habet dies XXVIII.

1	d	Ignatius Episc. à leonibus discerptus.	110
2	e	PURIFICATIO B. MARIE VIRG.	
3	f	Blasius Episcopus uncis dilaniatus.	300
		Veronica. Gisbertus Abbas.	1189
4	g	Andreas Corsinus Ep. Ord. Carmel.	1373
5	a	Mart. Jap. Agatha virgo et Martyr.	252
6	b	Amandus Conf. 675 Dorothea distenta, plum- batis cæsa.	304
7	c	Romualdus Fundator Camald. Richar. Rex Angliæ.	750
8	d	Honoratus Episc. Mediolanensis.	
9	e	Apollonia excussis dentibus combusta.	257
10	f	Wilhelmus Dux. Scholastica virgo, Soror S. Bened.	535
11	g	Desiderius Episc. Viennensis et Martyr.	612
12	a	Eulalia dilaniata cruci affixa.	340
13	b	Castor Conf. Presbyter Trevir.	285
14	c	Valentinus Episc. cæsus capite plexus.	300
15	d	Severus Conf. Faustinus et Jovita MM.	122
16	e	Joannes de Britto.	1693
17	f	Bonosius Episc. Trev. Theodulus M.	297
18	g	Simeon Christi consang. crucifixus.	109
19	a	Conradus Ord. S. Franc. pœnitent.	1352
20	b	Innumerabiles MM. in Phœnicia.	284
21	c	Eleonora virgo. Pipinus Dux.	647
22	d	Cathedra Petri Antiochena.	
23	e	Margarita de Cortona. Vigilia.	1297
24	f	MATTHIAS APOSTOLUS.	66
25	g	Nicephorus adustus in frusta conscissus.	
26	a	Nestor Episc. distentus, cruci affixus.	154
27	b	Julianus flagellatus vivus combustus.	250
28	c	Romanus Abbas Eremita.	565

Martius habet dies XXXI.

1	d	Swibertus Episc. 717, Albinus Episc.	550
2	e	Simplicius Papa 49.	467
3	f	Kunegundis Imperatrix virgo.	1040
4	g	Lucius Papa. Casimirus Regis fil.	1489
5	a	Fridericus Abbas.	1175
6	b	Coleta V. Reformatrix Clarissarum.	1447
7	c	Thomas Aquinas Ord. Pr. Doct. Angel.	1274
8	d	Felix Episc. convertit totam Angliam.	620
		Joannes de Deo.	1550
9	e	40 Martyres. Francisca Rom. vid.	1440
10	f	Conversio Mariæ Magdalenæ.	31
11	g	Rosina virgo.	
12	a	Gregorius Magnus Papa 66. Doctor.	604
13	b	Euphrasia Monialis nobilissima.	395
14	c	Mechtildis Regina, Mater pauper.	973
15	d	Longinus Martyr, qui Christo latus aperuit.	
16	e	Abraham Erem. et Maria neptis ejus.	
17	f	Gertrudis Nivellensis Abbatissa.	664
18	g	Eduardus Rex Britann. occisus.	981
19	a	JOSEPH SPONSUS Mariæ.	13
20	b	Joachim Parens B. Virginis.	
21	c	Bened. prim. plenilun. seq. fac. Pascha.	542
22	d	Catharina virgo, filia S. Brigittæ.	1381
23	e	Victorianus Præses dirè martyriz.	
24	f	Gabriel Archangelus.	
25	g	ANNUNTIATIO B. V. Mariæ.	
26	a	Ludgerus Episc. Monast. Westph.	809
27	b	Rupertus Episc. Salisburg.	730
28	c	Gunthramnus Rex Franc. volun. pauper.	597
29	d	Jonas mart. scissus per medium.	
30	e	Quirinus Dux. frustatim conscissus.	131
31	f	Benjamin martyr, discerptus.	450

Aprilis habet dies XXX.

1	g	Hugo Episc. Gratian. Eremita.	1132
2	a	Franciscus de Paula Fund. Ord.	1507
		Maria Ægyptiaca poenit.	520
3	b	Ulpianus sacco cum serpent. inclusus.	270
4	c	Isidorus Episc. in Hispania.	636
5	d	Vincentius Ferrer. conv. multa millia.	1418
6	e	Marcellinus ab Hæret. strangulatus.	420
7	f	Tilmannus mart. Herman. Ord. Præm.	1230
8	g	Ædesius post mult. cruciat. submersus.	304
9	a	Maria Cleophæ virgo et martyr.	
10	b	Macarius Episcopus Alexandrinus.	1012
11	c	Leo Magnus Papa 47. Doctor.	461
12	d	Sabas post multos cruciatus submers.	572
13	e	Hermenegildus Regis fil. capite plexus.	583
14	f	Valerianus M. Sponsus S. Cæcilie.	232
15	g	Lydvina virg. 38. annis infirma.	1433
16	a	Engratia V. in carcere computruit.	
17	b	Stephanus primus Abbas Cisterc.	1107
18	c	Eleutherius et Anthia mater dirè mart.	
19	d	Wernerus puer à Jud. Wesaliæ necat.	1287
20	e	Agnes V. Ord. Præd. magnæ sanct.	1317
21	f	Anselmus Episc. Cantelb.	1109
22	g	Soter et Cains Papæ et mart.	179
23	a	Georgius mart. dirissime cruciatus.	295
24	b	Egbertus Monach. in Hybernia.	728
25	c	Marcus Evang. durè raptatus.	64
26	d	Cletus et Marcellinus Papæ et mart.	93
27	e	Anastasius Papa, amator paupert.	404
28	f	Vitalis et Valeria Conjug. vivi defossi.	160
29	g	Petrus mart. Or. Præd. ab Hær. confoss.	1252
30	a	Catharina Senensis, virgo sanctiss.	1380

Maius habet dies XXXI.

1	b	PHILIPPUS et JACOBUS Apost.	54
2	c	Athanasius Ep. 372. Antoninus Episc.	1459
3	d	INVENTIO S. CRUCIS.	326
4	e	Monica Vid. Mater S. Augustini.	
5	f	Britonius Ep. Trev. Gothardus Episc.	1035
6	g	Joannes ante portam Latinam.	92
7	a	Stanislaus Episc. in Altari transfixus.	
8	b	Apparitio S. Michaelis , Anno	488
9	c	Gregorius Nazianzenus.	384
10	d	Petrus Episc. Ord. Cisterc.	1140
11	e	Franc. Hieron. soc. Jesu.	1716
12	f	Nereus, Achil., Domit. et Pancratius M.	302
13	g	Servatius Episc. Ultrajectanus.	370
14	a	Pachomius Erem. Fund. Ord.	400
15	b	Dymphna V. Reg. fil. à Principe plexa.	600
16	c	Joann. Nepomuc. Martyr confessionis.	1383
17	d	Restit. virg. et mart. Paschal. Ord. Min.	1592
18	e	Felix Capucinus vitæ admirandæ.	1587
19	f	Pudentiana Virg. summè persecuta.	146
20	g	Bernardinus Senensis Ord. Min.	1444
21	a	Constantinus Magnus Imperator.	337
22	b	Julia virgo cruci affixa.	439
23	c	Andreas Bobola soc. Jesu Mart.	1657
24	d	Joanna uxor Ghusæ discip. Christi.	35
25	e	Urbanus Papa. Magdal. de Pazzis.	1607
26	f	Philippus Nerius Fund. Ord.	1595
27	g	Joannes Papa 55. obiit in carcere.	126
28	a	Germanus Episc. Parisiensis.	578
29	b	Maximinus Archiep. Trevir.	350
30	c	Basilius et Emilia Conjug. MM.	340
31	d	Petronilla Virgo filia S. Petri.	69

Junius habet dies XXX.

1	e	Simeon Ord. S. Bened. obiit Treviris.	1015
2	f	Maria Anna Paredes Virgo.	1645
3	g	Clotildis Regina Franciæ.	553
4	a	Optatus Episcopus Numidiæ.	
5	b	Bonifacius Episc. Mogunt. et mart.	754
6	c	Norbertus Archiep. Magdeburg.	1134
7	d	Robertus Abbas Ord. Cisterc.	1158
8	e	Medardus Episc. Noviomens. et mart.	556
9	f	Primus et Felicianus MM.	303
10	g	Margarita Reg. Scotiæ amatrix paupertatis.	
11	a	Barnabas Apost. et Martyr.	62
12	b	Onuphrius Erem. pœnitens.	370
13	c	Antonius de Padua Ord. sancti Franc.	1231
14	d	Basilius magnus Episc. et Doctor.	378
15	e	Vitus, Modestus et Croscencia MM.	303
16	f	Ludgardis monialis Ord. Cisterc.	1246
		Joann. Franc. soc. Jesu.	1640
17	g	Adolphus Episc. Ultrajectanus.	650
18	a	Marcus et Marcellianus MM.	
19	b	Gervasius et Protasius Fratres MM.	169
20	c	Sylverius Papa ejectus in exilium.	540
21	d	Aloysius Gonzaga Patronus Juventutis.	1591
22	e	Achatius cum 10000 Cruci affixus.	130
23	f	Vigilia, Ediltrudis Reg. Brit. virgo.	685
24	g	JOANNES BAPTISTA.	
25	a	Adelbertus de sang. regio Angl.	698
26	b	Joannes et Paulus fratres MM.	362
27	c	Ladislans Rex Hung. clarus mirac.	
28	d	Vigilia, Irenæus Episc. Lugdun. mart.	205
29	e	PETRUS et PAULUS Apost.	69
30	f	Lucina Apost. discipula.	78

Julius habet dies XXXI.

1	g	Theobaldus Eremita.	1067
2	a	VISITATIO B. V. MARIE. Otto Episc.	
3	b	Hiacynthus mart. fame necatus.	116
4	c	Udalricus Episc. Argentinens.	973
5	d	Cyrilla dirè martyrizata.	300
6	e	Goar Confess. Trev. hospes paup.	600
7	f	Willibaldus Episc. Eistettensis.	725
8	g	Kilianus Episc. Herbip. et mart.	689
9	a	Anatolia virgo gladio transfixa.	154
10	b	Felicitas cum 7 Filiis mart.	171
11	c	Pius Papa II et mart.	167
12	d	Naboris et Felicis mart.	
13	e	Margaretha virgo et mart.	252
14	f	Bonaventura Card. Ord. Minor.	1274
15	g	Henricus Imperator 1024. Ignatius Azevedo cum 39 sociis soc. Jesu MM.	1570
16	a	B. V. Carmel.	
17	b	Alexius rel. sponsa 17. an. vivit incognitus.	
18	c	Symphorosa mart. cum 7 filiis.	138
19	d	Arsenius ex aulico Eremita.	440
20	e	Severa monialis Trevir.	660
21	f	Arbogastus Episc. Argentorat.	658
22	g	Maria Magd. vixit 33 annis in eremo.	67
23	a	Apollinaris mart. 71. Liborius Episc.	390
24	b	Vigilia. Christina virgo et mart.	300
25	c	JACOBUS APOSTOLUS 34. Christophorus.	
26	d	ANNA Mater Mariæ.	
27	e	Panthaleon dirè martyriz.	311
28	f	Nazarius et Celsus mart.	60
29	g	Martha hospita Christi.	84
30	a	Abdon et Sennen mart.	245
31	b	Ignatius Fund. Societ. Jesu.	1550

Augustus habet dies XXXI.

1	c	Vincula Petri cæpit anno.	438
2	d	Portiuncula 1217. Alphonsus de Liguorio Fundat. congr. SS. Redempt.	1787
3	e	Inventio S. Stephani facta anno	415
4	f	Dominicus Fund. Ord. Præd.	1221
5	g	Marix ad Nives. Oswaldus Rex Angl.	
6	a	Transfiguratio Domini.	32
7	b	Afra pœnitens, viva combusta.	
8	c	Cyriacus, Largus et Smaragdus mart.	298
9	d	Vigilia. Romanus mart.	261
10	e	LAURENTIUS MARTYR.	261
11	f	Susanna de sang. Imp. virg. et mart.	295
12	g	Clara virgo S. Franc. pñta.	1253
13	a	Cassianus à scholaribus confossus.	
14	b	Vigilia. Eusebius sacerdos.	358
15	c	ASSUMPTIO B. MARIÆ V.	48
16	d	Rochus nobili genere, Erem. etc.	1327
17	e	Clara Falckenberg. Ord. S. Claræ.	1299
18	f	Helena imperatrix.	340
19	g	Ludovicus fil. Reg., Episc. Ord. Min.	1299
20	a	Bernardus Doctor mellifluus.	1153
21	b	Joanna Fr. de Chant. Inst. Ord. Visit.	1641
22	c	Timotheus dirè et diu martyriz.	311
23	d	Vigilia. Philippus Florent.	
24	e	BARTHOLOMÆUS, Apost.	73
25	f	Ludovicus Rex Franciæ.	1270
26	g	Rosa virgo, Ord. Præd.	
27	a	Joseph Calasact. Instit. Schol. piarum.	1648
28	b	Augustinus Episc. Doctor Ecclesiæ.	432
29	c	Decollatio S. Joannis Bapt.	
30	d	Felix et Adauctus mart.	
31	e	Paulinus Episcopus Trevirensis et martyr.	

September habet dies XXX.

1	f	Ægidius Erem. et Abbas.	720
2	g	Philadelphus cum 8. Sociis MM.	
3	a	Remaclus Episc. Tungrensis.	650
4	b	Rosalia virgo eremitica.	1160
5	c	Victorinus Episc. Erem. et mart.	110
6	d	Onesiphorus ab equis raptatus.	70
7	e	Regina virgo et Martyr.	244
8	f	NATIVITAS B. MARIE V.	
9	g	Gorgonius M. 302. Petrus Claver, soc. Jesu Apost. Nigritarum.	1654
10	a	Nicolaus Tolentinus. Ord. S. Aug.	1306
11	b	Paphnutius Eremita et mart.	310
12	c	Guido Confessor.	1112
13	d	Maternus Episc. Trevir.	100
14	e	Exaltatio S. Crucis facta.	629
15	f	Nicomedes martyr.	160
16	g	Cornelius et Cyprianus Episc. et martyr.	
17	a	Impressio stigmatum S. Franc.	1224
18	b	Thomas à villa nova Episc.	1556
19	c	Januarius cum sociis MM.	300
20	d	Vigilia. Eustachius cum sociis.	
21	e	MATTHÆUS APOST. et EVANGEL.	90
22	f	Mauritius cum sociis 6666. mart.	297
23	g	Linus Papa 2. Tecla v. et mart.	60
24	a	Gerardus Episc. et Martyr.	142
25	b	Cleophas discip. Christi et mart.	35
26	c	Cyprianus et Justina MM.	250
27	d	Cosmas et Damianus Fratres MM.	285
28	e	Elzearius et Delphina, Conjug. virg. Wenceslaus Dux Bohemiæ et mart.	1325 939
29	f	Michael Archangelus.	
30	g	Hieronymus Erem. Doct. Ecclesiæ.	420

October habet dies XXXI.

1	a	Remigius Episc. Rhemensis.	541
2	b	Eleutherius cum aliis innum. MM.	
3	c	Maximinianus Episc. Bagaiensis et M.	402
4	d	Franciscus Ord. Min. fundator.	1226
5	e	Palmatius Cons. Trev. cum tota civ. m.	171
6	f	Bruno fundator Ord. Carthus.	1101
7	g	Ositha reg. monialis et mart.	753
8	a	Brigitta vid. fundat. Ord. Brigittan.	1373
9	b	Dionysius Episc. Parisiensis et mart.	119
10	c	Franciscus Borgias soc. Jesu.	1572
11	d	Jacobus Allemann. Ord. Præd.	1491
12	e	4966 Mart. in Africa dirè cruciati.	787
13	f	Danielis et soc. MM. Ord. senoti Franc.	1227
14	g	Burchardus I. Episc. Herbip.	791
15	a	Theresia virg. Reform. Ord. Carm.	1582
16	b	Gallus Abbas Ord. S. Bened.	640
17	c	Lullus Episc. Mogunt.	787
18	d	Lucas Evang. et martyr.	90
19	e	Ferdinandus Conf. Petrus de Alcant.	1562
20	f	Wendelinus Reg. fil. Opilio.	
21	g	Ursula cum 11000. Virg. mart. Colon.	238
22	a	Severus Episc. Ravennensis.	390
23	b	Severinus Episc. Coloniensis.	400
24	c	Evergislus Episc. Colon. et mart.	410
25	d	Crispinus et Crispinianus Fratres MM.	303
26	e	Evaristus Papa 6. et mart.	111
27	f	Ivo advocatus paup. Vigilia.	1290
28	g	SIMON et JUDAS, APOSTOLI.	80
29	a	Narcissus Episc. Ierosolymit.	1086
30	b	Alphonsus Rodr. Frat. Coadj. soc. Jesu.	1617
31	c	Vigilia. Wolfgangus Episc. Ratisbonn.	994

November habet dies XXX.

1	d	OMNINUM SANCTORUM. cœpit	835
2	e	Fidelium Defunctorum, cœpit	998
3	f	Hubertus Episc. Tungrensis.	738
4	g	Carolus Borromæus Archiepisc. Mediol.	1584
5	a	Zacharias et Elisabetha parent. S. Joannis.	
6	b	Leonardus Monachus solitarius.	559
7	c	Engelbertus Episc. Willibrordus Episc.	
8	d	Godefridus Episcopus Ambianen.	1013
9	e	Theodorus miles et mart.	304
10	f	Tryphon, Respicius et Nympha mart.	254
11	g	MARTINUS Episc. Turonensis.	397
12	a	Didacus Laicus Ord. S. Franc.	1463
13	b	Stanislaus Novit. soc. Jesu.	1568
		S. Brictius Episc. Turon.	444
14	c	Seraphion martyr.	252
15	d	Leopoldus Dux Austriæ.	1136
16	e	Edmundus Episc. Cantuar.	1246
17	f	Gertrudis Comitissa Abbatissa.	1299
18	g	Odo Abbas Cluniacensis.	939
19	a	Mechtildis Comitissa Ord. S. Bened.	1296
		Elisabeth Landgr. Haffræ, vidua.	1231
20	b	Maximus Episcopus Mogunt.	378
21	c	Præsentatio B. Mariæ V.	
22	d	Cæcilia virgo et mart.	224
23	e	Clemens Papa 4 et mart.	102
24	f	Chrysogonus mart.	303
25	g	Catharina virgo et mart.	307
26	a	Mercurius mart. Conradus Episc. Const.	976
27	b	Bilhildis Principissa. Abbatis. Mogunt.	640
28	c	Jacobus de Marchia Ord. S. Franc.	1476
29	d	Vigilia, Saturninus mart.	300
30	e	ANDREAS Apostolus.	70

December habet dies XXXI.

1	f	Eligius Episc. in Flandria.	665
2	g	Bibiana virgo et mart.	362
3	a	Franciscus Xaverius Indiar. Apost.	1552
4	b	Barbara virgo et mart.	718
5	c	Sabas Abbat. Crispina mart.	300
6	d	Nicolaus Episc. Myrensis.	326
7	e	Ambrosius Episc. Mediol. Doct. Eccl.	397
8	f	CONCEPTIO B. Mariæ V.	
9	g	Eucharis Episc. Leocadia vir. et mart.	305
10	a	Eulalia virgo duodennis et mart.	303
11	b	Daniel stylita. Damasus Papa 29.	384
12	c	Maxentius Senator Trev. et mart.	1071
13	d	Lucia v. mart. Otilia v. Judocus Reg. fil.	650
14	e	Vicasius cum sorore Eutropia mart.	451
15	f	Valerianus Episc. obiit in exilio.	476
16	g	Multæ Virgines mart. in Africa.	
17	a	Lazarus à Christo resuscit. martyr.	80
18	b	Expectatio B. M. V.	
19	c	Nemesius mart. vivus combustus.	253
20	d	Vigilia. Christianus Episc. Tholosan.	1049
21	e	THOMAS Apostolus.	73
22	f	Ischirion mart. palo infixus.	253
23	g	Dagobertus Rex Franciæ.	
24	a	Vigilia Irmina virgo, fil. Dagob.	
25	b	NATIVITAS CHRISTI.	
26	c	STEPHANUS Protomartyr.	34
27	d	JOANNES Apost. et Evang.	101
28	e	Innocentes Infantes.	
29	f	David Rex. Thomas Episc. Cantuar.	170
30	g	Eugenius Episc. Sabinus Episc. et mart.	300
31	a	Sylvester Papa 14.	335

*Libellus hic in decem partes divisus ,
continet orationes*

1. Matutinas , Diurnas et Vespertinas.
 2. Sub sacrificio Missæ.
 3. Ad SS. Trinitatem.
 4. Ad Christum.
 5. De Passione Domini.
 6. Ad B. Virginem.
 7. Ad certos Sanctos.
 8. Pro Ecclesia, Amicis, Tribulatis, Infirmis,
Morientibus et Defunctis.
 9. Ante et post Confessionem.
 10. Ante et post Sacrificium et Communionem.
- Et demum pro clausula additum est Testa-
mentum animæ.

PARS PRIMA.

Preces Matutinæ, Diurnæ et Vespertinæ.

PRECES MATUTINÆ.

*Manè cum surgis, custodieris, Deoque
aiebat Christus ad B. Patri pro me laudes
Mechtildem, saluta et gratiarum actiones
primò cor meum, et persolveris. Et nunc,
offer mihi cor tuum. ô dulcis amor meus,
l. 3. c. 16. offero tibi miserum et*

ADORO, laudo et saluto te, dulcissimum et vernans Cor Jesu Christi, ex quo tanquam ex mellilluo gratiarum fonte omne bonum, omnisque dulcedo effluxit et effluit. Et ex totis viribus cordis mei ago tibi gratias, quod me hâc nocte indignum cor meum in sacrificium matutinum, et omni quâ possum devotione includo et commendo illud dulcissimo cordi tuo : rogans ut divinas tuas influxiones illi infundere, atque sancto tuo amore accendere digneris. Amen.

COMMENDATIO AD JESUM.

B. Gertrudis intellexit, quòd in quocumque se homo commendat Deo, orans ut ipsum à peccato custodiat, etiamsi occulto Dei judicio videatur quòd graviter deliquerit in aliquo, nunquam tamen sic delinquet, nisi gratia Dei velut baculus sustentet eum, quod semper facilius ad pœnitentiam redire possit. l. 3 c. 30 §. 10.

PIE Jesu, in unione amoris illius, quo in Cruce Patri spiritum commendasti, commendo tibi spiritum et animam meam, atque in sacratissimum vulnus dulcissimi cordis tui includo, ut in eodem ab omnibus inimici insidiis protegantur. Tu nosti, bone

Jesu, et ego satis superior quam infirmus et labilis sim, adeo ut nec ullâ horâ sine tua speciali gratia in bono persistere, aut ulli tentationi ex me resistere possim. Ideo rogo per reverentiam unionis illius, quâ humanitas tua causa glorificationis nostræ venerandæ Trinitati unitur, ut voluntatem meam tibi unire, et ne contra te insurgere queat, confortare digneris. In unione innocentissimorum membrorum tuorum, commendo tibi singula membra corporis mei cum omni motu suo, ut hac die nunquam nisi ad laudem et gloriam tuam, et propter amorem tuum commoveantur. Amen. *Gert. l. 5. c. 29.*

SUSPIRIUM AD JESUM.

B. Mechtildi aiebat Christus: Quilibet manè dum surgit ex toto corde suo ad me suspiret, petatque quod ego eadem die omnia sua opera in ipso perficiam: per quod ille me ad se trahit, ita quod sicut corpus habet vitam ab anima, sic illa anima habet vitam à me, omniaque facit per me. Quodvis enim suspirium tantæ est efficaciæ, quod homo nunquam ad me suspiret, quin mihi propior fiat quam ante fuerat. l. 4. c. 29.

Hic altum suspira, dicens:

AMANTISSIME Jesu, hoc primum hujus diei suspirium, de fundo cordis mei haustum mitto ad te, ex omnibus viribus meis ro-

gans, ut hac die omnes corporis et animæ meæ actiones per temetipsum in me operari, easdemque in corde tuo dulcissimo emendatas, unâ cum perfectissimis operibus tuis Deo Patri in laudem æternam offerre digneris. Amen.

INTENTIO MATUTINA.

B. Gertrudi dicebat Christus, quod illa opera quæ ita purè ad laudem Dei in unione Passionis Christi, et ad salutem universitatis fiunt, quod omnino abrenuntiat quis omni merito, ut saltem possit Deo laudem offerre, describantur (in libro vite) aureo colore. Et licet alia opera copiosa apud Deum obtineant remunerationem: illa tamen quæ purè fiunt pro amore laudis Dei, multo ma-

joris sint meriti ac laudem et amoris exhibitionem offerre. dignitatis, et insuper conferant homini in Amen. infinitum majus augmentum salutis æternæ. l. 4. c. 10.

PACTUM CUM DEO.

DOMINE Deus, propter te metipsum mihi propono, hodie et quotidie omnes meas internas et externas actiones purè ad laudem tuam et ad salutem universitatis perficere, tali intentione et modo, quem tu Deus meus adinvenire et optare potes: et in unione illius amoris quo Filius tuus de cœlo descendit, et omne opus humanæ redemptionis, maximè tempore Passionis suæ perfecit. Unde omnino abrenuntio omni merito, præmio et gratiæ, quæ per illa opera possem adipisci, ut possim tibi Deo meo

DEUS omnipotens, ex amore et desiderio te hâc totâ die laudandi, sanctifico, dico et consecro tibi omnes pulsus et motus cordis et omnium arteriarum mearum; hocque pactum tecum in eo, quod omnes eorum motus idem significant, quod hæc verba: *Sanctus, Sanctus, Sanctus, Dominus Deus Sabaoth.* Quam significationem præfatis motibus inditam velim, adeo quod à tuâ divinâ Majestate per eosdem idem intelligatur, quantum intelligitur per illud cœleste canticum à Seraphinis decantatum, *Fiat, fiat, Amen.*

PACTUM MAJUS.

Omni Hebdomada iterandum.

Efficaciam hujus pacti, quæ certè maxima est, à contrario intelligere licet. Si quis enim secum statueret, quod quoties pedem moceret, toties ratum et gratum haberet quidquid unquam mali actum est, oplaretque se ejus esse participem; quantæ is se culpe obstringeret. Si igitur id in malo tam efficax est, quidni et in bono immensæ virtutis ac meriti erit?

DOMINE Deus Crator meus, tu scis desiderium meum, et gemitus meus à te non est absconditus: Sed quia præsentis vitæ necessitates minus sinunt mentem laudi tuæ in-

tendere; hinc tale pactum, quod totâ hâc hebdomadâ firmum permaneat, tecum in eo. Quoties hâc hebdomadâ cœlum suspexero, toties gratulabor et congaudebo tibi ob infinitas perfectiones tuas, quod sis qui es, summè potens, sapiens, benignus et justus.

Quoties oculum clausero vel aperuero, toties rata et grata habeo omnia opera et actiones, quas Unigenitus tuus, et omnes Sancti ac Justi ad laudem tuam unquam fecerunt, et deinceps facient; meque horum participem fieri desidero.

Quoties halitum traxero, toties offero tibi vitam, passionem, et sanguinem D. N. Jesu Christi omniumque

Sanctorum merita et Passiones, in laudem æternam et salutem universitatis, omniumque totius mundi peccatorum satisfactionem.

Quoties suspiravero, toties detestor et abominor omnia et singula peccata tam mea quam omnium hominum, ab initio mundi contra honorem nominis tui perpetrata. Quæ utinam meo sanguine aliquatenus compensari possent.

Demum quoties manum vel pedem movero, toties ex amore tui projicio et resigno me totum in tuam sanctissimam voluntatem; optans ut de me in tempore et æternitate disponas juxta tuum laudabilissimum beneplacitum. Et hæc quin-

que pacta, ne unquam irritari possint, sacratissimis quinque vultuorum tuorum sigillis obsigno, eaque rata et valida esse volo, licet tunc, cum unum de iisdem edidero, de iisdem minimè cogitarem. Amen.

Suspirium ante orationem.

*S. Mechtildi dicebat Christus, ut quando-
cunque iret ad chorum,
vel inciperet, Horas,
aut alias preces, sem-
per diceret, seq. vers.
et certo crederet, Deo-
que confideret, illud
opus, quod tunc pera-
geret, nunquam perire
posse. l. 2. c. 17.*

SANCTISSIME Pater, in
Unione amoris di-
lectissimi Filii tui,
commendo tibi spiri-
tum meum.

ORATIO ANTE HORAS CANONICAS, AUT ALIAS QUASCUNQUE PRECES.

OMNIPOTENS æterne Deus, ego indignissima creatura tua compareo hic ante thronum gratiæ tuæ, desiderans cor meum coram te effundere, teque Deum meum omni possibili meliori modo venerari. Quare in unione amoris illius quo Filius tuus te adoravit, omniaque opera humanæ redemptionis perfecit, hoc divinum Officium (seu hanc orationem) inchoabo, fideliterque persolvam: optans et desiderans, quod tale tibi obsequium honoris et laudis præstare possem, quale superdignissima humanitas Christi, sacratissimaque Virgo Maria tibi semper exhibuerunt.

Ideoque has preces meas in virtute et efficacia cordis Christi, nomine suo omniumque Angelorum, Sanctorum, et hominum persolvam, ad æternam laudem et gloriam tuam. Humiliter deprecans, ut me ab omni distractione et ariditate mentis custodias, atque fideliter hoc precum mearum pensum persolvere largiaris. Amen.

SUSPIRIUM ANTE OFFICIUM.

B. Mechtildi dicebat Christus, quod si quis hanc Oratiunculam Illoris Canonicis præmittere assuesceret, quod eædem tunc cum orationibus suis unirentur, summèque coram Deo nobilitentur. l. 3. c. 32.

DOMINE Jesu in unione istius intentionis et

amoris quo tu Laudes Deo Patri persolvisti, has tibi horas offero et persolvo.

Remedium
contra distractiones.

Dum in oratione distraheris, commenda illam cordi Christi pro te supplendam: sicut ipse B. Gertrudi, quadam vice multum distractæ, apparens, propriisque manibus cor suum præsentans, dixit: Ecce cor meum oculis mentis tuæ prætendo, cui omnia quæ per te minus supplere sufficis, fiducialiter pro te supplenda commendabis: etsic omnia coram oculis meis apparebunt summè perfecta. l. 3. c. 25.

Nota, quod Gloria Patri, cum magna semper devotione dicere assuescas: refert enim Honor. solit. sup. Psal. quod quidam Re-

ligiosus qui horas suas negligenter dicere consueverat, post mortem alteri cuidam apparuerit: et interrogatus, quidnam ob præfatam negligentiam secum actum esset, Resp. hanc se recuperasse per Gloria Patri, quod magnâ semper reverentiâ dicere solitus fuisset.

Suspirium
post divinum Officium.

B. Mechtildis pro quodam orans, qui ei conquerebatur, quod horas suas sæpius distracte oraret, hoc à Christo accepit responsum: quod semper in fine Horarum diceret, ut sequitur. Insuper addens quod si quis id post singulas Horas dicere non posset, diceret saltem septies de die quando libuerit. l. 3. c. 33.

DEUS, propitius esto mihi peccatori vel,

Agne Dei benignissime et mansuetissime, miserere mei : et per te metipsum supple quidquid in hac hora neglexi.

ORATIO POST OFFICIUM
SEU QUAMCUMQUE ORATIONEM.

DOMINE Jesu, ego hoc tepidum distractumque servitium meum, commendo divino cordi tuo emendandum et perficiendum : tibi-que illud offero in unionem amoris illius, quo tu mortem pertulisti, eamquecum omni fructu sanctissimæ humanitatis tuæ in die Ascensionis Deo Patri præsentasti. *Gert. l. 5. c. 31.*

MODUS
offerendi efficacissimus.

Dum B. Gertrudis opus quoddam Deo offerret, dicens :

DOMINE, hoc opus offero tibi per unicum Filium tuum, in virtute Spiritus S. in laudem æternæ majestatis tuæ.

Intellexit quod mirificè super humanam æstimationem nobilitaretur, et gratum sit Deo Patri quidquid taliter offertur. Ad similitudinem, sicut viride apparet quidquid per viride videtur : sic per omnia acceptissimum est Deo Patri, quidquid per Unigenitum suum offertur. l. 3. c. 30. §. 14.

Ut scias quam utile sit opera sua Deo commendare, audi quid Christus aliquando dixerit B. Gertrudi, sc. Omnia opera tua mihi perfectissimè placent ; quod cum illa non posset credere, ait : Sicut tu tenens rem aliquam in manu tua, quam sa-

cillimè posses et benè scires sic emendare quod omnibus placeret, si bonam ad hoc voluntatem haberes, nequaquam negligeres: sic ego ex eo quod habes de more opera tua mihi commendare, ea quasi in manu mea teneo, et cum optime valeam et sciam, certè ex benignitate mea delector omnia opera tua sic emendare, ut mihi possint perfectissime complacere. l. 4. cap. 31.

ORATIO

cum ex Ecclesia iturus es.
Ex S. Gert. l. 5. c. 33.

PISSIME Jesu, maximas habeo tibi gratias pro omni bono quod mihi in hac Ecclesia contulisti. Et quoniam modo exiturus sum, ideo in unione perfectissimarum orationum tuarum of-

fero tibi omnes orationes et devotiones meas quas in eadem perfecti rogans ut easdem in corde tuo divino perfectissimè nobilitatas; una cum omni intentione et devotione quam unquam cor humanum influxu tuo persensit, Deo Patri pro universis negligentis meis, in placidissimam emendationem, et acceptabilissimum holocaustum offerre digneris: mihi que illam S.tm Benedictionem, quam Apostolis in cælum ascendens dedisti, impertiri; cujus virtute in tua gratia perseverare, tibi que fideliter servire valeam. Amen.

AD ASPERSIONEM

aquæ benedictæ.

PER aspersionem Sanguinis tui, Domine

Jesu Christe, et per virtutem Passionis tuæ, lava me ab omni macula, et munda me ab omni peccato. In nomine Patris.

ORARE EXPANSIS MANIBUS,
quam gratum sit Christo.

B. Gertrudis dicebat ad Christum: Eia doce me, Doctor optime, unum saltem factum, quod specialiter in memoriam passionis tuæ possimus perficere. Cui ille: Hoc ergo accipe, ut orantes expansis manibus formam meæ Passionis Deo Patri prætendatis, in unione illius amoris, quo ego in Cruce manus expandi. Et si quis hoc in usum duceret, quod palam expansis manibus orans, nullius in hoc contradictionem expavesceret, ille tantum mihi honoris exhiberet, quantum ille

regi defert, qui ipsum solemniter inthronizat. l. 4. c. 16.

Ad sonitum Horologii.

DULCISSIME Jesu, quid quid hac hora feci, illud commendo divino cordi tuo emendandum, Deoque Patri ad laudem æternam offerendum. Et quidquid hac sequente hora faciam, illud purè ad laudem Dei et ad salutem universitatis in unione Passionis tuæ perficiam.

ANTE LABOREM.

B. Gertrudi dicebat Christus, quod diceret cuidam personæ, ut quandocunque aliquid agere disponderet, semper tali præveniret intentione.

DOMINE Jesu, in unione perfectissimorum operum tuorum

commendo tibi hoc opus meum, secundum tuam laudabilissimam voluntatem regendum, ad salutem totius universitatis.

POST LABOREM.

DOMINE Jesu, in uno perfectissimorum operum tuorum offero tibi hoc opus meum ad emendandum, ac Deo Patri dignè præsentandum in laudem æternam. Amen. *l. 3. c. 74. §. 2.*

ANTE COMESTIONEM.

Quicumque studuerit, aiebat Christus B. Gertrudi, singula comoda sua in edendo, bibendo, etc. ea sumere intentione, ut dicat corde vel ore (ut sequitur) ille singulis vicibus prætendit coram me quasi scutum quoddam, quo contra diversas molestaciones, qui-

bus à mundanis infestor, quasi protectus defendor. l. 4. c. 13.

DOMINE Jesu, hunc cibum suscipio in illo amore, quo tu eundem sanctificasti, cum in tua sanctissima humanitate consimili uteris ad laudem Dei Patris, et salutem totius generis humani: orans ut in unione divini amoris tui cedat in augmentum salutis omnibus cœlestibus, terrestribus et purgandis.

Sub Comestione.

Cum B. Gertr. comedendo ad singulas buccellas diceret:

VIRTUS tui divini amoris me totam tibi incorporet, amantissime Jesu.

Et inter bibendum,

EFFECTUM vehementissimæ charitatis tuæ, amantissime Je-

su, transfunde et conserva in intimis meis, qui penetrando totam substantiam meam, jugiter distillet per omnes sensus corporis et animæ meæ ad laudem tuam æternam.

Quæsiuit à Domino qualiter similem devotionem à quibuslibet acceptaret. Resp. Quoties tali devotione comeditur à quopiam una buccella, ego me fatebor cum illo comedisse, ac per hoc ab ipso impotionatum esse, etc. Ideoque affectum amoris illius, tempore congruo satis dignanter

illi manifestabo. l. 3. c. 23.

POST LAPSUM IN PECCATUM.

B. Gertrudis dicebat Christo: Doce me, magistrorum optime, quomodo maculas abstergere possim cum contraxero. Resp. Nunquam per tempus sinas eas durare in te, sed quam primum te cognoscis maculatam, statim devoto corde dic:

O unica salus mea, Christe Jesu, da ut per saluberrimam mortem tuam deleantur omnia delicta mea. Amen. l. 3. c. 37.

PRECES VESPERTINÆ.

Gratiarum Actio mirè efficax.

Ex S. Gert. l. 2. c. 2 et 15.

AVE Salus et illuminatio animæ meæ, tibi referat quidquid cœli ambitus terrarum-Deus meus. Gratias que circuitus, et abys-

si complectitur profundum, pro universis beneficiis et miserationibus tuis, quæ mihi in corpore et anima contulisti. Quorum cum tantus sit numerus quod nequaquam valeam respondere uno pro mille: hinc idipsum illi æternæ, immensæ, et incommutabili gratitudini committo, quâ tibi, ô fulgida semperque tranquilla Trinitas ex teipsa, per te ipsam et in te ipsa omne debitum plenè suppletur. Et huic me quasi pulvis exiguus ingerens, per eum qui in substantia mea tibi assistit, offero tibi laudes et gratiarum actiones, quales dedisti nobis posse per eundem in Spiritu sancto. Amen.

Hic examina contritionem, et elicitam

contritione cum intimo suspirio dic cum S. Gert. l. 2. c. 18.

IN amaritudine Passionis Jesu Christi Filii tui, amantissime Pater, moveo querimoniam, vehementer me accusans, quod hodie tam infideliter tibi servierim, teque benignissimum Patrem tot et tantis negligentis et peccatis offenderim: de quibus ex intimo corde dolens, in spiritu humilitatis et in animo contrito percussio pectus meum dicens: Deus propitius esto mihi peccatori. Et pro universis negligentis meis, quibus suavissimum Spiritum tuum in me extinxi, offero tibi pœnas et lachrymas dilecti Filii tui. Et peto in unione efficacissimæ orationis ejusdem, in virtute

Spiritus S. omnium peccatorum meorum emendationem, defectuumque meorum suppletionem. Quod mihi præstare digneris per amorem illum, qui te continuit cum tuæ paternæ delitiositatis amantissimus Unicus cum sceleratis reputaretur. Amen.

B. Mechtildi dixit Christus quod in dies pro suis peccatis tertio oraret Psal. Laudate Dominum omnes gentes.

COMMENDATIO

AD COR JESU.

O Cor Jesu dulcissimum, tibi commendando hac nocte cor et corpus meum, ut in te dulciter requiescant. Et quoniam ego jam obdormiturus Deum laudare nequeo, tu illud pro me supplere digneris; ita ut quot

pulsus cor meum hac nocte dederit, tot laudes SS. Trinitati pro me persolvas: omnemque halitum quem spiravero, in te susceptum, eidem tanquam vivas amoris scintillas offerre velis. Amen.

AD B. VIRGINEM, ETC.

IN tuam maternam fidelitatem, ac singularem custodiam commendando me hac nocte, ô beatissima Virgo Maria, rogans ut me ab insidiis inimici tuearis. O dilectissime Angele Custos; ô vos SS. Patroni mei, hâc nocte defendite et incolumem servate me. Et pro me dormiente incessanter Deum meum laudate: mihi que vestram benedictionem, quam humiliter peto, conferre dignemini. Amen.

INTENTIO ANTE SOMNUM,
quam Christus

B. Gertrudem docuit.
l. 4. c. 13.

DOMINE Jesu, hunc
somnum suscipiam
in illo amore, quo tu
eumdem sanctificasti,
cum in tua SS. huma-
nitate consimili utere-
ris ad laudem Dei Pa-
tris, et salutem totius
generis humani: orans
ut in unione divini a-
moris tui cedat in aug-
mentum salutis omni-

bus cœlestibus, terres-
tribus et purgandis.
Amen.

*Decubiturus pollice
scribe in fronte tuo
has 4 litteras: J. N. R.
J. interim dicens:*

Jesus Nazarenus,
Rex Judæorum, præ-
servet me à subitanea
mala morte.

*S. Edmundo dixit
Christus, quod quicun-
que hoc fecerit, subi-
tanea morte ista nocte
non sit moriturus. Sur-
in ejus vita.*





PARS SECUNDA.

DE SACRIFICIO MISSÆ.

B. Mechtildi dicebat 19. *Et aliàs dicebat:*
Christus; Pro certè *Nullum tam gravem*
dico tibi, me ei, qui *peccatorem aut hostem*
devotè Missam audie- *suum unquam, in Missa*
rit in extremis suis pro *præsentem futurum,*
consolatione et defen- *quem non patienter suf-*
sione, tot nobiles per- *ferat, eique cum gau-*
sonas de Sanctis meis *dio omnes culpas suas,*
missurum, quot Missas *dummodo id petierit,*
devotè audierit. l. 3. c. *condonet. l. 3. c. 13.*

Ideo libenter ad Missam vade, hasque preces Missales, verè efficacissimas, in quibus verus modus audiendi Sacrum continetur, postpositis aliis precibus, fac tibi familiâres.

Oratio in principio Missæ
valde meritoria.

OMNIPOTENS sempiternè Deus, cum juxta veram Ecclesiæ fidem, sacrum Missæ Sacrificium à Filio tuo institutum, divinæ Majestati tuæ summum honorem, laudem et beneplacitum pariat, atque per illud solum et unicum condignè coli et honorari possis: ideo ex summo laudis et gloriæ tuæ desiderio, huic præsentî sacrificio, summâ quâ potero devotione interesse, atque una cum Sacerdote hanc SS.

oblationem offerre intendo: sicut et actu offero; non solum hoc, verum et omnia totius mundi sacrificia, quæ hodierna die offeruntur: protestans quod si penes me esset quod hæc offerrentur, vel omitterentur, omnes vires meas ad eadem promovenda impenderem. Imo si ex cunctis terræ lapidibus suscitare possem devotissimos Sacerdotes, qui omni die summâ cum devotione hoc Sacrificium laudis tibi offerrent, certè hæc horâ idipsum perficerem. Cum autem id penes me non sit, saltem rogo te, sanctissime Pater, per Jesum Christum Filium tuum, ut omnibus et singulis sacerdotibus, maximè iis, qui fortè hodiernâ die tam beneplacitum tibi

sacrificium negligenter oblaturi sunt, spiritum gratiæ et devotionis infundas, quo tam tremendum Mysterium dignè et devotè peragere valeant. Mihi quoque et omnibus circumstantibus concedas, ut cum reverentia et devotione huic sacratissimæ Actioni assistere, atque fructûs ejusdem participes fieri mereamur. Confiteor tibi Deo omnipotenti, et B. Mariæ Virgini, et omnibus SS. tam mea, quam totius mundi peccata, eaque super sacrum hoc Altare depono, ut per virtutem hujus sacrificii prorsus aboleantur. Quod nobis præstare digneris per amorem illum qui te continuit, cum dilectissimus Unicus tuus per manus impiorum immolaretur. Amen.

Cum Missa ab Introitu usque ad Oblationem semper variet: hinc et tu pro libitu tuo orationes tuas variare poteris.

AD OFFERTORIUM.

PISSIME Pater, in unione illius excellentissimæ charitatis, quâ Unigenitus tuus omnem influxum divinitatis, qui in ejus humanitatem descendit cum plenâ gratitudine offerens refudit in abyssum originis suæ, offero tibi omnia et singula bona, quæ ex ineffabili benignitate tua mihi unquam contulisti: eaque in summum gratitudinis affectum unâ cum meritis et virtutibus ejusdem Filii tui super Altari tuo in sempiternæ laudis sacrificium immolo. Maximè verò offero ti-

bi cor meum, sed heu nimis sordidum et fœtens, illudque sacro huic Calici immergo ea intentione et desiderio, ut omnes illæ orationes et benedictiones quæ super hunc Calicem fient, etiam super cor meum pronuntientur: atque per virtutem istius ineffabilis Consecrationis, quâ vinum in Filii tui Sanguinem convertetur, idipsum in tui amorem efficaciter convertatur.

Ad hæc in unione amoris et gratitudinis illius, quâ Filius tuus omnes adversitates suas tibi obtulit, offero tibi super Altare tuum quidquid adversi tam mihi quàm ulli hominum è corde tuo paterno ad salutem nostram misisti: rogans ut id omne una cum hoc sacrificio in odo-

rem suavitatis suscipias, nobisque ad salutem provenire concedas.

Demum in unione resignationis Unigeniti tui, offero et resigno me in tuam SS. voluntatem, ex toto corde desiderans, ut per me, in me, et circa me tuum in omnibus laudabilissimum beneplacitum semper perficias. Ad quod perficiendum præbeo tibi Regi Regum Domino totam substantiam corporis et animæ meæ, ad serviendum tibi pro gloria tuæ colendæ Majestatis. Amen.

Cum B. Gertrudis sic se Christo obtulisset, ait ad eam: Ego hoc munere tuæ bonæ voluntatis utar quasi pro regio sceptro, et de eo coram omnibus SS. in perpetuum gloria-

bor. Et quotiescunque tu mihi hanc intentionem renovaveris, toties idem sceptrum amœnissimis floribus in manu mea effloreat. l. 4. c. 27.

Ad Orate Fratres, dic cum Ministro: Suscipiat.

AD SECRETAS.

RESPICE pie Pater, de sede Majestatis tuæ et de excelso cœlorum habitaculo super hanc oblationem; quam per manus Sacerdotis hujus offert tibi sponsa tua S. Mater Ecclesia; et per virtutem ejusdem placare super multimodis transgressionibus nostris. Suscipe quæso eandem, quam ego indignissimus famulus tuus nomine meo, et nomine totius universitatis offero tibi Deo meo vivo

et vero, unâ cum omnibus meritis dilectissimi Filii tui, totoque thesauro S. Ecclesiæ, pro innumerabilibus peccatis et offensionibus, et negligentis meis, et pro omnibus fidelibus vivis atque defunctis; ut mihi et illis proficiat ad salutem in vitam æternam. Amen.

AD PRÆFATIONEM.

Cùm B. Mechtildis pro quodam oraret, ait Dominus: Ecce huic remitto omnia peccata sua: in quorum satisfactionem dum in Præfatione dicitur, Per quem Majestatem. Laudabit me in unione, etc. ut sequitur: et dicat unum Pater noster, quod Deo offerat per me: sicque supplebuntur per me ejus negligentiae. Et si quis alius hoc fecerit, piè credat

se eandem gratiam impetrare posse, l. 4. cap. 28.

PISSIME Jesu, adoro, laudo et glorifico te in unione istius super-cœlestis laudis, quâ reverendissima Trinitas seipsam laudat et à semetipsa laudatur: quæ deinde effluit in beatissimam Virginem Mariam, et in omnes Angelos et Sanctos: qui gloriosam Majestatem tuam incessabili et incomprehensibili voce laudant, adorant, sociâque exultatione concelebrant. Cum quibus et nostras voces ut admitti jubeas deprecamur, supplici confessione dicentes: Sanctus, Sanctus, etc.

Hic in suppletionem negligentiarum tuarum dic unum Pater

noster, quod offer ut sequitur.

SANCTISSIME Pater offero tibi hanc orationem in unione istius laudis, quâ cœli et terræ, omnesque creaturæ te laudant et magnificant. Quam suscipere et admittere digneris per Jesum Christum Filium tuum. Per quem quidquid tibi offertur, ascendit ad te in summo beneplacito. Rogans ut per eundem Filium tuum omnia peccata mihi remittantur, omnesque negligentiae suppleantur. Amen.

AD CANONEM.

Mecht. l. 2 c. 31. Gert. l. 3 c. 6.

O Deus ineffabilis, jam incipiunt illa tremenda Mysteria, quæ nec Cherubim nec Seraphim, nec omnes virtutes cœlorum plenè

valent comprehendere : cùm tibi soli cognitum sit cum quantâ amoris magnitudine te in dies pro salute fidelium , Deo Patri super Altare in Hostiam laudis et placationis offeras. Ideoque hæc sacro sancta arcana universi Angelorum ordines summâ demissione venerantur : et quod videant Regem suum et Dominum, qui olim hominem redempturus summo amore descenderat, nunc iterum pro salute ejusdem hominis ineffabili quodam modo super Altare descendere, atque sub vilissimis panis et vini speciebus se abdere.

O bone Jesu, tam inæstimabiliter, tamque excellenter reverendum est opus istud quod nunc operaberis,

quod parvitas mea ne quaquam audet ad hoc vel respicere. Unde demergens me jacebo in profundissima valle humilitatis quam poterò investigare, expectans ibidem portionem meam; quia omnibus electis inde salus proveniet. O utinam et millies utinam, piissime Jesu in hoc opere tuo te adjuvare, efficereque possem, ut hæc oblatio sacratissima secundum dignitatem suam plenum sortiretur effectum : certè libentissimè quantumcumque difficili labore ad hoc inservire vellem. Rogo ergo te, da sacerdoti huic ut tali dignitate te tractet et offerat, quatenus hæc oblatio omnibus fidelibus vivis atque defunctis summè prodesse valeat. Amen.

AD ADORATIONEM

S. Hostiæ dic :

SALVE Jesu dulcissime,
cum summâ humi-
litate adorans veneror
te.

HIC TER

pectus percutiens dic :

O Jesu miserere mei,
O bone Jesu parce mi-
hi. O piissime Jesu,
propitius esto mihi
peccatori.

ORATIO AD PATREM.

O Amantissime Pater,
in unione amoris
illius, quo Filius tuus
olim in Cruce, et mo-
dò in Altari se obtulit,
offero tibi eundem pro
salute totius Ecclesiæ.
Respice ergo illam vir-
gineam carnem crude-
liter flagellatam, cola-
phis et alapis cæsam,
sputis maculatam, san-
guine cruentatam, spi-
nis perforatam, livori-

bus tumidam, clavis
confixam, lanceâ per-
fossam. Illa ergo pie-
tas, quæ Filium tuum
traxit et vicit, ut seip-
sum in Cruce immola-
ret, et modo in Altari
se tibi offerret, ipsa te
cogat Pater, miserere
nobis.

Ad adorationem Calicis dic :

Salve pretiosissime
Sanguis Domini mei,
cum summâ devotione
adorans veneror te.

Ter pectus percutiens dic :

O sacer Sanguis ab-
lue me. O roseæ San-
guis purifica me. O
pretiosissime Sanguis
clama ad Deum Pa-
trem, ut misereatur
nostri.

POST ELEVATIONEM ORATIO

EFFICACISSIMA, NEC FA-
CILÈ OMITTENDA.

SANCTISSIME Pater, cum
Unigenitus tuus,

jam vere in Altari præsens, semetipsum fecerit sacrificium et victimam pro peccatis nostris: ideo in unione amoris illius, quo ille, seipsum olim in cruce et modo in Altari obtulit, offero tibi sanctissimum ejus corpus et sanguinem, humanitatem, et divinitatem, virtutes et perfectiones, passionem et mortem: et in unione horum offero tibi omnes virtutes, merita et gratias B. Virginis Mariæ, omniumque SS. nec non et omnia bona opera cunctorum hominum, totumque thesaurum S. Ecclesiæ. Quibus specialiter addo quidquid ego, meique speciales amici unquam boni peregrimus, aut mali pro gloria tua sustinuimus. Et hanc oblationem

una cum hoc et totius orbis sacrificiis, offero tibi, ô Pater æternæ, per dilectum Filium tuum, in virtute Spiritus S. ad tuam supremam laudem et gloriam, in recognitionem tuæ supremæ Majestatis et Domini, in gratiarum actionem omnium beneficiorum ulli unquam creaturæ collatorum, et in plenam abolitionem omnis injuriæ ab ullo unquam tibi irrogatæ.

Deindè offero tibi eamdem in augmentum gaudii et gloriæ humanitatis D. N. Jesu Christi, in cultum et venerationem omnium mysteriorum vitæ et mortis ejus, et in augmentum gloriæ et beatitudinis B. V. Mariæ, omniumque Sanctorum, maximè Patronorum meorum, et quo-

rum hodie memoria colitur.

Tertiò offero tibi eandem pro me misero peccatore, et pro omnibus meis spiritualibus et carnalibus Amicis (*Maximè pro N. N.*) et pro omnibus Christianis vivis atque defunctis (*maximè pro N. N.*) rogans ut illam suscipere digneris in condignam gratiarum actionem pro omnibus bonis in corpore et anima nobis impensis, ad impetrandam omnem gratiam nobis necessariam, ad avertendum omne malum corporale et spirituale, quod saluti nostræ officeret, et demum in perfectissimam remissionem et satisfactionem omnium peccatorum et negligentiarum nostrarum. Pro quibus offero tibi omne bene

placitum quod tibi exhibuit, omnemque satisfactionem quam tibi pro debitis nostris persolvit Jesus Christus Filius tuus Deus noster. *Per ipsum, et cum ipso, et in ipso sit tibi Deo Patri omnipotenti, in unitate Spiritûs sancti omnis honor, et gloria.* Per omnia sæcula sæculorum. Amen.

Hic cum Sacerdote ora Pater noster cum seq. oblatione, pro peccatis totius Ecclesiæ, quo summum Deo beneplacitum exhibebis, ut potest ex S. Gert. l. 4. cap. 19.

Pater noster.

OBLATIO.

BENIGNISSIME Jesu, hanc orationem offero tibi in unione illius perfectissimæ intentionis, quâ eadem

in corde tuo dulcissimo sanctificata ad nostram salutem est edita: in emendationem omnium commissorum et in suppletionem omnium negligentiarum, quæ unquam ex humanâ fragilitate, ignorantia et malitiâ sunt contracta, contra tuam insuperabilem omnipotentiam, inscrutabilem sapientiam, ac superfluentiam tuæ gratitudinis bonitatis. Amen.

AD AGNUS DEI.

Roga Christum ut se offerat Deo Patri, sicut ipse se in omni Missa facere B. Mechtildi revelavit. l 3. c. 19.

AGNUS Dei; Miserere nobis, et offer te ipsum Deo Patri cum omni humilitate, et patientia in satisfactionem debitorum nostrorum.

Agnus Dei: miserere nobis, et offer te ipsum Deo Patri cum omni amaritudine Passionis tuæ in perfectam reconciliationem.

Agnus Dei: miserere nobis, et offer te ipsum Deo Patri cum omni amore divini cordis tui in suppletionem omnium bonorum quæ nobis desunt. Amen.

Hic si libuerit ora quidpiam ex Oratione quæ habetur post Missam, fol 30.

AD

Domine non sum dignus.

DOMINE non sum dignus, ut me terra ferat: sed propter te metipsum remitte mihi peccata mea.

Domine non sum dignus, ut dicar creatura tua; sed propter amaritudinem passio-

nis tuæ condona mihi debita mea.

Domine non sum dignus, ut S. Nomen tuum pronuntiem: sed per virtutem hujus sacrificii largire mihi gratiam tuam. Amen.

Hic spiritualiter communica dicens cum Gert. l. 4. c. 5. 4. et Mecht. l. 1. c. 9.

O Vivifici fontis profluvium, ô aromatische sapor divinarum dulcedinum: ecce tibi propino in tui ipsius plenitudine guttulam meæ miserabilis indigentiae, qua, licet minus justo, doleo, et semper dolebo, quod ob meam nimiam indigentiam, animam meam ab infastidibilibus epulis tuis jejunam continere debeo. Et nunc formator et reformator substantiae meæ,

rogo ut in hac hora tua omnipotente sapientia, atque dulci pioque cordis tui amore me praeares, ut digne te in animam meam recipere valeam, tuque in me agere et perficere queas omne id, quod ab æterno in me agere decrevisti, juxta omne bene placitum divinæ voluntatis tuæ. Amen.

Ad quod impetrandum, si tempus fert dic unum Pater noster, sicut Christus. Mecht. docuit l. 1. c. 9.

COMMUNIO.

Ex S. Mecht. l. 1. c. 9.

LAUDO te, ô amor fortissime glorifico te, ô amor dulcissime: magnifico te, ô amor benignissime in omnibus et pro omnibus bonis, quæ gloriosissima tua Deitas, et beatissima humanitas

in nobis operata est, et adhuc operabitur ab æterno in æternum, per nobilissimum instrumentum divini cordis tui. Amen.

POSTCOMMUNIO.

ECCE Pater cœlestis ad altare tuum misit tibi S. Mater Ecclesia hostiam illam superdignissimam, quam tu olim misisti immolandam pro nobis. Illam ergo suscipere digneris in amore illo superexcellente, quo Filium tuum de regione nostra ad regnum tuum revertentem, tibi que Deo Patri omnem fructum humanitatis suæ gloriosaque vulnera carnis suæ præsentantem suscepisti. Non recedant, piissime Pater, ab oculis tuis cicatrices ejus in perpetuum, ut me-

mineris quantam ab eo pro peccatis nostris satisfactionem acceperis. Igitur virtute hujus oblationis incruentæ, miserere mei, et omnium peccatorum, cunctorumque fidelium vivorum ac defunctorum: da illis gratiam et misericordiam, remissionem peccatorum, et vitam æternam. Amen. *Mecht. l. 4. c. 12.*

BENEDICTIO.

Benedicat me bone Jesu, tua omnipotentia, instruat me tua sapientia, repleat me tua dulcedo, trahat et uniat me tibi tua bonitas in sæcula. Amen.

Et Verbum Caro factum est.

Cum devotâ gratitudine te inclinans dic:

Gratias tibi ago, bone Jesu, quod pro

amore mei dignatus es
Homo fieri.

*Si quis hoc fecerit,
ait Christus, ei di-
gnantissimè me rein-
clino, et ex intimo cor-
dis affectu Deo Patri
omnem fructum B. Hu-
manitatis meæ offero,
in augmentum beatitu-
dinis hominis illius.
Gert. l. 4. c. 3.*

Adoratio SS. Sacramenti.

*Sub Missa aut alias
ante Venerabile dicen-
da.*

SALVE nobilissimum
Corpus et pretiosis-
sime Sanguis Domini
mei Jesu Christi, sub
hac panis specie verè
præsens, te adoro tali
cultu et devotione,
qua novem Angelorum
chori te venerantur et
colunt. Coram te pro-
cido in spiritu humili-
tatis, credens et confi-
tens, quod tu Dominus

meus et Deus meus
verè hic continearis.

Salve nobilissimum
Corpus Salvatoris mei
Jesu Christi, vera hos-
tia in cruce immolata.
Adoro te in unione
istius adorationis, quâ
humanitas tua adora-
vit divinitatem: et cum
affectu totius universi-
tatis ago tibi gratias,
quod pro salute nostra
hic delitescere digna-
ris.

Salve pie Jesu, Ver-
bum Patris, Splendor
gloriæ, Fons pietatis,
Salus mundi, sacra
Hostia. Salve Jesu
Christe, Splendor Pa-
tris, Princeps pacis,
Janua cœli, Panis vi-
vus, Virginis Partus,
Vas Deitatis.

Credo firmissimè,
quod tu Deus meus
hic præsens sis, meque
ex hoc Sacramento in-
tuearis, atque intima

cordis mei perspicias. Credo quod sub hac panis specie non solum Caro et Sanguis tuus, verum etiam Deitas et Humanitas tua contineantur. Quod licet intelligere nequeam, adeo tamen firmiter credo, quod vitam et sanguinem meum pro ea veritate profundere paratus sim.

Coram te, ô SS. Sacramentum cum summâ reverentia procido, et cum Omnibus Angelis et Archangelis, cum Thronis et Dominationibus, cum Cherubinis et Seraphinis, cumque omni militia cælestis exercitus hymnum gloriæ tuæ concino, dicens : Centies milles laudetur SS. Altaris Sacramentum.

O intima medulla paterni cordis, gratias tibi ago per mutuam

gratitudinem colendæ semper et adorandæ Trinitatis, pro eo quod hoc inæstimabile Sacramentum instituisti, per quod cœli et terra reconciliantur, et immensis gratiarum donis perpetuò replentur.

Glorifico et magnifico sapientem et benignam omnipotentiam tuam : laudo et adoro omnipotentem et benignam sapientiam tuam : benedico et gratias ago omnipotenti et sapienti benignitati tuæ, Christe Jesu, quod prævaluisti, scivisti et dignatus es in salutis nostræ subsidium hoc præmagnificum Sacramentum instituere.

O unica et vera fiducia animæ meæ, Christe Jesu, te laudo, te amo, te colo, te adoro atque humillimè de-

precor, ut in hac horâ te Deo Patri pro nimis debitis meis offeras, sicut teipsum in cruce pro totius mundi reatu obtulisti.

O Christe Jesu, dulcis et unicus amor meus, oculis piissimæ misericordiæ tuæ respice me indignissimum humiliter coram te prostratum, atque peccatorum meorum veniam toto corde poscentem.

O Flos nobilissime de radice Jesse, per ineffabilem amorem prædulcissimi cordis

tui miserere mei, et recipe me in gratiam tuam, propter gloriam nominis tui.

O Pater amantissime, ofero tibi hunc dilectum Filium tuum, in perpetuæ laudis tuæ holocaustum, et in propitiationis peccatorum nostrorum jube sacrificium. Respice quæso in faciem Christi tui, et memento illius copiosissimæ satisfactionis, quam tibi pro peccatis nostris pendit in cruce, et miserere nostri. Amen.



PARS TERTIA.

De SS. Trinitate,

QUINQUE LAUDIS CANTICA.

Hæc 5. Cantica, ex Exercitiis S. Gertrudis excerpta, adeo sunt sublimia et divina, ut potius videantur esse Beatorum in patria quam Viatorum in terra. Poteruntque esse usui in Process. solemnibus, et aliàs quando Deum laudare volueris.

CANTICUM PRIMUM.

Trium puerorum in fornace.

BENEDICTUS es Domine Deus Patrum nostrorum : et laudabilis

et gloriosus in sæcula.

Et benedictum nomen gloriæ tuæ quod est sanctum : et laudabile et gloriosum in sæcula.

Benedictus es in templo Sancto gloriæ tuæ : et laudabilis et gloriosus in sæcula.

Benedictus es super thronum sanctum regni tui : et laudabilis, etc.

Benedictus es super sceptrum divinitatis tuæ : et laudabilis, etc.

Benedictus es qui

sedes super Cherubim,
et intueris abyssos: et
laudabilis, etc.

Benedictus es qui
ambulas super pennas
ventorum, et super
undas maris: et lau-
dabilis, etc.

Benedicant te om-
nes Angeli et Sancti
tui; et laudent et glo-
rificent te in sæcula.

Benedicant te cæli,
terra, mare et omnia
quæ in eis sunt: et
laudent et glorificent
te in sæcula.

Gloria Patri, et Fi-
lio, et spiritui sancto:
et laudabili et glorioso
in sæcula.

Benedictus es ô Ado-
nai Domine, Pater Do-
mini nostri Jesu Chris-
ti: qui fecisti cælum
et terram et omnia quæ
in eis sunt: et es lau-
dabilis, et gloriosus,
et superexaltatus in
sæcula.

CANTICUM SECUNDUM.

In quo Sancti Deum laudare
rogantur.

JUBILENT tibi pro me,
ô Deus cordis mei,
omnes chori Angelo-
rum, et universæ tur-
mæ Sanctorum: quos
tu ab æterno ad tuam
gloriam præelegisti.

Jubilent tibi pro me
septem illi spiritus glo-
riosi, qui jugiter as-
tant ante conspectum
thrôni gloriæ tuæ.

Jubilent tibi pro me
infinita SS. Angelorum
castra, quos mittis in
ministerium propter
acquisitionis tuæ ge-
nus electum.

Jubilent tibi viginti
quatuor Seniores cum
omnibus Patriarchis et
Prophetis, qui depo-
nentes coronas suas,
procidunt ante thro-
num tuum.

Jubilent tibi sacra

quatuor pennata animalia, quorum omnia viscera diu noctuque laudem tuam sunt eructantia.

Jubilet tibi amicissimorum fratrum tuorum Apostolica dignitas, quorum suffragiis S. Ecclesiam tuam mirabiliter sustentas.

Jubilet tibi victoriosa Martyrum tuorum turba, quorum stola pretioso sanguine tuo est purpurata.

Jubilet tibi Confessorum agmen perfectissimum, quorum spiritum transtulisti in admirabile lumen tuum.

Jubilet tibi omnis sancta et immaculata Virginitas, quam unâ tecum ornat tuæ niveæ puritatis claritas.

Jubilet tibi pro me hoc novum canticum, quod resonat in ore eorum, dum te sequun-

tur quocunque ieris, Jesu Sponse virginum.

Jubilet tibi pro me omnis electorum tuorum exercitus, peculiaris populus tuus: quia tu es ipsorum Deus, et ipsi populus tuus in sæcula.

Jubilent tibi universa mirabilia opera tua, quæcunque cœli et terræ complectitur circumferentia: et laudem dicant tibi illam perpetuam, quæ à te exiens in te refluit suam originem.

Gloria Patri, et Filio, et spiritui sancto. Gloria quoque Reginae cœlorum cum omni multitudine cœlestis Hierarchiæ in secula.

CANTICUM TERTIUM.

In quo Deus in Virgine laudatur.

BENEDICAT te Deus meus beatissima Mater

tua virginea, quam in Matrem præcligere dignatus es ante sæcula.

Benedicat tibi admirabile Tabernaculum gloriæ tuæ, quod solum tibi ministravit digne sancta inhabitazione.

Benedicat te S. Divinitatis tuæ gloria, quæ se inclinavit ad virginæ vallis humilia.

Benedicat te artificiosissima Divinitatis tuæ sapientia, quâ indidisti virginæ rosæ tantam virtutem et speciem, quam tu ipse potuisti concupiscere

Benedicat te tua bonitas admirabilis, cujus copiosa effecit gratia, ut omnis vita Mariæ fieret tuæ dignitati congrua.

Benedicat te amor tuus dulcissimus, cujus virtute, tu virginitatis

flos, factus es virginis filius.

Benedicat te splendor vultus gloriæ tuæ, qui animam Virginis ita decoravit, quod eam ineffabilis Trinitas concupierit.

Benedicat te tua incomprehensibilis Sapientia, quæ castissimum Virginis spiritum adimplevit cognitione et intelligentia.

Benedicat te tua humilis et mirifica dignatio, quæ castissima Mariæ ubera contra venenum peccatorum nostrorum sugere dignata est.

Benedicat te superfluens dulcedo cordis tui, quæ virginem animam dulcore suavitatis tuæ ineffabiliter inebriavit.

Benedicat te suavissima divini oris tui eloquia, quæ sanctâ

charitatis flammâ incenderunt materni cordis penetralia.

Benedicat te tota virtus divinitatis, et tota substantia humanitatis tuæ, quæ abundantiam cœlestium charismatum in cor Mariæ effundere dignata est.

Gloria Patri, etc.
Gloria quoque Reginae cœlorum cum omni multitudine cœlestis Hierarchiæ in sæcula.

CANTICUM QUARTUM.

In quo humanitas Christi pro nobis Deum laudare inducitur.

BENEDICAT te pro me, dulcissime Jesu, exinanitio tuæ Majestatis, quæ nobis acquisivit thesauros æternæ claritatis.

Benedicat te assumptio nostræ humanitatis, quæ nos voca-

vit ad consortium tuæ Divinitatis.

Benedicat te exilium, quod triginta tribus annis sustinuisti, per quod animas quæ perierant, ad gaudia vitæ æternæ reduxisti.

Benedicant te omnes humanitatis tuæ angustiae et dolores, per quos sanctificasti omnes nostras pressuras et labores.

Benedicat te experientia nostræ miseriæ, per quam factus es nobis pater multæ misericordiæ.

Benedicant te omnes guttæ tui pretiosissimi Sanguinis, quibus nos emundasti à peccatorum nostrorum maculis.

Benedicant te pretiosissima quinque Vulnerum tuorum monilia, quibus coëmisti nobis æternæ hæreditatis tabernacula.

Benedicat te amaritudo tuæ pretiosæ mortis, quam tibi pro nobis intulit amor fortis.

Benedicat tibi tuum mellifluum deificatum Cor, quod in morte tua tam vehemens rupit amor et dolor.

Benedicat tibi humanitatis tuæ caro mundissima, in qua factus es frater noster fidelissimus.

Benedicat te pro me tua triumphalis gloria, per quam in carne nostra ad dexteram Patris sedes in sæcula.

Benedicat te pro me tui ipsius claritas, honor, et virtus, quâ mirabiliter repletur et pascitur omnis cœlestis exercitus.

Gloria Patri, et Filio, et Spiritui sancto : Gloria quoque Reginae cœlorum cum omni

multitudine cœlestis Hierarchiæ in sæcula.

CANTICUM QUINTUM.

In quo Deus in seipso laudatur.

BENEDICAT te pro me gloriosum et admirabile lumen tuum, Deus meus : et laudet te præstantissimæ Majestatis tuæ imperiale decus.

Benedicat te immensæ gloriæ tuæ dignissimus apparatus : et laudet te infinitæ potentiae tuæ præclarissima virtus.

Benedicat te æternæ claritatis tuæ principale jubar : et laudet te præfulgidi decoris tui rutilans amœnitas.

Benedicat te justorum judiciorum tuorum abyssus : et laudet te æternæ sapientiæ tuæ inscrutabilis circuitus.

Benedicat te multarum miserationum tuarum infinitus numerus: et laudet te omnium misericordiarum tuarum immensum pondus.

Benedicant te omnia pietatis tuæ viscera: et laudet te infinitæ bonitatis tuæ superabundans copia.

Benedicat tibi tua nimis magna, quam erga homines habes, charitas: et laudet te tui benignissimi amoris incontinentissima liberalitas.

Benedicat tibi tuæ supereffluentis dulcedinis triumphalis fortitudo: et laudet te totius beatitudinis, quæ in te charis tuis manet, plenitudo.

Benedicat tibi tuæ dignitatis sublimitas; et laudet te tuæ perpetuæ invariabilitatis æternitas.

Benedicat tibi pro me tuæ imperialis Trinitatis Divinitas, essentialis Unitas, et personalis proprietas: et laudet te tua dulcis societas, mutua familiaritas; gloriosaque atque perfecta felicitas.

Gloria Patri, et Filio, et Spiritui sancto: Gloria quoque Reginae cælorum cum omni multitudine cœlestis Hierarchiæ in secula.

OBLATIO.

SUSCIPE sancta Trinitas vota labiorum meorum, quæ mihi æstuans amor cordis mei ad magnificandam magnificentiam tuam suggestit. Offero tibi hæc ipsa in unione istius ineffabilis laudis, quam in tua trina Deitate, una persona alteri incomprehensibili modo

persolvit. Et in quantum possum, jacto et ego granum cordis mei vilissimum, in divini cordis tui aureum thuribulum (in quo ad laudem tuam jugiter concrematur æternæ amoris thymiana suavissimum) concupiscens et desiderans, ut et illud meum vile et indignum, per tui Spiritus afflatum vehementer accensum, transeat in tuæ laudis cremium: et illa longa quæ de abyssis terræ post te traho suspiria, pro diuturna expectatione mea, tibi sint laus perennis et gloria. Amen.

LAUDIS DIVINÆ

jubilatio vèrè altissima.

O Inattingibilis Altitudo prævalentiæ admirabilis. O profunditas abyssi sapientiæ

inscrutabilis. O immensa latitudo charitatis desiderabilis. Nemo te dignè laudare potest nisi tu ipse, qui solus agnoscis tuam infinitam magnificentiam: Scisque modum quo dignè laudari possis. Laudet ergo te pro me Domine Deus meus tua æterna Deitas, immensa Majestas et infinita bonitas. Laudet te Domine Deus meus pro me tua altissima Sapientia, tua latissima misericordia, tua profundissima justitia. Laudet et benedicat tibi pro me tua incircumscripta magnitudo, tua suavissima dulcedo; et tua piissima benignitas. Omnia nomina, omnia verba, omnesque significationes, quæ de te dici et concipi possunt, illa tibi benedi-

cant, tibi jubilent, teque exaltent pro me, tibi que gratias agant pro omni bono, quod mihi, omnibusque creaturis contulisti, et in æternum offerre intendis.

Tibi Domine Deus meus jubilet et benedicat reverendissima humanitas Jesu Christi; sanctissima ejus vita et conversatio, divinissimæ ejus virtutes et gratiæ, pretiosissimus ejus sanguis et lachrymæ, dirissima ejus vulnera et livores, amarissima ejus passio et mors; hæc tibi pro me suppleant, teque dignè glorificent.

Te Deus Creator meus magnificet et exaltet serenissima, cælorum Regina, castissima Virgo Maria, et cum ea illa decies centena millia beato-

rum spirituum agmina, una cum universo innumerabilium Sanctorum tuorum exercitu: illi tibi pro me hymnum dicant et psallant in sæcula.

Tibi Domine Deus meus cantet et jubilet sanctissima Mater Ecclesia, te laudent sacratissima septem Sacramenta, te honorent reverendissimæ Ceremoniæ ritusque Ecclesiastici: omnes psalmi et preces, omnes ejus virtutes et sanctificationes, omnes ejus affectus et amores, omnia ejus vota et desideria, quibus ad te gemit in hac lacrymarum valle.

Tibi laudes et grates persolvant omnia, quæ mihi gratis contulisti, gratiarum tuarum dona; tibi benedicant omnes corporis et ani-

mæ meæ vires ; tibi jubilent omnes nervi et arteriæ meæ, omnia ossa et carnes meæ, omnia desideria et gemitus mei, omnis intellectus, memoria et voluntas mea, et demum tota medulla cordis mei cum ineffabili pulsu et motibus suis : quæ omnia tibi offero et resigno, deprecans, ut me totum in tui laudem et gloriam convertas in tempore et in æternitate. Amen.

TRES

incomparabiles Laudes

Quas Christus B. Mecht. docuit. l. 1. c. 33.

VENEROR et glorifico te, ô B. Trinitas, in unione istius ineffabilis gloriæ, quâ Deus Pater in sua omnipotentia Filium et Spiritum

sanctum veneratur per sæcula.

Magnifico et benedico te, ô B. Trinitas, in unione istius reverendissimæ gloriæ, quâ Deus Filius in sua inscrutabili Sapientia Patrem et Spiritum sanctum glorificat per sæcula.

Adoro et exalto te ô B. Trinitas in unione istius superdignissimæ gloriæ, quâ Spiritus S. in sua invariabili bonitate Patrem et Filium superexaltat per sæcula. Amen.

LAUS EFFICACISSIMA,

Cujus singula verba habent pondus singulare.
Ex Exerc. S. Gert.

TOTA efficacia et virtus divinitatis tuæ laudet te pro me Jesu piissime. Tota amicitia et affectus humanitatis tuæ satisfaciat tibi pro me. Tota magnificen-

tia et majestas imperialis Trinitatis glorificet, magnificet, et honorificet te ipsum in teipso pro me, illa laude altissimâ, quâ tu ipse solus tibi sufficis, et omnium creaturarum defectum tibi metipsi supplens in te perficis. Amen.

MODUS EFFICACISSIME
Deum laudandi et amandi.

Cum B. Mechtildis l. 4. c. 22. anxiaretur, pro eo, quo Deum non sufficienter coleret, nec amaret; ait Christus ad eam: cum me desideras laudare, nec id pro tuo desiderio perficere potes, dic:

O bone Jesu laudo te: et quod mihi in tua laude deficit, digneris supplere pro me.

Et si vis me amare, dic:

O bone Jesu amo te:

et quod mihi in tuo amore deficit, digneris supplere pro me, Deoque Patri amorem cordis tui offerre pro me.

Et alias dixit ad eam: Si me digne vis laudare, tunc dic hæc 5 verba:

Gloria tibi dulcissima, nobilissima, fulgida, tranquilla et ineffabilis Trinitas. l. 3. c. 3.

GRATULATIO,
mire sublimis Deoque grata.

DEUS gloriosissime, ego servorum tuorum minimus gratulor tibi, et toto cordis affectu volo et consentio quod sis, æternumque permanes talis ac tantus Deus, qui in tua Deitate et essentia es, æternumque eris. Gaudeo et congratulor tibi de tua infinita potentia ac majestate.

Gaudeo et gratias ago tibi propter magnam gloriam et ineffabilem excellentiam tuam. Gaudeo ac toto corde exulto, quod in ditione tua cuncta sint posita, et non sit qui tuæ possit resistere voluntati. Et in summam gratulationem et gratitudinem, quod tu sis ille tantus tamque ineffabilis Deus, offero tibi per cor Jesu dulcissimum, nomine meo omniumque creaturarum tuam divinam infinitamque essentiam, cum omnibus perfectionibus, attributis et proprietatibus, quas in eadem complecteris, tali modo et affectu quali dedisti nobis posse per Filium tuum in Spiritu sancto. Opto quoque et desidero, ut omnes creaturæ, quæ sunt in cælo et in terra, te agnoscant, te diligant, tibi que de tua immensa gloria et beatitudine congratulentur, quas omnes in spiritu coram te sisto, tibi que subjicio, eorumque nomine tibi congratulor. Et quoniam id omne longè minus est, hinc rogo, ut tu meum omniumque creaturarum officium in amando congratulandoque tibi per te ipsum supplere digneris. Et hunc ipsum splendorem floremque charitatis et gratulationis, una cum omni gloria, laude et gratulatione, quam unanimi consensu omnes beati spiritus, omnesque justis tibi deferunt, offero tibi in gratiarum actionem pro omni gloria et beatitudine, quâ frueris in perpetuum. Amen.

GRATIARUM ACTIO.

Qua vix invenies sublimiorem. *Ex. Exerc. S. Gert.*

GRATIAS bonitati tuæ Deus gratias pietati tuæ vera et una Divinitas, sancta et una Unitas, una et summa Deitas, pro omnibus beneficiis et miserationibus tuis quibus incontinentissima pietas tua tam indebitè circumvenit me. Pro quibus, ô dulcissime Deus, in unione illius supercœlestis laudis, quâ tu, ô gloriosa Trinitas, sola tui ipsius perfecta laus es, quæ deinde manat in benedictam humanitatem D. N. Jesu Christi, atque in ejus gloriosam Matrem, et in omnes Angelos et Sanctos, et iterum refluit ab eis in abyssum divinitatis tuæ unde fluxerat, adoro,

laudo et benedico te Domine Deus meus, gratias agens pro amore quo creasti, redemisti, sanctificasti, vocasti, conservasti, et omnibus bonis dotasti me. Quoniam vero non est speciosa laus in ore peccatoris, ideo rogo te, dulcissime Jesu, ut tu ipse in illo prævalente amore, in quo ad dexteram Patris resides, persolvas pro me Deo meo, pro omnibus bonis quæ ex inexhausta ipsius Deitatis abyssu in me effluxerunt, laudes æternas, immensas et incommutabiles, quales tu in te ipso prævales, et scis congruere reverendissimæ gloriæ et honori majestatis ejus. Prorumpens pro me, mi Jesu chare, in vocem talis ac tantæ gratiarum actionis, qualis

te decet, Domine mi valde magne et mirabilis, laudans eam in te, et in me, et pro me, in tota virtute tuæ divinitatis, et in toto affectu tuæ humanitatis, ex parte et affectu totius universitatis. Amen.

Professio beneficiorum Dei.

Dum B. Gertrudis hanc professionem fecisset, tunc Filius Dei amicissimè complexens et deosculans eam dixit: Ego post hanc professionem tuam suscipiam te in specialem curam meam supra omnem creaturam. Hinc intellexit, quod quando aliquis similiter profitetur, cum gratitudine se providentiæ divinæ committens, tunc Dominus in specialem curam suscipit eum. l. 3. c. 71.

GRATIAS tibi ago sancte Pater, utcumque prævaleo, per eum qui sedet ad dexteram tuam, quod tam præmagnifica dona à tuâ largitate accepi: quòd certò recognosco nullam unquam potentiam hoc prævaluisse, nisi solummodo tuam divinam potentiam, quæ omnia creata suâ vegetat virtute.

Gratias tibi ago benignissime Jesu, et fateor atque fatebor quousque spiritum trahere valeo, quod tam in corpore quam in anima, et in omnibus tam prosperis quam adversis, ita congruentissimo modo mihi providisti, quod hoc nulla unquam sapientia ab initio sæculi usque ad finem prævaluisset, nisi tua sola sapientia increata, dul-

cissime Deus attingens
à fine usque ad finem
fortiter et suaviter dis-
ponens omnia.

Gratias ago tibi Spi-
ritus alme Paraclete,
per eum qui te coope-
rante incarnatus est
in utero virginali,
quod ita suaviter in
benedictionibus tuæ
gratuitæ dulcedinis in
omnibus me indignum
prævenisti, quod cer-
tus sum, nullam hoc
unquam benignitatem
perfecisse, nisi solum-
modo tuam ineffabilem
dulcedinem, in qua
latet, à quo procedit,
et cum qua simul ac-
cipitur omne bonum.
Et sicut hucusque mihi
semper providisti, sic
idipsum deinceps de
divina tua bonitate,
cui me devotissimè
committo, confido at-
que præsumo.

Amen.

PROFESSIO FIDEI.

O prima et summa
veritas Deus meus,
ego N. N. corde credo,
ore confiteor, et opere
protestor, quod omnes
et singulos fidei arti-
culos, quos S. Rom.
Ecclesia nobis creden-
da proponit, firmissime
credam, et usquè in
finem credere velim.
Et licet comprehendere
nequeam cuinam om-
nia illa, quæ fides tra-
dit, sint possible; at-
tamen captivans in-
tellectum meum in ob-
sequium Christi, om-
nia illa sacrosancta
Mysteria summâ de-
missione veneror, mi-
hique ea in salutem
provenire depono. Et
sicut hanc fidem modo
profiteor, sic et in
eadem me vivere et
mori velle, coram om-
nibus Angelis et Sanc-

tis, maximè coram te
 ô sanctissima Trinitas
 voveo, juro et promitto,
 sic me Deus adjuvet,
 et hæc sancta Dei
 Evangelia. *In principio
 erat Verbum et Verbum
 erat apud Deum,
 et Deus erat Verbum.*

*Hic commenda Deo
 fidem tuam, ut sequitur:
 quicumque enim hoc
 fecerit (aiebat Christus
 B. Mecht. l. 3. c. 34.)
 impetrabit hanc gratiam,
 quod usque in finem vitæ
 suæ nunquam in vera
 fide tentabitur.*

HANC ergo fidem meam
 commendo omnipotentiae
 tuæ O Pater æternæ,
 rogans, ut per divinam
 virtutem tuam me in
 eadem adeo confirmes,
 ut ab ea nunquam
 deficiam. Commendo
 etiam eandem investigabili
 sapientiae tuæ, ô Fili
 unigenite,

rogans, ut me lumine
 intelligentiæ tuæ ita
 illumines, ne unquam
 per spiritum erroris
 valeam perverti. Commendo
 quoque eandem piissimæ
 bonitati tuæ, ô Spiritus
 Paraclite, rogans, ut
 illa ipsa per charitatem
 omnia ita in me operetur,
 ut in hora mortis meæ
 integra et perfecta in
 me inveniatur.

FIDUCIA IN DEUM.

*B. Mechtildi dicebat
 Christus: in veritate
 dico tibi, quod mihi
 valdè placeat, quod
 homines fiducialiter
 magna de me sperent.
 Est enim impossibile
 quod homo non accipiat
 ea quæ credidit et
 speravit. Ideo bonum
 est homini de me magna
 sperare, mihi quæ
 sincerè fidere. l. 3. c.
 5. Similia vide in S.
 Gert. l. 3. c. 7.*

O Deus cordis mei, meo maximo amico unica spes et refugium meum, ego pauperculus, licet omni bono millies indignus, attamen de tua benignitate tam firmiter confido, quod nequaquam dubitem te mihi in omnibus posse, scire et velle fideliter adesse. Scio quidem piissime Deus, quod si secundum merita mea mihi facere velles, non solum à te nullam gratiam expectarem, sed mille et mille supplicia; attamen cum sciam tam exuberantem esse bonitatem tuam, quod etiam pessimis tuis inimicis benefacere soleas; hinc et ego firmissimè credo atque confido, quod me in miseriis meis non sis derelicturus, sed in omnibus mihi taliter provisurus, qualiter à

meo maximo amico nequaquam haberem sperare.

O amabilissime Deus, licet peccata mea adeo gravia et multiplicia sint, quod mille inferni eis non corresponspondeant: attamen in consideratione infinitæ bonitatis tuæ tam securè à te (dummodo mihi displiceant, sicut verè displicent) eorum remissionem expecto, quod potius dubitarim an sim, quam dubitarim an mihi ea sis remissurus. O infinita bonitas, tam piam de te habeo fiduciam, quod licet millies plus peccassem quàm feci, sciremque certò te gravissimè mihi iratum, attamen licet penes me esset eligere mihi iudicem, nullum tamen alium quam te eligerem. Tibi inquam et

nulli alteri fiderem, tui fideli promissione, certiusque à te misericordiam expectarem, ejusque copiosissimis meritis, quæ fidelibus quàm ab optimo meo suis donavit, eandem amico. Etenim si toties tamque graviter me assecuturum spero. Et hinc tanto júbilo et consolatione afficior, contra aliquem amicorum meorum, sicut quod videar mihi jam contra te, peccassem, possidere bonum, quod certissimus essem, desidero. Filius enim quod mihi non ignosceret, licet charissima tuus qui mihi salutem mater mea esset. Si promisit, meritaque enim ci ita rebellis ac sua quibus illam coeam donavit, fidelissimus est, nec verbum, injurius fuisset, ac quod de ore suo egressum est, revocabit. tibi, vel millies me abjecisset et execrata fuisset. Hanc igitur fiduciam, Tu verò post ò Pater æternæ, quam tot tamque graves ac pietati tuæ committo, ceptas injurias, post in me conservare digneris, donec nos jungat æterna perennitas, tuo servitio commissas negligentias, foves me et ipsa boni fruitio nihilominus ac nutris. spem id ipsum consequendi depellat.

Deconsequenda verò beatitudine, putasne, piissime Pater, me vel in minimo diffidere? Absit. Non enim meis meritis, sed Unigeniti

Amen.

—

AMOR DEI.

B. Gertrudi revelatum fuit l. 3. c. 30. §. 3. quod cum una amans anima toto corde convertitur ad Dominum cum integra voluntate, quod si praevaleret, libentissimè persolveret Deo omne damnum, in quo est detrimentum sui honoris, et sic inter orandum facibus amoris inardescens blanditur Deo, in tantum ipsum placat, quod quandoque, reconciliatus parcat toti mundo. Quoniam plus apud Deum praevalet vivis et defunctis salutem impetrare una amans anima, quam non amantium millia duodena. lib. 4. c. 55.

O Amabilissime Deus, ô summum et infinitum bonum meum, amo, et æternum amabo te: te toto cordis ac

mentis affectu complector, te fortissimis dilectionis brachiis constringo: tu es enim dulcissimum et desideratissimum bonum meum, tu perennis suavitas et dulcedo mea, tu tota sufficientia spiritus mei. O suavissime, dulcissime, amabilissime Deus, tu vita animæ meæ, tu jubilus cordis mei, Deus meus, amor meus, dilecte votorum meorum. Amo te dulcedo mea, jucunditas mea, delitiæ meæ, amo te quantum possum et quantum valeo, sed non quantum debeo. Utinam te millies plus amarem, utinam infinito amore te amare possem. Transfige dulcissime Deus cor meum amoris tui sagitta, et saucia illud suavissimo dilectionis vulnere. Da

mihi Domine, ut amem te, quia non possum te amare sine te. O si omnia creata corda, omniumque cordium affectus et amores in meum cor immergere et includere possem, quam vellem te amare dulcis amor meus. O mihi si dares vel ad horam ardentissimum illum Seraphinorum amorem, ut illo vehementissimo amoris igne succensus omnes homines in tuo amore accendere possem. Et heu quàm doleo, quod tu dulcis amor meus non ameris. Eheu quàm doleo, quod tu dulcis amor meus ita despiceris et contemnaris, et insuper tam durè offendaris et injurieris. Compatior tibi Deus meus, amor meus, super omni contumelia et injuria quæ tibi irrogatur: et si prævalerem, libentissimè tibi persolverem omne damnum, in quo est detrimentum honoris tui: quia omnem cruciatum desiderio- rum, quem unquam humanum cor ab initio mundi usque in finem est perpeßum, in amore tuo libentissimè continere vellem in me etiam usque ad diem mortis meæ, ut eò dignius acceptaculum tibi in anima mea exhiberem, et insuper emendarem tibi quod tam inæstimabiliter excellens dignitas gratiæ tuæ toties tamque graviter ab ingratis vilipenditur et conculcatur. Amen. *Gert. lib. 4. cap. 54.*

Desideria amantis Animæ.

Qui habet integram voluntatem, aiebat

Christus B. Gert. l. 4. c. 17. atque libentissimè super omnem creaturam me cellet laudare et amare, etc. ille indubitanter à divina liberalitate mea remunerabitur quandoque copiosius, quam unquam ullus hominum opere potuisset obtinuisse.

DEUS cordis mei diligo te ex toto corde meo, et utinam millies amplius te diligere possem. O utinam et millies utinam te super omnem creaturam laudare, amare tibi gratias agere, condolere et in omni virtute me perfectissimo modo exercere possem, id ex integra voluntate mea libentissimè facerem, juxtà divini cordis tui summum beneplacitum.

O dulcis amor meus,

si possem tibi Domino Deo meo adducere omnes homines, cum quibus dignaris delicias tuas habere, ob hoc à die isto usque in diem judicii libentissimè vellem nudis pedibus circumire totum mundum, et quemlibet eorum, in quibus tu dulcor animæ meæ habitando dignaris delectari, ulnis meis gestando tibi præsentare: ut vel sic desiderio infinito dulcedinis tui divini amoris aliquallyter satisfacere possem. Insuper, si possibile esset, cor meum in tot partes dividere vellem, quot homines vivunt, ut ex eo cuilibet eorum partiri possem bonam voluntatem ad obsequendum tibi secundum tui divini cordis summum oblectamentum. l. 4.

c. 21.

O amabilissime Deus, nihil quidem habeo quod possit tuam dignitatem condecere: sed tandem illam voluntatem habeo, quod si ego haberem omnia quæ tu habes, omnibus vellem abdicare, et tam liberaliter omnia tibi dare, quod tu posses dare cuicunque velles. Imò si de facto Deus essem, et tu esses pauperculus ille N. qui ego sum, vellem ex toto corde divinitati meæ resignare, atque amore tui pauperculus ille fieri, qui modo sum. Fiat, fiat.

Quod cum B. Gert. diceret, respondit Christus: Si tu hoc invenis in corde tuo quod sic velles mihi facere: certissimè scire debes, quod similiter tibi volo facere, et tantum supra hoc, quan-

tum pietas mea et amor meus præponderat tuo. l. 4. c. 26.

HOLOCAUSTUM.

Cum B. Gert. simile holocaustum Deo obtulisset, apparuit Dominus Jesus, ipsam oblationem in similitudine cujusdam dignissimi Xenii B. Trinitati representans, cumque per medium cæli transiret, tota cælestis militia ob reverentiam istius oblationis visa est genua flectere. Unde intellexit, quod quando aliquis Deo offert orationes suas, seu alia studia, hæc tota cæli curia extollit tanquam grata Deo Xenia: cum vero aliquis merita Christi suis addit, hoc Sancti eo modo ut prædictum est, venerantur. lib. 4. cap. 6.

O Deus illustrissime, Dominator cæli et

terræ, ego indignissima creatura tua offero tibi super sacratissimo Altari dulcissimi cordis Jesu Christi me ipsum totum, cum omnibus quæ sum et possum, unâ cum omni bono quod ex abyssali supereffluentia tua mihi unquam contulisti. Et insuper offero tibi omnes thesauros et divitias hujus sæculi, omnes monarchias, regna, principatus, honores et dignitates, tali animo, quod si hæc omnia haberem, vellem ea distribuere pauperibus inque pios usus impendere: ego vero amore tui in tali paupertate quali modo sum, lubens permanere.

Deindè super eodem altari offero tibi omnes virtutes, devotiones, merita et sanctitatem omnium justorum:

omnem afflictionem, crucem, indigentiam et paupertatem omnium pauperum, afflictorum et infirmorum: omnes pœnas, cruciatum, vulnera, effusiones sanguinis et mortes omnium Martyrum: omnem pœnitentiam, mortificationem, jejunia, vigiliæ et austeritates omnium Confessorum: omnem amorem, continentiam et puritatem omnium virginum: et hæc omnia offero tibi tali intentione et affectu, quasi hæc omnia mea essent, egoque ad laudem tuam purissimâ intentione ea fecissem.

Tertio offero tibi integram plenitudinem gratiæ et gloriæ, quâ Sanctos tuos in cœlo, maximè verò superdignissimam Virginem Mariam, Unigeniti tui

Matrem tam abundè cumulaſti, quod hoc nullus humanus intellectus plenè capere ſufficit. Super omnia autem offero tibi virtutes et merita, quæ filius tuus operatus eſt in terris; et omnia gratiarum tuarum dona, quæ ex ſuperfluentiſſimo SS. Trinitatis gazophylacio deprompta, ſacraſſimæ humanitati ejus contuliſti. Pro quibus omnibus ex parte omnium cœleſtium, terreſtrium, et infernorum per organum illud dulciſonum, ſcilicet Deificatum cor Filii tui, in virtute Spiritus Paracleti ea reſonans, decanto tibi laudes et gratiarum actiones, ex parte omnium cœleſtium, terreſtrium, et infernorum, tibiſque quod tuum eſt, reddo.

Demum offero tibi inæſtimabilem et immenſam divitiarum et perfectionum abundantiam, quam divina tua eſſentia in ſe complectitur, unaque perſona alteri dulciſſimo et ineffabili modo communicat. Super quo omni poſſibili affectu tibi gratias ago, atque congratulor, quod in teipſo, pro te ipſo tam immenſos deliciarum theſauros contineas, eosque electis tuis in æternum communices. Ergo Rex, in æternum vive, illoque bono quod tu ipſe eſ, æternum fruire, nobisque miſeris in hac lachrymarum valle degentibus interdum aliquas micæ de divite menſa tua largire. Amen.

—

RESIGNATIO.

B. Gertrudi revelatum est, quod hi, qui se totos divinæ voluntati conformant et subdunt, super omnia desiderantes ut laudabilissima voluntas Dei circa se plenissimè perficiatur tam in corporalibus quàm spiritualibus, ii cor divinum medullitùs erga se commovent. l. 3. c. 30. Et cum tali resignatione tantum honorem qui defert Deo, quantum honorem defert Imperatori, qui coronam regni capiti ejus imponit. ib. §. 2.

SANCTISSIME Pater, ecce ego vilis et paupercula creatura tua, propriæ voluntati meæ prorsus abrenuntians, offero et resigno me tuæ sanctissimæ voluntati et beneplacito, præ omnibus delitiis

hujus mundi, optans et desiderans ut laudabilissima, placidissimaque voluntas tua in me, per me, et circa me tam in corporalibus, quam spiritualibus in tempore et æternitate plenissimè semper perficiatur. Et ad hoc perficiendum quodlibet membrorum meorum sigillatim cui libet pœnæ exponere paratissimus invenirer.

Si mihi optionem dares, ô mi Deus, petendi quodcunque vellem, et sanctè mihi jurares quod petitioni meæ per omnia annuere velles, nihil aliud peterem, nec desiderarem, quàm ut laudabilissima voluntas tua secundùm optimum beneplacitum tuum tam in me, quàm in omni creatura tua perficeretur. Igitur in uni-

one resignationis illius quâ Christus in monte Oliveti se tuæ voluntati integrè commisit, ipsius affectu et intentione, ipsius corde et ore dico, et millies dico: Non mea sed tua voluntas fiat, Pater sanctissime, in tempore et æternitate. Amen.

Si tibi aliqua adversitas immineat, adde sequenti a verba, Deo verè gratissima, sicut B. Gertrudis intellexit; quod quando aliquis offert integram voluntatem suam ad omne beneplacitum Dei, quantumvis etiam sciret sibi adversitates imminere, hoc Dominum tali modo acceptare, quasi homo ille tempore passionis ejus, omnibus vulneri-

bus suis lenissima adhibuisset emplastra. l. 2. c. 64.

Maximè autem resigno et offero me tibi, bone Jesu, paratum ad perferendam adversitatem illam mihi imminentem, quam integrâ voluntate de manu tua acceptabo, atque cum omni quâ potero patientiâ sustinebo: in unione amoris illius, quo tu singulas adversitates de manu Patris tui suscepisti, easdemque cum summa gratitudine reobtulisti: rogans, ut mihi vires et patientiam concedas, quò eandem viriliter perferre valeam, ad laudem tuam æternam, et totius universalis salutem. Amen.



PARS QUARTA.

Orationes ad Christum.

COROLLA GEMMEA,

Ex 3 aureis et 15 argenteis gemmis compilata.

Dum B. Gertrudis offerret similes Salutatiunculas in honorem Nominis Jesu perlectas, apparuerunt eadem in specie rosarum, et de qualibet rosa pendebat aureum tintinabulum miræ sonoritatis, quod sine intermissione movebat cor divinum ineffabili delectatione. l. 4. c. 5. Et illæ oratiunculæ, quæ cum decola intentione lectæ erant, suavissimos Domino red-

debant concentus: illæ verò quæ incuratè lectæ erant, mæstiores et submissiores voces personabant. l. 4. c. 36. Et ait illi Dominus: Cum aliquis me alloquens dicit, Dulcissime Domine, etc. dulcedo divinitatis meæ in seipsa commota, fragrantiam miræ delectationis mihi aspirat, et in illum qui illa verba pronuntiat, odorem salutis æternæ profundit. l. 4. c. 1.

PRIMA

GEMMA AUREA.

AVE vivificans gemma
divinæ nobilitatis.
Ave immarcescibilis
Flos humanæ dignita-
tis Jesu amantissime,
tu mea summa et unica
salus. Tu creator, re-
demptor et amator me-
us, qui per angustias
mortis relictâ omni
beatitudine tua acqui-
sivisti me. Amen. *S.*
Gert. l. 4. c. 22.

Sequuntur 5. gemmæ
argenteæ.

1. Ave Jesu dulcis-
sime sanctissimæ Tri-
nitatis gemma pretio-
sissima, cujus pretio
totus mundus redemp-
tus est.

2. Ave Jesu beni-
gnissime, refulgens
splendor paternæ glo-
riæ, qui electos tuos
in patria, claritate vul-

tus tui illuminas et
recreas.

3. Ave Jesu amabi-
lissime, clarissimum
jubar de Sole justitiæ,
qui igne charitatis tuæ
Angelorum Sancto-
rumque accendis ani-
mas.

4. Ave Jesu nobilis-
sime, viva imago pa-
ternæ substantiæ, qui
omnes tibi adhærentes
participes tuæ divini-
tatis efficis.

5. Ave Jesu illustris-
sime, stella matutina
tuæ Ecclesiæ, qui illu-
minas mundi tenebras,
et omnium peccatorum
caliginem. Amen.

SECUNDA

GEMMA AUREA.

AVE Jesu Sponse flo-
ride cum delecta-
mento divinitatis tuæ
ex affectu totius uni-
versitatis salutans am-
plector te, et Vulnus

amoris, deosculor te. Amen. *Gert. l. 3. c. 47.*

Sequuntur 5. gemmæ
argenteæ.

1. Ave Jesu pulcherrime, clarissima gemma, nata in mari divinitatis paternæ, cujus originem nullus intellectus creatus potest indagare.

2. Ave Jesu mellitissime, cœleste manna dulcedinis mirificæ, reficiens et satians omnem esurientem animam.

3. Ave Jesu splendidissime, urens ignis charitatis increatæ, allevians et auferens labores hujus miseriæ.

4. Ave Jesu suavissime, dulcis vena supercœlestis aquæ, auferens amaritudinem angustiatæ animæ.

5. Ave Jesu inæstimabilissime, triclini-

um thesaurorum divini-
tæ essentiæ, ditans
pauperiem nostræ mi-
seriæ. Amen.

TERTIA

GEMMA AUREA.

Ave Jesu, gratia plene,
misericordia tecum,
benedictus tu inter fi-
lios hominum, et be-
nedictum sit sanctissi-
mum nomen, vita et
passio tua. Dulcis Je-
su, Fili Dei miserere
nobis peccatoribus
nunc et in hora mortis
nostræ. Amen.

Quinque gemmæ argenteæ.

1. Ave Jesu, Sponse
et corona Virginum,
te, quem amor fecit
Virginis Filium, lau-
damus in perpetuum.
Mecht. l. 1. c. 19.

2 Ave Jesu, Domi-
nator omnium, specio-
sus formâ præ filiis
hominum, te agnosci-
mus et veneramur no-

strum clementissimum
Dominum.

3. Ave Jesu jubar
mirificum divinitatis
summum miraculum,
delens omne mundi
piaculum.

4. Ave Jesu nostrum
solatium, divitiarum
Dei patens gazophyla-
cium, pauperum ve-
rum refugium, et af-
flictorum refrigerium.

5. Ave Jesu decus
Angelicum, fons vivus
lumen mentium, ex-
cedens omne gaudium,
et omne desiderium.
Amen.

OBLATIO.

O bone Jesu, amor,
gaudium et dulcedo
mea, te solum diligit
anima mea, te concu-
piscit et desiderat Spi-
ritus meus. Tu es enim
sole speciosior, Luna
pulchrior, aurora ru-
tilantior, stellis præcla-

rior. Tu candidior liliis
rubicundior rosis,
vegetior hyacinthis,
suave olentior chario-
philis. Tu es omni dul-
core dulcior omni am-
plexu gratior, omni
sapore suavior, omni
amore charior. Tu so-
lus magnus et lauda-
bilis, tu solus dulcis
et amabilis, tu solus
pulcher et amœnus,
tu solus speciosus et
delitiis plenus, tu so-
lus talis ac tantus,
qualis in omni cœli et
terræ gloria non inve-
nitur æqualis. Tibi
igitur in signum aman-
tis animi mei hanc
corollam gemmeam of-
fero et præsentō in
unione oblationis il-
lius, quā omnis cœli
curia super Altare au-
reum divini cordis tui
immolat tibi laudis
tuæ æternum melos.
Eia ergo cordis mei

amor verus, cum hæc laus mea sterilis nec in minimo sit tibi æqualis, tu tibimetipsi pro me persolve tam solemne laudis tuæ decus, cui conjubilet omnis ordo cœlicus, pro illo permaximo et dulcissimo bono, quod tu ipse mihi es Deus meus: et quod à me omnium creaturarum tuarum peripse mate dignaris agnosci, amari et laudari. Amen.

BLANDITIÆ JESU.

Oratio hæc efficaci impetuositate infusa est B. Gertrudi: ad quam dixit Dominus: Quinque illam devotè recitaverit, cognitionis meæ gratiam in eo augeam, et recipiet in se splendorem divinitatis meæ, quem diriget in se per efficaciam prædictorum verborum: sicut purum au-

rum tenens contra radiantem solem, in eo quod est auro oppositum videt lucis refulgorem. lib. 3. cap. 66.

O rex Regum excellentissime, Princepsque illustrissime, Jesu amantissime. Tu animæ meæ vita, tecum sit affectio cordis mei unita, vi amatorii ardoris conflata. In omni ad quod sine te tendit, reddatur examinata. Quia tu es amœnitas omnium colorum, dulcor omnium saporum, fragrantia omnium odorum, delectatio omnium sonorum, suavis amœnitas amplexuum intimorum. In te voluptas deliciosa, ex te superfluentia copiosa, ad te allicientia amœnosa, per te influentia affectuosa; tu supereffluens abyssus divinitatis. O

Regum Rex dignissime, Imperator excellentissime, Princeps illustrissime, Dominator mitissime, Tutor validissime. Tu vivificans gemma humanæ nobilitatis. Opifex artificiosissime, Instructor mansuetissime, Consultor sapientissime, Adjutor benignissime, Amice fidelissime. Tu saporosa unio intimæ suavitatis. O Blanditor delicatissime, Affector lenissime, amator ardentissime, sponse dulcissime, zelator castissime. Tu vernans Flos ingenuæ venustatis. O frater amabilissime, juvenis floridissime, comes jucundissime, hospes liberalissime, ministrator curialissime. Te omni creaturæ præligo, propter te omni delectationi abrenun-

tio, pro te omni adversitati obvio. In his omnibus te unicum laudatorem requiro. Te vegetatorem horum omniumque bonorum corde et ore contestor. In virtute tui fervoris adjungo intentionem meæ devotionis efficacitæ tuæ orationis, ut per integritatem divinæ unionis ducar ad apicem summæ perfectionis, consumpto omni mortu rebellionis. Amen.

Oratio ad nomen Jesu.

O bone Jesu, ô piissime Jesu, ô Jesu Fili Dei et Mariæ Virginis, plene misericordia et pietate; O dulcis Jesu, secundum magnam misericordiam tuam, miserere mei. O clementissime Jesu, per pretiosum illum sanguinem, quem

pro peccatoribus effudisti, deprecor te, ut abluas omnes iniquitates meas, et in me miserum et indignum, humiliter veniam petentem et hoc sanctum nomen Jesu invocantem respicias. O nomen Jesu, nomen dulce! nomen Jesu, nomen delectabile! nomen Jesu, nomen amabile. Quid est enim Jesus nisi Salvator? ergo Jesu, propter nomen sanctum tuum esto mihi Jesus, et salva me. Ne permittas me damnari, quem pretioso sanguine tuo redemisti. O bone Jesu, ne perdat me iniquitas mea, quem fecit omnipotens bonitas tua. O benignissime Jesu, miserere mei, dum tempus est miserendi, ne damnes me dum tempus est judicandi.

O piissime Jesu, si me damnare velit tua severa justitia, appello et confugio ad tuam piissimam misericordiam. O amantissime Jesu, ô desideratissime Jesu, ô mitissime Jesu, ô Jesu, Jesu, Jesu suscipe me in numerum electorum tuorum. O Jesu salus in te credentium, ô Jesu fiducia ad te confugientium, ô Jesu dulcedo te amantium; fac ut diligam te, tibi que fideliter adhæream, et post hanc miseram miseriam feliciter ad te perveniam. Amen.

PETITIO AD JESUM.

Ut ipsæ per suam SS. Conversationem satisfaciat pro nostris excessibus. Ex Exerc. S. Gert.

O Jesu pientissime, plene pietate et

misericordiâ, qui nunquam spernis miserorum suspiria : ad te confugio, tuam clementiam exoro. Tu pro me loquere, tu pro me supple : quoniam tibi confiteor universa peccata mea. Tu per puras clarissimorum oculorum tuorum lachrymas, ablue omnes peccantium oculorum meorum maculas. Tu per dulcem benedictarum aurium tuarum pietatem, ablue omnem peccantium aurium mearum iniquitatem. Tu per vividam dulcium verborum benedicti oris tui potentiam, absterge omnem polluti oris mei offensam. Tu per operum tuorum perfectionem, manuumque tuarum crucifixionem, ablue omnem impiarum manuum mearum offensionem. Tu per dolorosam benedictorum pedum tuorum fatigationem, dirissimamque perforationem ablue omnem peccantium pedum meorum maculationem. Tu per puram sanctissimorum cogitatum tuorum intensionem, ardentemque transfixi cordis tui amorem, ablue omnem malarum cogitationum mearum, et criminosi cordis mei reatum. Tu per vitæ tuæ nobilem innocentiam puramque sanctitatem, dele omnem corruptæ vitæ meæ fœditatem. Tu demum per pretiosissimi sanguinis tui prænobile lavacrum, ablue, emunda et extingue omne cordis et animæ meæ piaculum : ut per sanctissima merita tua mundus inveniar, et

deinceps immaculatus
omnia mandata tua
servare merear. Amen.

*Quinque Suspiria
ad Christum, mirè al-
ta, quæ Christus B.
Mechtildem docuit. l.
3. c. 35.*

DULCIS Jesu, suspiro
ad te in unione
istius laudis, quæ à te
in omnes Sanctos ef-
fluit, in suppletionem
istius laudis, quâ te
omnes creaturæ lau-
dare deberent.

Pie Jesu, suspiro ad
te in unione istius gra-
titudinis, quam Sancti
de corde tuo trahunt,
tibi pro donis sibi
collatis gratias agunt.

Suavis Jesu, suspiro
ad te pro meis omni-
umque peccatis, in
unione istius patien-
tiæ, quâ iniquitates
omnium portas et suf-
fers.

Amabilis Jesu, sus-
piro ad te in unione
tui divini desiderii,
quod in terris pro sa-
lute hominum habuis-
ti, desiderans omne
bonum, quo homines
ad laudem Dei et sa-
lutem suam indigent.

Bone Jesu, suspiro
ad te, in unione omnis
orationis, quæ ex di-
vino corde tuo, et ex
cordibus omnium Sanc-
torum pro vivis et de-
functis effluxit. Amen.

OBLATIO

meritorum Christi pro suis
peccatis.

*Cùm Christus pro
B. Gertrude ad ejus
instantiam hanc obla-
tionem Deo Patri ob-
tulisset, videbatur ipsa
indumentis candidis
rubeisque vestita, di-
versisque ornamentis
velut inclita proles mi-
rabiliter decorata. l. 4.
c. 17. Et hæc oratio*

verè est efficacissima meritòque sæpius iteranda.

PUSSIME Jesu, secundum quod ex inscrutabili sapientia tua perspicacius cognoscis defectum humanæ fragilitatis, quam vel ego vel quisquam hominum cognoscere possit: ideo rogo ut meæ multiplici fragilitati multipliciter compassus, universalem meum supplere velis defectum. Offer ergo pie Jesu dulcissimo Patri tuo abstinentiam dignissimam sanctissimi oris tui in veram emendationem et supplementationem omnium, quæ unquam per inutilem sermocinationem deliqui aut omisi. Offer illi etiam, bone Jesu, abstinentiam sanctissimarum aurium tuarum, pro omnibus delictis aurium mearum.

Abstinentiam quoque oculorum tuorum offer ei, pro cunctis maculis quæ aliquo illicito visu contraxi. Nec non abstinentiam manuum, pedumque tuorum, pro omnibus delictis operum gressuumque meorum. Postremò Majestati ejus, Jesu amantissime, offer deificatum cor tuum pro universis delictis, quæ unquam cogitatione, desiderio, sive voluntate commisi. Amen.

Laus Christi per Alleluia.

Cum B. Gertrudis in Festo Paschatis diceret ad Christum: Doce me instructor benignissime, quali devotione te laudare possim per Alleluia: Respondit: Convenientissimè poteris me laudare in unione laudis cælestium civium, qui per idem me jugiter col-

laudant, hoc modo. l.
4. c. 27.

LAUDO te, ô mi Jesu,
in unione illius excellentissimæ laudis, quâ omnes Sancti con-
jubilantes extollunt persuavissimam delectationem divini influxus tui in tuam deificam humanitatem, jam immortalitatis gloria sublimatam pro multifaria amaritudine passionis et mortis, quam sustinuisti propter humanam salutem.

Laudo te, ô mi Jesu, in unione illius excellentissimæ laudis, quâ omnes Sancti extollunt amœnissimam delectationem illius gratissimæ vernantiæ, quâ oculi humanitatis tuæ delectantur in floridis pascuis totius summæ et individue Trinitatis.

Laudo te, ô mi Jesu,

in unione illius excellentissimæ laudis, quâ omnes Sancti extollunt suavissimam delectationem illam, quâ demulcentur aures tuæ deificatæ humanitatis, in suavisonis blanditiis semper venerandæ Trinitatis omniumque Angelorum et Sanctorum laudibus indefessis.

Laudo te, ô mi Jesu, in unione illius excellentissimæ laudis, quâ omnes Sancti extollunt delitiosissimam fragrantiam auræ gratioris, qua per suavissimum sanctæ Trinitatis spiramentum, nares jam immortalis sanctæ humanitatis tuæ gratissimè recreantur.

Laudo te, ô mi Jesu, in unione illius excellentissimæ laudis, quâ omnes Sancti collaudant magnificum, incomprehensibilem et

inæstimabilem totius divinitatis influxum in tuam deificam humanitatem, quæ jam immortalis et impassibilis effecta, pro sensu actus corporei, quo caret, duplici fruitur divinæ influxionis delectamento. Amen.

Salutatio Jesu melliflua.

Hæc salutatiuncula B. Gertrudi familiarissima fuit, utpote quâ Christo, ab aliis offenso blandiri solebat, cum summo ipsius oblectamento. Unde optimè faceres cum eâdem, memoriæ commendatâ imaginem Christi salutando, etc.

AVE vivificans gemma divinæ nobilitatis. Ave immarcessibilis flos humanæ dignitatis Jesu amantissime: cum delectamento tuæ divinitatis, ex affectu totius universitatis sa-

lutans amplector te, et in dulcissimum vulnus cordis tui commendo me. Amen.

SALUTATIO

omnium Vulnerum Christi.

Cùm B. Gertrudis in salutationem omnium vulnerum totius corporis Domini Jesu legisset 5466. vicibus hanc orationem, apparuit ei Dominus super quodlibet vulnus suum habens flores aureo splendore coruscantes, blandissimèque illam salutans, dixit: Ecce in hac præutilanti forma in hora mortis tibi apparebo, et tali decore quali nunc mea vulnera ex salutatione orationum tuarum sunt adornata, ego omnes maculas peccatorum tuorum contegens adornabo: atque etiam omnium, qui simili studio atque devotione

singula vulnera mea salutabunt cum eadem vel simili oratione, l. 4. c. 35.

Qui ergo hunc numerum implere, illiusque promissionis Christi particeps esse voluerit, dicat per triennium indies sequentem orationem quinquies cum oblatione, quam Christus B. Mechtildi, post singulas 5. Orationes interponendam esse dixit. l. 4. c. 52.

GLORIA tibi suavissima, dulcissima, benignissima nobilissima, imperialis, excellentissima, fulgida, semperque tranquilla Trinitas, pro roseis Vulneribus Jesu Christi mei unicè electi amatoris.

Oblatio post 5. versus dicenda.

DOMINE Jesu Christe, Fili Dei vivi, sus-

cipe hanc orationem in amore illo superexcellente, quo omnia vulnera sanctissimi corporis tui sustinuisti. Et miserere mei, et omnibus peccatoribus, cunctisque fidelibus vivis atque defunctis. Da eis gratiam et misericordiam, remissionem peccatorum, et vitam æternam. Amen.

ALIA

Vulnerum Christi salutatio.

Quæ B. Mechtildi à Spiritu sancto inspirata fuit, quam ante nec audierat, nec cognoverat. l. 1. c. 16.

SALVETE pretiosissima Jesu vulnera, in omnipotentia Patris qui dedit vos. Salvete in sapientia Filii, qui sustinuit vos. Salvete in bonitate Spiritus sancti, qui per vos redemptionem generis

humani perfecit. In vos commendo me, in divina bonitate, qua vos abscondo me, in es fons et origo, ex qua omnis bonitas et vestra protectione liberari merear à facie misericordia scaturit. vastatoris. Amen. O nobile et pretiosum

Salutatio cordis Jesu.

Dum B. Mechtildis in amaritudine cordis recogitaret, quam negligenter Deo servisset, dixit Christus ad eam: Pro omnibus quæ neglexisti ut ea plenè recuperare queas, saluta cor meum in divina bonitate, hoc modo.
l. 3. c. 8.

SALVE cor Jesu dulcissimum, suavisonum S. Trinitatis organum. Salve cor Jesu mellifluum, omnis bonitatis et gratiæ vivum profluvium, Salve cor Jesu amantissimum, omnium divitiarum Dei nobilissimum Triclinium. Millies et millies bene-

cor Jesu Christi, per mutuam gratitudinem colendæ Trinitatis saluto et adoro te, in abundantia omnium gratiarum, quæ effluerunt, et sine fine effluent in omnes sanctas et devotas animas, quas toties irrigasti et inebriasti torrente divinæ voluptatis tuæ.

O cor Jesu, cor dulce. O cor Jesu, cor suave. O cor Jesu, cor amabile. O cor manans dulcedine, redundans pietate, supereffluens charitate. In tuam intimam medullam immergo meum spiritum et in profundo tuæ misericordiæ sepelio totum pondus iniquitatis

et negligentiae meae. Tibi offero omnes meos labores et sudores : tibi dedico omnes meas angustias et miserias : tibi commendo vitam et finem vitae meae. O cor thymiama dulcissimum, incensum suavissimum, sacrificium dignissimum : offer ternetipsum super reconciliationis humanae altare aureum, in supplementum omnium meorum, quos vixi, dierum, in quibus Deo non detuli fructum.

Benedico te cor Jesu nobilissimum in illo amore, quo à Spiritu sancto ex castissimo Mariae Virginis sanguine es creatum. Glorifico te cor Jesu dulcissimum in illo amore, quo à S. Trinitate omnibus coelestibus bonis es decoratum. Magnifico te cor Jesu

mitissimum in illo amore, quo semper erga genus humanum arsisisti. Veneror te cor Jesu benignissimum in illo amore, quo in cruce moriens disruptum fuisti. Collaudo te cor Jesu fidissimum in illo amore quo lanceam transverberari, sanguinemque et aquam distillare voluisti.

Te igitur, ô superdignissima Trinitas, per illud superbenedictum cor, laudo, glorifico et benedico quod potueris, sciveris atque volueris huic nobilissimo cordi tam multiplicia dona, gratiarumque abundantiam conferre : et summo quo possum affectu et reverentia offero tuae supremæ Majestati idipsum cor dulcissimum ac unice dignissimum in ea dignitate,

quâ plenum est divinâ supplere ac perfectè
 gratitudine ac omni- restaurare digueris ,
 modæ beatitudinis per- quidquid mali commi-
 fectiones superexcellens si , et in omni bono
 in perpetuum : orans , neglexi. Amen.
 ut per illud ipsum

LITANIÆ SS. NOMINIS JESU.

Kyrie eleison.

Christe eleison , etc.

Pater de cœlis Deus ,

Fili redemptor mundi Deus ,

Spiritus sancte Deus ,

S. Trinitas unus Deus ,

Jesu Fili Dei vivi ,

Jesu Fili Mariæ virginis ,

Jesu Fili David ,

Jesu benignissime ,

Jesu amantissime ,

Jesu mitissime ,

Jesu mansuetissime ,

Jesu suavissime ,

Jesu dulcissime ,

Jesu pientissimo ,

Jesu amicabilissime ,

Jesu misericordissime ,

Jesu liberalissime ,

Miserere nobis.

Jesu gratiosissime ,
Jesu speciosissime ,
Jesu nobilissime ,
Jesu illustrissime ,
Jesu gloriosissime ,
Jesu è millibus electissime ,
Jesu splendor paternæ gloriæ ,
Jesu figura divinæ substantiæ ,
Jesu castarum animarum sponse melliflue ,
Jesu vivificans gemma divinæ nobilitatis ,
Jesu immarcessibilis flos humanæ dignitatis ,
Per dulcissimum nomen tuum ,
Per pietatem divini cordis tui ,
Per unionem divinitatis cum humanitate tua ,
Per amorem quo de cœlis ad terram descen-
disti , et omne opus humanæ redemptionis
perfecisti ,
Per amorem , quo in præsepium reclinari
voluisti ,
Per amorem , quo casta Mariæ Virginis ube-
ra suxisti ,
Per amorem , quo 33 annis omnem mise-
riam sustinuisti ,
Per amorem , quo amarissimam mortem sub-
iisti ,
Per amorem , quo cor tuum transfigi voluisti ,
Per amorem , quo in tua Resurrectione cor-
pori tuo glorificationem contulisti ,
Per amorem , quo humanitatem tuam ad
dexteram Patris collocasti ,

Misere nobis.

Per amorem , quo omnes Sanctos suavitate
vultûs tui lætificas ,
Per amorem , quo deificatum cor tuum Patri
tuo pro peccatoribus exhibes ,
Per amorem , qui inter Divinitatem et Hu-
manitatem tuam intercedit.
Jesu Christe ,
Agnus Dei , qui tollis , etc.
✠. Jesu Salvator mundi exaudi nos.
✠. Cui nihil est impossibile quam non posse
miseris misereri. *Gert. l. 3. cap. 49.*

Miserere nobis.

OREMUS.

BENIGNISSIME JESU, vera
dulcedo omnium ad
te confugientium, sus-
cipe hanc orationem
meam quam tibi per
dulcissimum cor tuum
ad æternam laudem
dulcissimi Nominis tui
devotissime offero : ro-
gans per amorem il-
lum, quo illud sanc-

tissimum Nomen sus-
cipere, omnibusque
fidelibus tam dulce et
amabile efficere voluisti, ut per virtutem
ejusdem sacratissimi
Nominis Jesu me in
omnibus tentationibus
confortare, mihiq; in
morte mea fideliter
adesse digneris. Qui vi-
vis et regnas in sæcu-
la sæculorum. Amen.



PARS QUINTA.

De Passione Domini.

Decem Orationes affectuosæ, in quibus Christo Passio
sua repræsentatur.

B. Gertrudi revelatum est, quod quando aliquis ruminat orationes vel lectiones de dominicâ passione, in infinitum hoc majoris virtutis esse, quàm de cæteris exercitiis. Quia sicut impossibile est aliquem tractare farinam et pulverem nullum contrahere: sic esse non potest, ut aliquis cum devotione etiam parva, dominicæ intendat passioni, et nullum fructum inde percipiat. l. 4. c. 41 et quod, quicumque tepesceret in devotione, semper tamen benignius respiceretur à Domino, si passionis memoriam non omitteret celebrare. l. 4. c. 39.

Oratio prima.

O Domine Jesu Christe, æterna dulcedo et amantium jubilus, memento omnis præmeditationis et intimi mœroris, quem ab initio conceptionis tuæ sustinuisti, maxime instante passionis tuæ

tempore quando dixisti: Tristis est anima mea usque ad mortem. Et quando præ vehementia tremoris, angustiae et doloris sanguineum sudorem sudasti. Memento omnis doloris et amaritudinis quam habuisti, quando à Judæis capiebaris, à falsis testibus accusabaris, à tribus iudicibus damnabaris, colaphis et alapis cædebaris, conspuebaris, flagellabaris, et spinis coronabaris. O dulcissime Jesu, per omnes illos dolores et injurias, quas sustinuisti, rogo te miserere mei peccatoris. Amen.

Oratio secunda.

O Jesu, paradus deliciarum Dei, recordare tremoris et doloris quem sustinuisti, dum Pilatus sententiam

mortis super te pronuntiaret, et impii lictores gravissimam crucem humeris tuis imponderent, ad eamque obtusis clavis te affigentes, ita crudeliter membra et nervos tuos distraherent quod omnia ossa tua numerari potuerint: rogo te, ut in die iudicii piam sententiam super me pronunciare, meque omni poenâ liberari digneris. Amen.

Oratio tertia.

O Jesu cœlestis Medice, recordare languoris, et doloris, quos in crucis patibulo levatus, sustinuisti in omnibus membris tuis, quorum nullum in suo recto statu permanserat, ita ut nullus dolor dolori tuo similis inveniretur, quia à planta pedis usque ad ver-

ticem capitis non fuit in te sanitas. Et nihilominus omnium dolorum immemor, Patrem pro inimicis piè exorasti, dicens : Pater ignosce illis, quia nesciunt quid faciunt. Per hanc charitatem et misericordiam concede mihi, ut dignitas passionis tuæ sit omnium peccatorum meorum plenaria remissio. Amen.

Oratio quarta.

O Jesu, speculum claritatis æternæ, memento illius mœroris, quem habuisti, quando in speculo divinitatis tuæ conspexisti reprobationem malorum et multitudinem damnandorum ; et per abyssum miserationis tuæ quâ perditis et desperatis peccatoribus tunc condoluisti, quamque La-

troni in cruce exhibuisti, dicens : hodie mecum eris in paradiso : rogo te pie Jesu, ut facias mecum misericordiam tuam in hora mortis meæ. Amen.

Oratio quinta.

O Jesu Rex amabilis, memento desolationis illius miserabilis, quâ tu amicus fidelissimus ab omnibus amicis derelictus, in cruce pendens illudereris, et nullam consolationem invenires, nisi in dilecta matre tua tibi fideliter assistenti quam discipulo tuo commendasti, dicens : Mulier ecce filius tuus ; et ad discipulum : Ecce mater tua. Rogo te pie Jesu per gladium doloris, qui tunc ejus animam pertransivit, ut compatiaris et consoleris me in omnibus

tribulationibus meis. clamabas: Deus meus,
Amen. ut quid dereliquisti

Oratio sexta.

O Jesu fons inexhaustæ pietatis, recordare amaritudinis illius, quam sustinuisti, cum exhaustis et exhaustis omnibus viribus tuis vehementissime sitires, nec unquam aquæ guttulam ad refrigerandam linguam tuam haberes, sed felle et aceto potareris: rogo, ut sitim carnalis concupiscentiæ, mundanæque delectationis in me extinguas. Amen.

Oratio septima.

O Jesu regalis virtus, recordare quod à summo capite usque ad plantam pedis pro nobis, in aquam passionis immersus non solum ab hominibus, sed et à Patre tuo derelictus fuisti: unde et

me. Per hanc angustiam peto, ut in angustiis mortis meæ non derelinquas me. Amen.

Oratio octava.

O Jesu Leo fortissime, memento doloris, quem passus es, cum omnes vires cordis et corporis tui penitus defecerunt, et inclinato capite dixisti: Consummatum est. Per hanc angustiam et dolorem tuum, miserere mei in consummatione vitæ meæ, cum anima mea anxiata, et spiritus meus conturbatus fuerit. Amen.

Oratio nona.

O Jesu splendor Patris, et figura substantiæ ejus, memento obnixæ commendationis, quâ spiritum tuum Patri commendasti,

dicens: In manus tuas ita ut nec unica gutta commendo spiritum in te remaneret. Tunc meum: et lacerato corpore, rupto corde, demum quasi fasciculus myrrhæ in altum cum clamore valido, suspensus fuisti, et patefactis visceribus delicata caro tua expalluit, et liquor viscerum tuorum exaruit, et medulla ossium tuorum emarcuit. Per hanc amarissimam passionem tuam, et per pretiosissimi sanguinis tui effusionem rogo te amantissime Jesu, ut in hora mortis meæ animam meam in virtuosa aqua sanctissimi lateris tui abluas, eamque decentissime exornes in pretioso sanguine dulcissimi cordis tui, ac tibi convenientissimè coaptas in aromatico vapore divini amoris tui. Amen.

Oratio decima.

O Jesu vitis vera et fecunda, memento superabundantissimæ effusionis sanguinis tui, quem de corpore tuo sicut de botro expresso copiosissime effudisti, quando in cruce torcular solus calcasti, et lanceâ perfosso latere sanguinem et aquam nobis propinasti,

SUSCIPE pie Jesu hanc orationem meam in

OBLATIO.

amore illo superexcellente, quo amaram mortem subiisti, eamque cum omni fructu SS. humanitatis tuæ in die Ascensionis Deo Patri obtulisti: rogoque propter profunditatem vulnerum tuorum quæ carnem, intimaque viscerum tuorum transierunt, ut me submersum in peccatis emergas, tibi que per omnia placentem reddas. Amen.

QUINQUE

oblationes Passionis Christi
pro peccatis.

*Quadam vice dicebat
Christus B. Gertrudi:
si credis me in cruce
Deo Patri oblatum,
crede etiam indubitan-
ter quod adhuc quoti-
die desidero eodem
amore pro quolibet
peccatore Deo Patri
offerri, unde quicun-
que quantumlibet gravi*

*pondere peccatorum se
senserit depressum,
respirare poterit in
spem veniæ offerendo
Deo Patri meam in-
nocentissimam passio-
nem et mortem, et
credat se per hoc sa-
luberrimum fructum
indulgentiæ obtinere.
l. 4. c. 25.*

Oblatio prima.

OMNIPOTENS æterne Deus, inexhaustibilis fons omnis misericordiæ, qui non contemnis indignos venientes ad te, sedundas eos à peccatis suis. Ecce ego peccator, qui me gravissimo peccatorum pondere sentio depressum, in spiritu humilitatis et in animo contrito confiteor, quod tibi Deo meo valde ingratus extiterim, teque multipliciter offenderim. Sed nunc venio ad te,

et vere contritus pro-
cido ante te, miseri-
cordiamque tuam im-
ploro. Et quia dignius
nil habeo pro gravissi-
mis peccatis meis tibi
satisfaciendi, quam
sanctissimam vitam et
passionem Filii tui,
ideo per dulcissimum
cor Jesu Christi, in
virtute spiritus sancti,
pro omnibus peccatis
meis, quæ à juventute
mea usque in hanc
horam delectatione et
consensu cordis mei
commisi, offero tibi su-
perexcellentem illum
amorem, quo idem
Unigenitus tuus huma-
nitatem assumpsit, et
per triginta tres annos
tot labores et defatiga-
tiones, tot angustias et
miserias nostri causa
sustinuit. Offero tibi
anxietatem illam et
tristitiam, quam ha-
buit, dum diceret: Amen.

Tristis est anima mea
usque ad mortem. Of-
fero tibi sudorem ejus
sanguineum quem ve-
hemens amor, timor-
que è corpore ejus
expressit, et trinam
Orationem quam in
agonia constitutus ad
te fudit. Offero tibi
ignominiosam ejus
captivitatem, verbera
et tunsiones, injurias
et blasphemias, cola-
phos et alapas, velli-
cationes et conspuitiones,
quas in domo
Annæ et Caïphæ totâ
illâ nocte sustinuit.
Hæc omnia cum gra-
titudine et compassio-
ne tibi repræsentans,
rogo inexhaustam bo-
nitatem tuam, ut eo-
rum virtute et meritis
à peccatis meis me
abluas, tibi que per
omnia placentem red-
das.

Post singulas oblationes, si libet, poteris addere unum Pater noster.

Oblatio secunda.

PISSIME Deus, pro omnibus perversis et malis operibus, quæ singulis membris corporis mei commisi, offero tibi ineffabilem illam injuriam et dolorem, quem Filius tuus sustinuit, dum tam contumeliosè in faciem suam percuteretur et conspueretur, ante Pilatum et Herodem injuste accusaretur, probrosè illudetur, et blasphemè injuriaretur. Offero tibi ignominiosam vestium ejus detractionem, imitem ad columnam alligationem, dolorosam flagellationem, pœnosam vulnerationem, et copiosissimam sanguinis effusionem.

Respice pie Pater cum quanto pudore ad columnam steterit, quam intimè ad te suspiraverit, quot verbera et ictus acceperit, quot vulneribus caro ejus discissa fuerit, quanti dolores medullas et ossa ejus penetraverint, quotque sacratissimi ejus sanguinis guttæ è vulneribus ejus effluxerint. Hæc omnia cum intima gratitudine et compassione tibi offerens rogo, ut eorum virtute et meritis in gratiam tuam me recipias, tibi que per omnia placentem reddas. Amen.

Tertia oblatio.

MISSIME Deus, pro omni neglectu bonorum quæ ex pigritia et acedia omisi, offero tibi amorem illum, quo filius tuus into-

lerabiles illos dolores sustinuit, quando spinis coronabatur, impiè salutabatur, turpiter conspuebatur, arundine et alapis percutiebatur, tribunali sistebatur, injustissimè condemnabatur, et homicidæ postpositus, impiâ plebis voce ad mortem petebatur. Offero tibi pœnosum illud iter, quod gravi cruce onustus ad montem Calvariæ perfecit, offero tibi membrorum fuorum defatigationem, lictorum immisericordiam, populi applausum et irrisionem, sanguinolenta vestigia, et quidquid hac tota via egit et sustinuit. Hæc omnia cum gratitudine et compassione tibi præsentans oro inexhaustam bonitatem tuam, ut eorum virtu-

te et meritis à peccatis meis me abluas, tibi-que per omnia placentem reddas. Amen.

Oblatio quarta.

MISERICORDISSIME Deus, pro omnibus peccatis et iniquitatibus meis quas corpore et anima mea commisi, offero tibi nimium illum dolorem, quem Filius tuus sustinuit, cum vestimenta ejus vulneribus suis fortius agglutinata, cum refractione omnium vulnerum immisericorditer detraherentur. Offero tibi inhumanum illud dirissimumque martyrium, quod sustinuit, cum sacratissimæ manus ejus et pedes cum summo dolore cordis sui cruci affigerentur. Recordare piissime Pater, quam humiliter, quamque

miserabiliter Filius tuus super crucem decubuerit, et præ violentia intensissimi doloris nescierit, quo caput suum reclinaret. Recor-

dare quo lachrymas oculi ejus fuderint, quot suspiria è corde ejus proruperint, quot guttæ sanguinis è vulneribus ejus effluerint, quotque dolores et horrores mortis omnia ejus viscera vehementissime penetraverint. Omnes has guttas et lachrymas, omnes dolores et luxationes membrorum, omnes gemitus et suspiria cordis, omnem amorem et patientiam, quæ hæc omnia Filius tuus sustinuit, repræsentō et offero tibi cum intima gratitudine et compassione, orans, ut me à peccatis meis emundes, tibi que per

omnia placentem reddas. Amen.

Oblatio quinta.

CLEMENTISSIME Deus, pro omnibus mortalibus et venialibus peccatis meis, pro omnibus negligentis et omissionibus meis, pro omnibus culpis et pœnis mihi debitis, offero tibi ineffabiles illos dolores, qui filii tui viscera penetraverunt, dum unâ cum cruce in altum levatus violenter dimitteretur, totumque pondus corporis tribus clavis sustentaretur. Offero tibi omnes irrisiones et blasphemias ipsi irrogatas, omnia verba in cruce prolata, omnes lachrymas quas fudit, omne frigus et tremorem membrorum quem pertulit, omnes angustias et pressuras cor-

dis quas sustinuit, passione et morte sua omnia suspiria et preces quas ad te fudit, communias. Amen.

HOSTIA PRO PECCATO.

omnem pudorem et verecundiam, quam ob nuditatem suam habuit, omnes actus virtutum, quos in cruce elicuit, omnem compassionem singultus et lachrymas, quas desolatissima Mater ejus cæterique amici fuderunt: et demum offero tibi amarissimam, crudelissimamque mortem, quam violentissimus amor et dolor ei intulerunt, humilimè rogans, ut per merita sanctissimæ vitæ, passionis et mortis ejus animam meam pretiosissimo illo Filii tui sanguine ab omnibus maculis suis abludas, meritisque et virtutibus humanitatis suæ exornes, et in exitu suo sanctissima

Sen oratio, qua Deo Patri Christus in cruce pendens offertur. Ex Rev. B. Mecht. l. i. c. 28.

RESPICE pie Pater de sede magnitudinis tuæ, et de excelso, cœlorum habitaculo, et intuere dilectum Filium tuum tam miserabiliter et ignominiosè in cruce pendentem, toto corpore extensum et vulneratum. Respice agnum illum sine macula, qui in faucibus luporum non aperuit os suum, ad proferendum vel unicuique excusationis verbum. Intuere dilectissimum filium tuum, dulcem Jesum, tam copiosè et liberaliter fundentem sanguinem suum pro peccatis fra-

trum suorum. Aspice sacratissimum, cunctisque potentatibus tremendum caput spinarum aculeis perfossum, atque præ dolore animique deliquio inclinatum. Vide speciosissimam faciem sputis maculatam, unguibus laceratam, sanguine fœdatam, atque livoribus tumidam: cerne oculos manantes lachrymis, os squalidum, genas deturpata, capillos evulsos, brachia extensa, nervos luxatos, ossa confusa, pectus vulneratum, cutem conscissam, genua debilitata, pedes et manus duris clavis transfixas, pectus confossum, cor vulneratum, et omnia membra et artus vulneribus et livoribus tumida atque pallentia. Recogita ergo piis-

simè Pater, quis patitur, et recordare benignus pro quo patitur. Nonne hic est dilectissimus ille unigenitus tuus quem è corde tuo paterno ab æterno genuisti? Nonne hic est innocentissimus ille agnus, qui tibi usque ad mortem obediens, semetipsum pro peccatis nostris hostiam et victimam obtulit? Moveat ergo te spectaculum hoc quod tibi Unigenitus tuus in cruce exhibuit, tibi que pro peccatis nostris satisfecit. Recordare gemituum, recordare lachrymarum ejus quas in cruce fudit, dum pro crucifixoribus suis, cunctisque peccatoribus oravit, dicens: Pater ignosce illis! Hunc ergo Filium tuum, qui factus est mihi sancti-

ficatio, et justitia, et redemptio, repræsentatio et offero tibi pro innumerabilibus peccatis et offensionibus et negligentis meis. Ecce sanctissime Pater repræsentatio tibi humilimum filium tuum, qui tibi pro me copiosissimè solvit quidquid per superbiam commisi. Repræsentatio et offero tibi mansuetissimum filium tuum, qui pro me solvit quidquid per iram deliqui. Offero tibi amantissimum filium tuum, qui plenè supplevit quidquid per odium peccavi. Mitissima ejus liberalitas persolvit quidquid per avaritiam contraxi. Sanctissima ejus opera emendarunt meam accediam. Summa ejus abstinencia satisfacit pro meagulositate. Puritas sanctissimæ vitæ ejus abolevit quidquid malis cogitationibus, verbis, et operibus commisi. Suprema ejus obedientia qua tibi obediens fuit usque ad mortem extinxit meam inobedientiam. Demum omnimoda ejus perfectio defendat supremam meam imperfectionem, omniumque virtutum inopiam. Hic est thesaurus meus piissime Pater in quo confido, hoc est pretium, quo tibi debita mea persolvo. Rogo ergo te per virtutem omnium orationum, quas Filius tuus pro peccatoribus fudit, ut hanc oblationem meam ratam, acceptabilem, efficacemque facere, meque respicere digneris per innocentissimam ejusdem Jesu Christi Filii tui humanitatem, purum et im-

maculatum ab omni peccato ac per excellentissimam ipsius divinitatem, ditatum et ornatum omnigena virtute, quâ eadem gloriosa divinitas floruit per sanctissimam humanitatem. Amen.

OBLATIO BREVIOR.

Hæc oblatio, quam B. Gertrudis miro et incredibili effectui sibi diuinitus infusam suscepit, et etiam eamdem miro modo ab omnibus legentibus acceptari à Domino recognovit; eidem familiarissima fuit, adeo quòd in ultima infirmitate sua tam assiduè eam replicaret, quod non sineret se impediri, quin singulis diebus vice omnium membrorum suorum eam persolveret. l. 5. c. 32.

O Amantissime Pater, pro emendatione

omnium peccatorum meorum offero tibi omnem passionem tui dilectissimi Filii, quam ab illa hora quâ in præsepio super fœnum reclinatus vagitum dedit, et deinceps pertulit, per infantiles necessitates, pueriles defectus, adolescentiles adversitates, et juveniles passionem, usque ad horam illam, qua inclinato capite in cruce clamore valido spiritum emisit. Et in suppletionem omnium negligentiarum tibi offero, Pater amantissime, omnem conversationem Filii tui sanctissimam, quæ in omnibus cogitationibus, verbis et factis perfectissima fuit, ab hora quâ missus ab arce throni per uterum Virginis introivit in regionem nostram, usque

post illam horam, quâ
tuis paternis vultibus
præsentavit victricis
carnis gloriam. Amen.

Oratio ad Christum passum.

Hæc oratio B. Gertrudi valdè familiaris fuit, per quam et promerita est, quod in corde ejus quasi corporalibus locis impressa fuerint stigmata sanctissimorum vulnerum Christi. l. 2. c. 4.

DOMINE Jesu Christe, Fili Dei vivi, da mihi toto corde, pleno desiderio, sitiēti anima ad te aspirare, et in te dulcissimo ac suavissimo respirare, ac totum spiritum meum, et omnia interiora mea ad te qui es vera beatitudo, anhelare. Scribe misericordissime Domine vulnera tua in corde meo pretioso sanguine tuo ut

in eis legam dolorem pariter et amorem tuum, et vulnerum tuorum memoria jugiter in secreto cordis mei permaneat, et dolor compassionis tuæ in me excitetur, et ardor dilectionis tuæ in me accendatur. Da quoque ut omnis mihi creatura vilescat, et tu solus in corde meo dulcescas. Amen.

SUSPIRIUM ANIMÆ

Christo passo compatiētis.

B. Mechtildi dicebat Christus: Quoties homo in meditatione passionis meæ ex amore suspirat, toties vulnera mea tanquam cum vernante rosa suaviter tangit: ex quo sagitta amoris in animam ejus jaculatur. l. 1. c. 24. Insuper in veritate dico tibi, quod si quis ex decotione erga passionem meam lachry-

mas fuderit, hoc ita acceptabo, ac si pro me passus fuisset. Et illa. Quomodo has lachrymas obtinebo? Tunc eam docuit seq. orationem. l. 1. c. 27.

O Jesu benignissime, qui venisti quærere et saluum facere quod perierat: cheu quam malè et indignè tractavit te mundus, quamque vehementer ingratus tibi exstitit, qui ut eum salves, dilectam animam tuam in manus hostium tradidisti. Doleo super te mi frater amantissime, et ex intima medulla spiritus mei compatior tibi, recogitans desolationem illam miserabilem, qua tu amicus fidelissimus ab omnibus amicis derelictus, vel ut fur et latro crudeliter comprehensus, et immisericorditer

vinctus ad mortem es propulsus, et insuper ab inimicis contumeliose derisus, subsannatus et injuriis afflictus, tanquam vermis et non homo, opprobrium hominum et abjectio plebis effectus es. Ah quis sine lachrymis cogitare poterit quantâ amicabilitate et charitate hostibus tuis, qui cum gladiis et fustibus ad te capiendum mortique tradendum venerant, tanquam pia Mater proli suæ obviam iveris, teque sponte in manu eorum tradideris, ut eos è faucibus luporum infernalium eriperes. Dum te immisericorditer colaphizarent, quot colaphos et alapas tibi impegerunt, tot dulcia oscula obtulisti illis animabus, quæ usque ad extre-

mum Judicium per passionem tuam salvandæ forent. O quantus erat amor tuus erga inimicos tuos, benignissime Jesu! quia dum tam crudeliter flagellareris, tam ardentem orationem ad Patrem tuum pro eis fudisti, quod multi ex iis converterentur. Dumque sacratissimo capiti tuo corona spinea imponeretur, tot gemmas coronis eorum imposuisti, quot spinas ipsi capiti tuo infixerunt. Ah suavissime Jesu, quis sine amore tui cogitare poterit stupendum illum amorem, nobis ingratissimis exhibitum, quia cum duris clavis manus pedesque tui innocentissimi trabi crucis inhumanè affigerentur, tamque enormiter omnia membra tua extenderentur, quod omnia ossa tua artusque interiores dinumerari possent: tu è diverso in tota virtute divinitatis tuæ omnium animas ad æternam vitam præordinatas ad te attraxisti. Et cùm lanceâ sacrum latus tuum aperiretur, haustum vitæ de corde tuo propinabas iis, qui per Adamum haustum mortis biberant, ut omnes in te, qui vita es, filii æternæ vitæ et beatitudinis efficerentur. O igitur amator mi dulcissime. ad respondendum amoris tuo pro tam indebita amaritudine tuæ innocentissimæ passionis, exhibeo tibi cor meum, desiderans omnem amaritudinem et dolorem dulcissimi cordis et immaculati corporis

tui perferre ab hora ista usque in horam extremi exitus mei, orans ut id ipsum compassione tui vulneres, jugemque ejusdem passionis tuæ memoriam sentire facias. Amen.

ORATIO

ad Christum passum.

B. Mechtildi dicebat Christus: Ecce trado tibi omnem amaritudinem passionis meæ tanquam Propriam, ut eam tanquam tuam mihi reddas et offeras. Et si quis hoc fecerit, in duplo eandem ei reddo. Et quoties mihi ipsam reobtulerit, toties ei eandem duplicatam reddo: et hoc est centesimum quod homo in hac vita accipit, et in futuro vitam æternam. l. 1. c. 14.

BENIGNISSIME Jesu, humani generis redemptor et salvator,

cum gratitudine et affectu commonefacio te anxietatis illius, qua tu Creator meus ac Dominus in agonia constitutus prolixius orasti, et præ nimia vehementia anxietatis, desiderii et amoris sanguineo sudore faciem terræ irrigasti: rogans per omnes et singulas hujus sacratissimi crucoris guttas, quas tibi devoto affectu offero, ut maculas peccatorum meorum dignanter abluas. Commonefacio te injustæ tuæ captivitatis durissimorum vinculorum, multiplicium verberum et tusionum, omniumque contumeliarum et blasphemiarum, quæ tibi injustissimè irrogatæ sunt, dum tanquam seductor ab omnibus proclamareris, coram Pilato falso accusare-

ris, ab Herode ignominiosè illudereris, latroni impio postponereris, et ab omni populo clamosâ voce ad mortem crucis petereris. Quæ omnia tanto amore, tantaque patientia sustinuisti, quod licet vel unico intuitu potuisses teruisse omnes tibi adversantes, vel unico verbo convicisse falsi omnes tibi contradicentes, attamen tanquam ovis quæ portatur ad victimam, inclinato humiliter capite, oculisque depressis in terram coram Iudice non aperuisti os tuum, ad respondendum vel unicum excusationis verbum, contra tot falsas querimonias tibi objectas. Pro quo ex parte totius universitatis tibi gratias ago, tibi que omnia opprobria, injuriasque illatas offero in satisfactionem omnium injuriarum peccatis meis tibi irrogatarum. Gratias tibi etiam ago, teque commonefacio dirissimæ et excessivæ illius flagellationis, quâ toto corpore ita vulneratus et excarnificatus fuisti, quod à capite ad calcem non inveniretur in te sanitas. Admonco te etiam intolerabilis illius doloris, quem persensisti cum regali capiti tuo corona spinæ tam violenter imprimeretur, quod spinæ illæ acutissimæ totum caput, cerebrum et frontem penetrarent, suavissimæque facies tua, in quam desiderant Angeli prospicere, roseo sanguine tuo undique perfunderetur. Ah pietissime Jesu, nunc

etiam commonefacio te doloris illius ineffabilis, qui medullas et viscera tua penetrabat, dum ferreis clavis cruci affigereris, cum cruce in altum levereris, à Judæis blasphemareris, felle et aceto potareris, et tanquam omnium creaturarum peripsema et exterminium medius inter latrones constitueris. Demum amabilissime Jesu cum gratitudine et compassione commonefacio te omnium et singulorum dolorum, quos in corpore tuo sanctissimo, maximè autem in dulcissimo corde tuo persensisti, ex eo quod præsciebas amarissimam, turpissimam et innocentissimam passionem et mortem tuam in tam multis fore infructuosam. Et quan-

do idipsum deificatum cor tuum prævehementia amoris et doloris disrumpebatur, et anima tua sanctissima de benedicto corpore tuo incredibili dolore discedebat. Pro quibus omnibus infinitas tibi gratias agens, omnes illos dolores, pœnas, et cruciatus, quos in corpore, corde et anima tua, toto passionis tuæ tempore sustinuisti, per dulcissimum cor tuum in virtute Spiritus sancti ex parte et affectu omnium creaturarum, tibi offero pro omnibus peccatis à me commissis, bonis omissis, et negligenter peractis, ac pro omnibus pœnis justè promeritis. Quam oblationem ratam habere, meque à peccatis et pœnis absolvere digneris. Amen.

Salutatio omnium membrorum Christi.

B. Gertrudis divinitus inspirata, singula membra Domini, in passione cruciata salutabat. Unde quando aliquod membrum salutabat, ex illo splendor quidam divinus procedens, animam ipsius irradiabat. Et in illo splendore dabatur ei illa innocentia, quam per passionem ejusdem membri Dominus acquisierat Ecclesiae. Unde et nos idem facere non pigeat, ut similem beatitudinem consequi mereamur. l. 4. c. 22.

SALVETE delicata membra Domini mei Jesu Christi, pro salute nostra diversis pœnis in passione cruciata. Salve reverendum caput pro nobis spinis coronatum et arundine percussum. Salve pretiosissima facies pro

nobis consputa et alapis cæsa. Salvete benignissimi nostri Salvatoris oculi, pro nobis lachrymis perfusi. Salve sacrum os, gutturque suavissimum, pro nobis, felle et aceto potatum. Salvete aures nobilissimæ, pro nobis opprobriis et contumeliis afflictæ. Salve collum regium, pro nobis colaphizatum, dorsumque sanctissimum, pro nobis flagellatum. Salvete venerabiles manus et brachia pro nobis in cruce extensa. Salve pectus divinissimum, pro nobis in passione conturbatum et contusum, Salvete veneranda genua pro nobis conquassata, et in oratione flexa. Salvete pedes adorandi pro nobis clavis confixi. Salve latus gloriosum,

pro nobis lancea militis perforatum. Salve corpus Jesu, totum pro nobis in cruce suspensum, vulneratum, mortuum ac sepultum. Salve cor mellifluum, summæ Trinitatis gazophylacium, pro nobis in cruce disruptum. Salve ter sanctissima Jesu Christi anima ad mortem usque contristata. Salve sanguis pretiosissime è vulneribus Christi copiosissimè effuse. Salvete adoranda Salvatoris nostri vulnera, monumenta charitatis, et pretia redemptionis humanæ, in passione Christo inflicta, et modo in cælis tanquam stellæ radiantia. In his vulneribus tuis bone Jesu describe me, in iisque à facie tentatoris absconde me. Et per merita vulneraque

membrorum tuorum digneris animæ meæ in exitu suo donare innocentiam illam, quam per passionem singulorum membrorum tuorum Ecclesiæ tuæ acquisivisti. Amen.

Oratio ad Christum in Cruce pendentem.

PRECOR te amantissime me Domine Jesu Christe, propter illam eximiam charitatem, quâ humanum genus dilexisti, quando tu cælestis Rex pendebas in ara crucis vulnerato corpore, transfixo corde, conturbatis sensibus, tristissimo gestu, sanguineis vulneribus, defluentibus guttis, expansis brachiis, confixis pedibus, extensis membris, livido ore, pallida facie, mortali colore lachrymosis oculis, gemeundo gutture, inclinato capite,

aperto latere, atque tristissima anima. Per illam, inquam, Charitatem, qua cor tuum dulcissimum scindebatur, quando benedicta anima tua egressa est de benedicto corpore tuo, miserere animæ meæ in egressu suo. Amen.

Tres gratiarum actiones ad Christum in Cruce.

B. Mechtildis interrogabat aliquando Christum, quis fuisset maximus dolor ejus. Cui ille; Quod in cruce ita extendebam, quod omnia membra mea numerari potuerint; et si quis mihi pro illo dolore gratias egerit, tale mihi præstat obsequium, ac si vulnera mea unguento unxisset. Et si quis mihi gratias egerit pro siti, quam sustinui, hoc ita accepto, ac si sitim meam extinxisset. Et si

quis mihi gratias egerit, quod clavis cruci affixus sim, hoc mihi ita gratum est, ac si me de cruce liberasset. l. 2. c. 15.

O Agne Dei mansuetissime, qui tam miserabiliter trium horarum spatio in cruce pependisti; ex affectu totius universitatis gratias tibi ago pro intolerabili illo dolore quem sustinuisti, dum in sacra cruce tam immisericorditer extensus fuisti, quod omnia ossa tua dinumerari potuerint: orans ut ob illum dolorem mihi dimittas quidquid membris meis contra bonitatem tuam deliqui. Amen.

O Agne Dei innocentissime, per gratitudinem universæ creaturæ gratias tibi ago pro amara siti, quam in

cruce pro salute mundi patiebaris, dum lachrymabili voce clamares, sitio; nec tamen quidquam præter fel et acetum tibi propinaretur: rogans per acerbiter sitis illius, ut dimittas mihi quidquid immoderato cibo et potu deliqui. Amen.

O Agne Dei sacratissime per mutuam gratitudinem colendæ Trinitatis gratias tibi ago pro immani illo martyrio quod subiisti, dum tam immiseri-corditer manibus et pedibus clavis ferreis cruce affigereris, adeo quod cor tuum præ dolore contremisceret, et omnes nervi tui contraherentur. Per dolorem hunc tam fortem et per amaram tuam mortem deprecor, ut culpas manuum, pedumque meo-

rum abluas, eademque vulnera tua sanctissimo Patri tuo ad placandum eum ostendas. Amen.

Laus Christi in passione sua contempti, quam ipse B. Mecht. docuit. l. 1. cap. 23.

LAUDO et benedico tuam incomprehensibilem omnipotentiam, Jesu magnificissime, in qua in tua passione pro homine totus impotens factus es. Laudo et glorifico tuam inscrutabilem sapientiam, in qua pro insipiente reputatus es. Laudo et magnifico amorem tuum ineffabilem, in quo pro electis gratis odio habitus es. Laudo et exalto mitissimam tuam misericordiam, in qua pro homine horrendæ morti adju-

dicatus es. Laudo et *obstupescant et territi*
 adoro suavissimam *fugient omnes adver-*
 dulcedinem tuam, in *sarii illius. l. 4. c. 22.*
 qua per amarissimam
 mortem amaricatus es.
 Amen.

BLANDITIÆ

Christi in passione sua
 blasphemati.

Dum legeretur in
missa, Dæmonium ha-
bes, B. Gertrudis su-
per contumelia Domini
sui medullitus commo-
ta, ex intimo cordis
affectu vice versa ipsi
blandiebatur, diceus :
 Ave vivificans gemma,
 etc. cui Christus vicem
 dignantissimam re-
 compensans, seque ad
 ipsam blandè incli-
 nans, resalutavit eam,
 et dixit: Quicumque
 contra blasphemias
 mihi illatas me salu-
 taverit simili affectu,
 huic me in judicio illo
 districto eadem blan-
 ditate exhibebo, ex quo

Ave divinæ nobilitatis.
 Ave immarcessibilis
 flos humanæ dignita-
 tis, Jesu amantissime,
 pro omnibus blasphem-
 iis et contumeliis tibi
 in terris illatis, ex
 affectu et amore totius
 creaturæ saluto et be-
 nedico te, tot millenis
 vicibus quot guttas
 sanguinis in passione
 tua fudisti, quot vul-
 nera in sacro corpore
 tuo habuisti, quot
 colaphos, pugnos et
 alapas accepisti. Be-
 nedico et saluto te,
 dulcissime Jesu, tot
 millenis vicibus, quot
 suspiria emisisti, quot
 lachrymas fudisti, quot
 dolores sustinuisti. Be-
 nedico et saluto te tot
 millenis vicibus, quot
 actus virtutum elicuis-

ti, quot desideriis salutem humanam sitisti, quot nutibus matrem et amicos aspexisti. Benedico et saluto te tot millenis vicibus, quot lapsibus cecidisti, quot deliquiis defecisti, quot motibus manus aut pedes movisti. Benedico et saluto te, mitissime Jesu, tot millenis vicibus, quot guttas sanguinis sudasti, quot pœnosis gressibus ambulasti, quot gemitibus Patrem exorasti. Benedico et saluto te, suavissime Jesu, tot millenis vicibus, quot vulneribus in flagellatione concisus, quot spinis in coronatione vulneratus, quot fœtentibus sputis es maculatus. Benedico et saluto te tot millenis vicibus, quot funibus ligatus, quot opprobriis satu-

ratus, quot impiis salutationibus es salutatus. Benedico et saluto te tot millenis vicibus, quot falsis testibus accusatus, quot fœdis mendaciis oneratus, quot iniquis judiciis es condemnatus. Has omnes laudes et salutationes mille millenis vicibus multiplicatas tibi offero, et singulis horis offerre desidero, benignissime Jesu, toto affectu cordis et animæ meæ desiderans, omnes injurias, contumelias et blasphemias tibi dulcissimo redemptori meo tam indebitè objectas prorsus abolere et annihilare: orans, ut desiderium pauperis tui non despicias, sed juxta ingentam tibi benignitatem ratum habeas et gratanter acceptes.

Amen.

Salutatio vulneris Lateris.
ex BB.

Mechtildi et Gertrude.

PIE Pelicane Jesu Domine, qui nos imundos mundasti tuo sanguine: gratias tibi ago pro dulcissimo, superdignissimoque vulnere amoris, quod in cruce suscepisti, dum invictissimus amor. amoris sui sagittâ mellifluum Latus tuum aperuit dulcissimumque cor tuum amoris vulnere sauciavit. Benedicta sit hæc salutifera plaga, sacratissimumque vulnus: et benedictus sit adorandus sanguis, et aqua salutis, quæ pro ablutione peccatorum inde manarunt. Hac unda efficacissima, pie Jesu me immundum ablue, et hoc sacro cruore me infirmum unge et vivifica, et fac ut vel

unica divini hujus liquoris guttula in exitu animæ meæ sit portio et hæreditas mea. Per tuum transvulneratum cor transfige, amantissime Jesu, cor meum jaculo amoris tui, in tantum, ut nihil terreni continere possit, sed à sola efficacia amoris tui contineatur. Amen.

Oratio ad Vulnus Humeri.

S. Bernardus interrogabat aliquando Christum, quinam major ejus dolor incognitus fuisset. Cui ille: Habebam grave vulnus in humero, quo crucem gestabam, quod mihi creteris pœnosius erat. Et hoc, quia incognitum, ab hominibus non memoratur. Huic ergo honorem exhibe, et quidquid virtute ejus petieris, præstabo. Et omnibus, qui hoc vul-

nus colunt, venialia peccata remittam, et mortalium non recordabor. Ita Acta Clare vallensia.

O Jesu amantissime, Agne Dei mansuetissime, ego miser peccator saluto et veneror sacratissimum Vulnus quod in humero tuo, dum gravem crucis tuæ trabem portares, persensisti: ob quod, sicut et ob tria inde prominentia ossa singularem dolorem et cruciatum præ cæteris vulneribus tuis in benedicto corpore tuo

sustinuisti. Adoro te, Jesu afflictissime, et ex intimo corde laudo, benedico et glorifico te, gratiasque ago pro hoc sacratissimo pœnosissimoque vulnere humeri tui, humiliter deprecans, ut ob nimium illum dolorem, quem illud tibi infixit, et propter grave onus crucis tuæ, quod te tam dirè afflixit, miserearis mihi peccatori, peccata mea venialia et mortalia remittas, meque per viam crucis tuæ ad cælum deducas. Amen.

LITANIÆ DE PASSIONE CHRISTI.

Kyrie eleison.

Christe eleison, etc.

Pater de cœlis Deus, Miserere nobis.

Fili redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas unus Deus ,
Jesu Fili Dei vivi ,
Per sanctissimam vitam et conversationem
tuam ,
Per amarissimam passionem et mortem
tuam ,
Per tristitiam , quam in horto habuisti ,
Per trinam orationem tuam ,
Per resignationem humanæ voluntatis tuæ ,
Per sudorem sanguineum tuum ,
Per immitem captivitatem tuam ,
Per verbera et vincula tua ,
Per durissimam alapam tuam ,
Per sputa , illusiones et ignominiam tuam ,
Per falsum judicium , quod Caiphas super
te pronuntiavit ,
Per illusionem , quam tibi Herodes irrogavit ,
Per ignominiosam denudationem tuam ,
Per dolorosam flagellationem tuam ,
Per pœnosam coronationem tuam ,
Per purpureum vestimentum tuum ,
Per injustissimam condemnationem tuam ,
Per bajulationem crucis tuæ ,
Per sanguinolenta vestigia tua ,
Per vulnus humeri tui ,
Per detractorem vestium tuarum ,
Per distensionem omnium membrorum tuo-
rum ,
Per diram crucifixionem tuam ,
Per elevationem crucis tuæ ,

Miserere nobis.

Per omnes blasphemias et irrisiones tuas,
 Per septem verba, et sitim tuam,
 Per compassionem Matris et omnium amico-
 rum tuorum,

Per dolores cordis et corporis tui,

Per lachrymas et orationes tuas,

Per omnes guttas pretiosissimi sanguinis tui,

Per patientiam et humilitatem tuam,

Per amorem dulcissimi cordis tui,

Per amorem, quo pro peccatoribus orasti,

Per amorem, quo omnes cruciatus et pœnas
 sustinuisti,

Per amorem, quo mortem crudelissimam
 subire voluisti,

Per amorem, quo sacrum latus tuum aperiri
 voluisti,

Per amorem, quo in sepulchrum deponi vo-
 luisti,

Per omne beneplacitum, quod Patri tuo per
 passionem tuam exhibuisti,

Per intercessionem dulcissimæ Matris, et
 omnium electorum tuorum,

Per infinitam dignitatem tuam,

Jesu Christe,

Agnus Dei, etc.

Ant. Salvator mundi salva nos, qui per cru-
 cem et sanguinem redemisti nos: auxiliare
 nostri, te deprecamur Deus noster.

✠. Adoramus te Christe, et benedicimus tibi.

℣. Quia per crucem redemisti mundum.

Miserere nobis.

OREMUS.

DOMINE Jesu Christe, humiliter deprecamur
Fili Dei vivi, qui ut per virtutem et me-
hora sexta pro re-rita sanctissimæ vitæ,
demptione mundi cru- passionis et mortis tuæ
cis patibulum ascen- Paradisi januas nos
disti, et sanguinem gaudenter introire con-
tuum pretiosum in re- cedas. Qui vivis, etc.



PARS SEXTA.

De Beata Maria Virgine.

Officium B. Mariæ Virginis.

B. Gertrudis dicebat intellexit, quod quando ad Dominum: Doce me, mi Domine, quid possim B. Matri tue honoris vel obsequii exhibere, cum non valeam debitas horas ipsius persolvere. Tunc docuit eam sequens Officium: quod cum illa recitaret, videbatur Dominus cor suum deificum in similitudine aurci scyphi Matri suæ ad potandum præbere. Ex cujus dulcedine suaviter potata visa est delitiosè jucundari. Et

intellexit, quod quando docunque aliquis hoc Officium recitaret, toties eidem Virgini cor suum ad potandum Christum præbere, quod ipsa magnopere acceptaret, et secundum liberalitatem maternæ pietatis suæ benignè quemlibet remuneraret. lib 3. cap. 46.

Ad Matutinum.

LAUDO te piissime Jesu, per cor tuum dulcisonum, in innocentia integerrimæ virginis illius, quâ

dignissima mater tua te virgo concepit, virgo peperit, et post partum virgo inviolata permansit. Et imitata est tuam innocentiam, quâ tu horâ matutinâ pro redemptione generis humani captus, ligatus, alapis et fustibus cæsus, diversisque contumeliis et opprobriis miserabiliter et immisericorditer es affectus.

Sequens Oratio ad omnes Horas dici debet.

LAUDO et saluto te Mater beatitudinum, dignissimum Spiritus Sancti sacramentum, per dulcissimum cor Jesu Christi, Dei Patris, tuique amantissimi Filii, orans, ut in omnibus indigentis, et in hora mortis nobis succurras. Amen.

Ad Primam.

LAUDO te, piissime Jesu, per cor tuum dulcissimum, in humilitate illa placidissima, qua intemerata virgo magis magisque habilitabatur ad te suscipiendum: et imitata est tuam humilitatem, quâ tu iudex vivorum et mortuorum horâ primâ coram gentili homine iudicandus astare humiliter es dignatus pro redemptione generis humani.

Laudo et saluto, etc. pag. 109.

Ad Tertiam.

LAUDO te piissime Jesu per cor tuum dulcissimum in desiderio illo ferventissimo, quo piissima virgo te Filium Dei de sinu summi Patris traxit in uterum suum virginalem: et imitata est te in illo

desiderio ferventissimo, quo tu salutem humanam desiderasti, cum duris flagellis cæsus, spinis coronatus, et horâ tertiâ Crucem ignominiosissimam tuis fessis cruentatisque humeris cum summa mansuetudine et patientia dignatus es bajulare.

Laudo et saluto te,
pag. 109.

Ad Sextam.

LAUDO te, piissime Jesu per cor tuum dulcissimum, in spe illa securissima, quâ cœlica Virgo per bonam voluntatem et sanctam intentionem semper ad laudem tuam aspirabat: Et imitata est te, qui in alta crucis arbore suspensus, inter ipsas amarissimas mortis acerbitates, totis viribus

anhelabas ad humani generis redemptionem, unde et clamabas: Sitio. In tantum scilicet, salutem animæ humanæ, quod si necesse fuisset, adhuc duriora et amariora supplicia pertulisses, teque ad universa pro redimendo homine gratis paratum obtulisses.

Laudo et saluto te,
pag. 109.

Ad Nonam.

LAUDO te, piissime Jesu, per cor tuum dulcissimum, in ardentissimo amore illo tuo, scilicet divini cordis et intemeratæ virginis, quæ divinitatem excellentissimam tenerrime conjunxit ac inseparabiliter cœnivit humanitati in utero virginali. Et imitata est te vitam

viventium, horâ nonâ in cruce præ amoris magnitudine morti amarissimæ succumbentem, ob humanam redemptionem.

Laudo et saluto te, pag. 109.

Ad Vesperas.

LAUDO te, piissime Jesu, per cor tuum dulcissimum, in fide illa constantissima, quâ B. Virgo sola tempore mortis tuæ recedentibus Apostolis et desperantibus universis in vera fide perstitit immobilis. Et imitata est te in fidelitate illa, quâ jam mortuus de cruce depositus, subsecutus es hominem etiam usque ad limbum inferni. Unde ipsum omnipotentem manu misericordiæ tuæ eripiens, transvexisti ad gaudia paradisi.

Laudo et saluto te, pag. 109.

Ad Completorium.

LAUDO te, piissime Jesu, per cor tuum dulcissimum, in perseverantia illa laudabilissima, quâ Mater tua dulcissima in omnibus bonis et virtutibus perseveravit usque in finem. Et imitata est te tantâ diligentia opus humanæ redemptionis peragentem, quod etiam post obtentam, amarissimâ morte, veram hominis liberationem, necdum omisisti corpus tuum incorruptibile humano more tradere sepulture; ut demonstrares nihil omnino esse tam vile, quod pro salvatione hominis recusares.

Laudo et saluto te, pag. 109.

SUPPLETIO

B. Virgini gratissima.

Dum B. Gertrudis quereretur Domino de negligentia sua in hoc, quod nunquam debitâ recerentiâ Matri ejus deservisset, desiderans ut Dominus hoc suppleret eidem: Tunc exurgens Rex gloriæ, cor suum deificum obtulit matri suæ, et per hoc persolvebatur omnis negligentia ipsius. Hanc quoque supplementationem nos obtinere possumus hac oratione. l. 4. c. 53. et l. 5. c. 33.

O Jesu dulcissime, per amorem quo pro nobis ex purissima Virgine incarnari et nasci dignatus es, ut pauperum tuorum defectus suppleres; obsecro te ut per dulcissimum cor tuum virginæ Matri tuæ supplere digneris omnes

defectus, quos per negligentiam et ingratitudinem multipliciter admisi in servitio et honore tam benignæ Matris, cujus maternam clementiam in necessitatibus meis mihi semper fateor promptissimè adfuisse. Pro cujus condigna gratitudine, offer quæso illi, piissime Jesu, dulcissimum cor tuum, sicut est superabundans omni beatitudine: exhibens ei in eodem omnem affectum tuum divinum, quo eam ab æterno præ omni creatura gratuitò in matrem elegisti, præservasti, creasti, omnibusque virtutibus et gratiis incomparabiliter decorasti. Nec non omnem benignitatem, quâ ei unquam blanditus es in terris, cum te in-

fantem in sinu suo advocatam et patronam. Amen.

DEO GRATIAS,

pro gratiis B. Virgini
concessis.

fan- tem in sinu suo advocatam et patro-
n- am. Amen.

DEO GRATIAS,
pro gratiis B. Virgini
concessis.

*Cum B. Gertrudis hanc orationem o-
rasset, exurgens Mater
gratiosa devotè B. Tri-
nitati supplicabat, qua-
tenus illi tantum lar-
giretur gratiæ, quan-
tum possibile foret in
hac vita homini perci-
pere. Ad cujus peti-
tionem tota Trinitas
dignanter inclinata,
benedictione quadam
supercælesti animam
ipsius copiosè donabat.
l. 4. c. 53.*

BENEDICTA sit ineffabi-
liter dignè extol-
lenda Dei Patris om-
nipotentia : Benedicta
sit admiranda Filii
Dei sapientia : Bene-
dicta sit Spiritus sancti
Paracleti stupenda be-

nevolentia, quâ prævaluit, scivit et dignata est Trinitas semper veneranda in salutis nostræ subsidium tam plenam omni gratiâ virginem formare, cui superabundantiam divinæ suæ beatitudinis tam largè communicaret. Amen.

SALUTATIUNCULA

aurea ad beatam Mariam
Virginem.

B. Gertrudis intellexit à B. Virgine, quod si quis eam hoc modo salutaret, in ipso permaximè ostendere vellet, quàm incestimabiliter exuberet visceribus pietatis. Insuper addens: Etiam in exitu animæ suæ apparebo illi, in florentia tantæ venustatis, quod ad miram consolationem sui, cœlicam amœnitatem illi ministrabo. l. 3. c. 19.

AVE candidum liliū
fulgidæ semperque
tranquillæ Trinitatis.
Ave rosa fulgida cœli-
cæ amœnitatis, de qua
nasci, et de cujus lacte
pasci Rex cœlorum
voluit; adsis mihi mi-
sero peccatori nunc et
in hora mortis meæ.
Amen.

Cœlicum Ave Maria,

*Quod ori B. Mechtil-
dis à Deo inditum
fuit. l. 1. c. 18.*

AVE ex omnipotentia
Patris, Ave ex sa-
pientia Filii, Ave ex
dulcissima bonitate
Spiritus sancti, Maria
illuminans cœlum et
terram. Gratia plena,
Dominus tecum unicus
Dei Patris, unigenitus-
que virginei cordis
tui filius, dulcissimus
sponsus et amicus tu-
us. Benedicta tu in
mulieribus, quæ repu-

listi Evæ maledictionem, et reportasti æternam benedictionem. Et benedictus fructus ventris tui Jesus Christus, Dominus et creator omnium, omnia benedicens et sanctificans, omnia ditans et vivificans. Amen.

Ave Maria aureum.

B. Mechtildi desideranti sublimissimâ salutatione B. Virginem salutare, apparuit eadem virgo aureis literis in corde suo gerens scriptam salutationem Angelicam, dicens: Hanc salutationem nulla transcendit, nec unquam aliquis me dulcius salutare potuit, quàm qui me salutavit in illa reverentia, quâ Dens Pater me salutavit, etc. ut sequitur lib. de B. Virg. c. 5.

Ave Maria in illa reverentia, quâ Deus Pater per ave te salutavit, suâque omnipotentia ab omni væ culpæ liberavit. Ave Maria in illo amore, quo Filius Dei suâ sapientia te illuminavit, clarissimumque sidus, illuminans cœlum et terram effecit. Ave Maria in illa dulcedine Spiritus sancti, quâ te totam penetravit, adeoque gratiosam effecit, quod omnis, qui per te gratiam quærit, eam inveniat. Admonco te illius operationis, quam tota beatissima Trinitas in te operata est, cum carnis tuæ substantiam cum natura divina in una persona adunaret, ita quod Deus fieret homo, et homo Deus, ex quo quantam in illa hora dulcedi-

nem et lætitiā conceperis, nullus homo plenè valet experiri. Ideoque omnis creatura cum admiratione agnoscit et confitetur te benedictam et superexaltatam super omnes cœlicas atque terrenas creaturas: et benedictum fructum ventris tui Jesum, qui omnia vivificat, sanctificat, et benedicit in sæcula. Amen.

JUBILUS MARIANUS,

Ad immaculatè conceptam
Virginem :

*Quem indulgentiis
dotavit Innoc. VIII.
ad instantiam Reginae
Hispaniarum.*

AVE Virgo gloriosa,
stella sole clarior,
Mater Dei gratiosa,
favo mellis dulcior:
Tu es illa speciosa,
quā nulla est pulchri-
or; rubicunda plus
quam rosa, lilio can-

didior. Omnis virtus
te decorat, Seraphinis
purior, omnis Sanctus
te honorat in cælo
sublimior. Amen.

TRES

efficacissimæ petitiones ad
B. Virginem.

*Cum B. Gertrudis
has 3. Petitiones, quas
à B. Virgine acceperat,
orasset, donavit et B.
Virgo omnia sua merita,
quibus ita decorata
fuit, quod Dominus
Majestatis, ultra quam
dici potest, sibi in ea
complacuerit. l. 4. c.
49.*

BEATISSIMA virgo Ma-
ria, rogo te per
illam innocentissimam
puritatem, quā Filio
Dei in utero tuo vir-
ginali placidissimam
mansionem præpara-
sti, ut tuis precibus
ab omni macula mere-
ar emundari. Amen.

Beatissima virgo

Maria, rogo te per profundissimam illam humilitatem, quâ super omnes choros Angelorum et Sanctorum meruisti exaltari; ut tuis precibus suppleantur omnes negligentiae meae Amen.

Beatissima virgo Maria, deprecor te per amorem illum inestimabilem, qui te inseparabiliter Deo conglutinavit, ut tuis precibus præstetur mihi copia diversorum meritorum. Amen.

Quinque gaudia B. Virginis.

Cum vice quadam B. Mechtildis gemens recogitaret, quod B. Virgini nunquam, ut par erat, devota fuisset, ideoque à Christo peteret instrui, qualiter id suppleret: accepit eam ipse, osque ejus vulneri lateris sui applicans, dicebat: Hinc

haurias quod Matri meae exhibere vis. Et advertit quod tanquam guttæ, seq. 5. Salutationes, eo usque nunquam audite nec cogitate, in os ejus stillarent, lib. de B. Virg. c. 9.

Ave virgo præclarissima in effluxu illo dulcissimo, qui ab æterno è corde SS. Trinitatis ob beatissimam tuam præordinationem in te effluxit.

Ave virgo sacratissima in effluxu illo dulcissimo, qui è corde SS. Trinitatis ob tuam beatissimam conversationem et vitam in te effluxit.

Ave virgo nobilissima in effluxu illo dulcissimo, qui è corde SS. Trinitatis, per doctrinam et prædicationem Filii tui in te effluxit.

Ave virgo amantissima, in effluxu illo dulcissimo, qui è corde SS. Trinitatis è Filii tui amarissima passione et morte in te effluxit.

Ave virgo reverendissima in effluxu illo dulcissimo, qui è corde SS. Trinitatis in te effluxit, cum omni gloria, magnificentia, prædulcique gaudio, quo nunc exultas, et in æternum exultabis, tanquam electa super omnes creaturas in cælo et in terra, antequam terra formaretur et orbis. Amen.

Ad Ecce Ancilla.

B. Virgo dicebat ad B. Gert. Quicumque me istius gaudii quod ad illud verbum, Ecce ancilla, sensi, devotè admonuerit, huic veraciter ego demonstrabo, quod sim mater ejus,

illique fideliter succurram. l. 4. c. 12.

LAUDO et saluto te mater beatitudinum, dignissimum Spiritus sancti sacramentum, et devotâ mentis intentione admoneo te illius ineffabilis gaudii quod persensisti, quando in verbo illo, Ecce ancilla Domini, te totam et omnia circa te agenda cum plena fiducia divinæ voluntati commisisti: orans, ut monstres te esse matrem, mihiq; semper succurras per viscerum misericordiæ affluentiam salutare. Amen.

Oblatio cordis Jesu ad B. Virginem.

B. Gertrudis quâdam vice cum mœrore recolens, quod nihil obsequii B. Virgini exhibuisset, à Spiritu S. edocta obtulit eidem cor Christi: Quod ipsa

summo gaudio suscipiens in aspectu illius omnis obsequii et honoris sufficiens comperit delectamentum; nullò magis, quàm unquam ex alicujus devotione vel orationum studio posset honori ipsius materno exhiberi. l. 4. c. 2. Idipsum etiam edocuit B. Mecht. lib. de B. V. c. 9. Unde suaserim, ut hanc orationem tibi facias familiarem.

LAUDO et saluto te virgo prædulcissima, in unione illa intima, quâ Deo præ omnibus creaturis es conjunctissima. Et in suppletionem omnium negligentiarum, quas in tuo, pia mater, servitio commisi, offero tibi nobilissimum ac prædignissimum cor Jesu Christi, cum omni affectu filialis

dilectionis et fidelitatis, quem tibi supremo modo exhibuit in terris, et deinceps sine fine exhibebit in cælis. Amen.

Oratio S. Edmundi.

Quam ipse composuit, et singulis diebus orare consuevit. Et cum unâ die intermisisset, nocte sequenti apparuit eidem B. Joannes Evang. austero vultu, dicens: Quare omisisti orationem meam? et baculo, quem gerebat in manibus, ei minitans, mandavit, ne deinceps eam omitteret. Sur. in ejus vita. Tom. 6.

O Intemerata, et in æternum benedicta, singularis atque incomparabilis Virgo Dei Genitrix Maria, gratissimum Dei templum, Spiritus Sancti sacrarium, janua re-

gni cœlorum, per quam post Deum totus vivit orbis terrarum. Inclina mater misericordiæ aures tuæ pietatis indignis supplicationibus meis, et esto mihi miserrimo peccatori pia in omnibus auxiliatrix. O Joannes beatissime, Christi familiaris et amice, qui ab eodem D. N. Jesu Christo virgo es electus, et inter cæteros magis dilectus, atque in mysteriis cœlestibus ultra omnes imbutus: Apostolus enim et Evangelista factus es præclarissimus: te etiam invoco cum Maria matre ejusdem D. N. Jesu Christi, ut mihi opem tuam cum ipsa conferre digneris. O duæ gemmæ cœlestes Maria et Joannes. O duo luminaria divinitus ante Deum lucentia, vestris radiis scelerum meorum effugate nubila. Vos enim estis illi duo, in quibus unigenitus Dei filius ob sincerissimæ virginitatis meritum dilectionis suæ confirmavit privilegium, in cruce pendens uni vestrûm ita dicens: Mulier ecce filius tuus. Deinde ad alium: Ecce mater tua. In hujus ergo sacratissimi amoris dulcedine, quâ tunc ore Dominico velut mater et filius ad invicem conjuncti estis; vobis duobus ego miserrimus peccator commendo hodie corpus et animam meam, ut in omnibus horis atque momentis, interius et exterius firmi custodes, et pii apud Deum intercessores mihi existere dignemini. Pos-

cite mihi quæso corporis et animæ salutem. Agite quæso, agite vestris gloriosis precibus, ut cor meum invisere et inhabitare dignetur Spiritus almus, gratiarum largitor optimus, qui me à cunctis vitiorum sordibus expurget, virtutibus sacris illuminet et exornet, in dilectione Dei et proximi perfectè stare et perseverare me faciat: et post hujus vitæ cursum ad gaudia ducat electorum suorum benignissimus Paracletus. Qui cum Patre et Filio vivit, etc.

SUSPIRIA

peccatoris ad Mariam,

MEMORARE ô piissima, non esse auditum à seculo quemquam ad tua currentem præsidia, aut tua imploran-

tem suffragia à te derelictum. Ad hoc enim datus est tibi veniæ fons in filium, ut omnibus gratiâ egentibus eam obtineas, et multitudinem peccatorum ac defectuum nostrorum operiat charitas tua copiosa. Igitur tali animatus fiduciâ ad te confugio, coram te miser et immundus peccator consisto. Ah ne spernas me propter innumera gravissimaque peccata mea, nec abjicias me propter nimiam immunditiam et duritiam cordis mei. Tu scis, ô Maria, quàm profundè peccatis et vitiis immersus sum, quàmque justè gravissimam Filii tui iram promeruerim. Ne excludas me, ô piissima, à gratia tua, quia post Deum tu maxima mea fiducia, tu unica

et summa salutis meæ ratio. Tantam enim de te concepi fiduciam. quod mihi in animum inducere nequeam, me posse perire, quàm diu te amo, tibi que servio. O sacratissima Mater Dei et hominis, gaudium omnium Sanctorum, solamen omnium miserorum, refugium omnium pauperum, per illam suavitatem et delectationem ineffabilem, quam olim persensisti, dum in utero virginali incomprehensibilis divinitas carnem ex te sumens, dignata est se humanæ naturæ cōiungere: rogo, digneris causam meam in te suscipere, meque eidem Filio tuo dilectissimo reconciliare. Monstra ô Mater, ubera, quibus eum nutriti: ostende ipsi brachia, quibus eum amplexata es: enumera illi omnes labores et dolores quos pro eo sustinuisti, et tuum illud mellitissimum cor totum amoris igne flagrans illi exhibe, ut eum mihi reddas placabilem atque propitium. Eia advocata mea fidelissima, illos tuos misericordes oculos ad me indignissimum famulum tuum converte, et propter suavitatem delitiositatis illius ineffabilis, quâ in transitu de hoc mundo ad cœli palatium, innixa delicatè supra dilectum tuum fruebaris, in horâ mortis meæ mihi assistere digneris, atque in eadem hora terribili, sanctissimæ Trinitati pro me offerre merita placidissimarum dignitatum illarum, quibus in die

Assumptionis tuæ supra omnem humanam et angelicam dignitatem præparata ipsi summè complacuisti. Amen.

Invitatio B. Virginis ad suum obitum.

SACRATISSIMA virgo Maria, in illo amore et fidelitate, quâ Filius tuus in cruce pendens te B. Joanni commendavit, commendo tibi animam et corpus meum, cogitationes, verba et opera mea, vitam et mortem meam, maximè autem extremum illud vitæ meæ momentum, à quo pendet æternitas. Et sicut tu ad beatum tuum transitum, Filium tuum invitasti, ita et ego ad transitum meum te invito: rogans per amorem illum quo Filio tuo morienti astitisti, perque amaras lachry-

mas quas fudisti, quando eum inclinato capite amarissimè expirantem vidisti, ut et mihi materna benignitate tua assistere, et nequaquam emanere velis; quia sine te nequaquam piè mori me posse confido. Ne deneges mihi, ô Mater benignissima, petitionem hanc meam, quam à te devotissimo corde deposco, quia si sine te moriar, non immeritò vereor ne æternaliter peream. Quomodo enim ego pauperculus et fragilis nimis in tam multiplicibus, gravissimisque hostium insultibus subsistam, nisi mihi adfueris? Quomodo in distric-tissimo illo judicio divino comparebo, nisi te mihi comitem et advocatam exhibueris? Quomodo de peccatis

meis innumeris, et omnem enormitatem superantibus rationem reddam, nisi tu illa apud filium tuum excuses, eorumque mihi veniam impetres. Inclina igitur aurem tuam precibus meis, ô beatissima, et ob amorem dilecti filii in extremis meis mihi assiste, ut sub tua protectione gravissimis illis periculis erutus, ad cœlestia gaudia tecum pervenire valeam. Amen.

TRIA

Ave Maria pro felici fine.

Quadam vice rogabat B. Mechtildis beatam Virginem, ut sibi in hora mortis assisteret. Cui illa: De hoc certa sis, si mihi indies trinam salutationem (modo quo sequitur) persolceris. lib. de B. Virg. c. 10.

AVE Maria, etc. *usque ad illa verba:* Sancta Maria Mater Dei, sicut Deus Pater secundum magnificentiam omnipotentiae suae te super omnes creaturas exaltavit atque potentissimam effecit, ita mihi quæso adsis in hora mortis meae expellendo à me omnem contrariam potestatem.

Amen.

2. Ave Maria, etc. Sancta Maria Mater Dei, sicut Filius Dei secundum excellentiam inscrutabilis Sapientiae suae tantâ te cognitione et claritate replevit, quod prae omnibus Sanctis majorem SS. Trinitatis cognitionem habeas: ita in hora mortis meae animam meam cognitione fidei sic illustres, ne ullo errore aut ig-

norantia pervertatur.
Amen.

3. Ave Maria, etc.
Sancta Maria Mater
Dei, sicut Spiritus
sanctus dulcedinem
amoris sui ita plenè
tibi infudit, quod post
Deum dulcissima et
benignissima sis: ita
in hora mortis dulce-
dinem divini amoris
mihi infundas, ex quo
omnis amaritudo mihi
reddatur suavissima.
Amen.

*B. Gertrudis hanc
à Domino percepit eru-
ditionem, ut ad minus
quotidie Matrem suam
beatissimam per ista
duo verba, scilicet:
Eia ergo advocata nos-
tra, illos tuos miseri-
cordes oculos ad nos
converte. invocaret,
certa quod per hoc in
hora sua novissima non
mediocre solatium ob-
tineret. l. 4. c. 53.*

GLADII DOLORIS

*Qui cor B. Virginis in
Passione Filii sui
pertransierunt.*

Primus gladius doloris.

MOESTISSIMA Virgo
Maria, admoneo te
illius gladii doloris,
qui animam tuam per-
transivit, quando di-
lectissimus unicus tu-
us in mortem iturus
tibi valedixit, mater-
namque tuam benedic-
tionem à te expetiit.
Recordare, ô mater
afflictissima, quomodo
cordi tuo erat, cùm
tuæ delitiositatis aman-
tissimus Unicus jam-
jam discessurus te dul-
cissimè amplexabatur,
mœstissimâque voce ac
lachrymantibus oculis
tibi valedicebat. Re-
cordare gemituum,
recordare lachryma-
rum, quas utrinque
fudistis, quando piis-

sima illa corda vestra fortissimo amoris nexu sibi invicem agglutinata discindebantur, atque acutissimo doloris vulnere transverberabantur. Per tristissimum hunc discessum Filii tui, et per amarissimas quas fudisti lachrymas, deprecor te, Maria, ut quando in extremis, omnibus amicis meis à corpore separari debebit, mihi assistas, tuâque maternâ benedictione contra insidias inimici tuearis. Amen.

Secundus doloris gladius.

AFFLICTISSIMA virgo Maria, admoneo te illius gladii doloris, qui animam tuam pertransibat, cùm tibi à B. Joanne intimaretur Filium tuum à Juda proditum, à Judæis captum, et ad Annam

et Caipham adductum, ibidem blasphemari, illudi, conspui, contundi, ac omnibus contumeliis et opprobriis saturari. Recordare ô afflictissima, quomodo tristissimum illud verbum cor tuum penetraverit. Recordare, quot gemitus, suspiria et lamentationes protuleris, totamque domum fletibus impleveris, dicens : Jesu fili mi, fili mi Jesu, quis det mihi ut moriar pro te Jesu fili mi, fili mi Jesu. Per acutissimum hunc doloris gladium deprecor ô Maria, ut in ultima hora, quando cor meum præ mortis angustia contremiscet, me sanctissimâ tuâ præsentiâ exhilarare, et ne in desperationis barathrum incidam, præservare digneris. Amen.

Tertius doloris gladius.

TRISTISSIMA Virgo Maria, admoneo te illius gladii doloris, qui animam tuam pertransivit, quando filium tuum, à Pilato foras productum, aspexisti toto corpore dilaceratum, spinis coronatum, sanguine cruentatum, sputis maculatum, et non habentem speciem neque decorem. Memorare ô tristissima, quomodo cordi tuo erat, dum audires Judæos clamantes: tolle, tolle, crucifige eum. Memorare acutissimi vulneris, quod cordi tuo inflictum fuit, dum audires execrandæ mortis sententiam à Pilato pronuntiari. Memorare compassionis et doloris qui materna viscera tua penetravit, dum videres Filio tuo cru-

cem imponi, atque cum maxima ignominia ad montem Calvariæ deduci. O quis numerabit lachrymas, quis numerabit suspiria, quis recensebit dolores afflictissimi cordis tui! compatiore tibi ô Mater desolatissima: teque humillimè deprecor, ut in iudicio illo districtissimo, quo in morte judicandus accusationibus dæmonum prægravabor, mihi assistere, atque omnes adversarios meos à me pellere digneris. Amen.

Quartus doloris gladius.

DESOLATISSIMA virgo Maria, admoneo te acutissimi illius doloris gladii qui animam tuam transverberavit, quando dilectissimum Filium tuum cum Cru-

ce elevatum, tribus et per singultus et lachrymas oculorum tuorum innumerabiles, deprecor te Mater desolatissima, ut eodem amore quo Filio tuo morienti astitisti, in extremo spiritu meo, quando cor meum præ mortis angustia dirumpetur, mihi assistere animamque meam è corpore exeuntem in manus tuas suscipere digneris. Amen.

Quintus doloris gladius.

DOLOROSISSIMA virgo Maria, admoneo te illius gladii doloris qui animam tuam pertransivit, quando Filium tuum de cruce depositum in sinum tuum accepisti, lachrymisque totum corpus ejus rigasti. Quid quæso cor tuum persensit, cum caput spinis undique transfixum, latus lan-

ceâ percussum, manus et pedes diris clavis confixos, faciem et genas convulsas spuitisque fœdatas, totumque corpus vulneribus laceratum, livoribus tumidum, sanguineque maculatum videres. O Mater mœstissima, quot oscula faciei ejus dedisti, quot lachrymis corpus ejus rigasti, quot lamentis mortem ejus deflevisti. O Mater derelictissima, per omnes gemitus et suspiria cordis tui, per omnes dolores et vulnera animæ tuæ, rogo, consolare animam meam in exitu suo, ablue eam lachrymis tuis, et suscipe eam in materna brachia tua, sicut exanimé corpus Filii tui suscepisti, atque ad gaudia cœli deducas. Amen.

LITANIÆ DE B. VIRGINE.

Kyrie eleison.

Christe eleison, etc.

Pater de cœlis Deus, Miserere nobis.

Fili Redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas unus Deus, Miserere nobis.

Sancta Maria,

Sancta Dei genitrix,

Sancta Virgo virginum,

Filia æterni Patris,

Mater Filii Dei,

Ora pro nobis.

Sponsa Spiritus sancti,
 Virgo gloriosissima,
 Virgo amabilissima,
 Virgo mitissima,
 Virgo suavissima,
 Virgo dulcissima,
 Virgo pientissima,
 Virgo gratiosissima,
 Virgo fidelissima,
 Virgo mellitissima,
 Triclinium sanctæ Trinitatis,
 Templum Dei vivi,
 Sacrarium Spiritus sancti,
 Decor cœlestis Jerusalem,
 Fons gratiarum indeficiens,
 Vena vitæ æternæ,
 Hortus cœlestium deliciarum,
 Refugium afflictarum mentium,
 Per dulcissimum nomen tuum, **Miserere nobis.**
 Per pietatem materni cordis tui,
 Per amorem, quo Christum concepisti, et
 novem mensibus portasti,
 Per amorem, quo Christum genuisti, et in
 præsepio reclinasti,
 Per amorem, quo Christum lactasti et enu-
 tristi,
 Per amorem, quo dulcia et amara cum Chris-
 to sustinuisti,
 Per amorem, quo tot lachrymas in ejus pas-
 sione fudisti,

Ora pro nobis.

Miserere nobis.

Per amorem, quo in cruce morienti astitisti,
Per amorem, quo Christum resurgentem
vidisti,

Per amorem, quo eum ascendentem conspe-
xisti,

Per amorem, quo Spiritum sanctum acce-
pisti,

Per amorem, quo Spiritum tuum tradidisti,

Per amorem, quo ad cœlos assumpta fuisti,

Per amorem, quo in cœlis suscepta et super
omnes exaltata fuisti,

Per amorem, qui inter te et divinitatem in-
tercedit,

Per amorem, quo omnibus peccatoribus mi-
sereris,

S. Maria, intercede pro nobis.

Agnus Dei, etc.

Ant. Per te accessum habeamus ad filium,
O benedicta inventrix gratiæ, genitrix vitæ,
mater salutis, ut per te nos suscipiat, qui per
te datus est nobis. Excuset apud ipsum inte-
gritas tua culpam nostræ corruptionis, et
humilitas tua Deo tam grata nostræ veniam
impetret vanitati, copiosa charitas tua nostro-
rum coöperiat multitudinem peccatorum, et
fecunditas tua gloriosa fecunditatem nobis
conferat meritorum. Domina nostra, mediatrix
nostra, advocata nostra.

✠. Ora pro nobis sancta Dei genitrix.

✠. Ut digni efficiamur promissionibus Christi.

Miserere nobis.

OREMUS.

DOMINE Jesu Christe, Fili Dei vivi, qui B. Mariam semper Virginem præ omnibus creaturis tibi in matrem eligere, atque eandem perincontinentissimam pietatem tuam omni-genis gratiarum fluentis irrigare, fœcundare

et beatificare dignatus es; immensam clementiam tuam suppliciter exoramus, ut ob amorem illum, qui in intimis tuis tam fortiter erga illam exarsit, peccatis nostris parcere, atque meritis ejusdem superdignissimæ Matris tuæ nos tibi gratos efficere digneris. Qui vivis.



PARS SEPTIMA.

Orationes de Sanctis.

Instructio valdè utilis, quomodo Sancti colendi sint.

B. Gertrudis habebat in more, quòd quando Sanctum aliquem colere vellet, ageret Deo gratias pro beneficiis ipsi collatis, recitando aliquoties Ps. Laudate Dominum omnes gentes. Unde intellexit, quòd quandocunque aliquis gratias agit Deo pro Sancto aliquo, Dominus de merito Sancti illius auget gratiam in anima ejus, qui pro eo gratias persolvit. l. 4. c. 56. Et cum aliquando aliquas personas meritis S. Bernardi videret decoratas, multum admirabatur, cum illæ similia opera non fecissent. Cui S. Bernardus: Quid, inquit, minus habet pulchritudinis puella, quæ decoratur ornamentis alienis, quàm illa, quæ ornatur propriis? Sic virtutes Sanctorum, devotione fidelium (quando pro his Deum laudant) à Sanctis obtentæ, tanto ad eos diriguntur affectu, quod illi æternaliter de illis gaudebunt. Hoc igitur et tu observa, et si

quidem Clericus es, quotiescunque in divino officio dicis, Gloria Patri, toties caput inclina cum intentione Deo agendi gratias, pro gratiis illi Sancto, cuius festum colitur, collatis.

Aliâ quadam vice B. Gertrudis obtulit B. Virgini 150. Ave Maria, in honorem ejus lecta. Et ecce omnia verba quæ legerat, videbantur in specie aureorum donariorum ipsi præsentari, etc. Intellexitque quòd quando aliquis finem vitæ suæ cuicis Sanctorum specialibus orationibus commendat, statim illæ orationes deferuntur ante tribunal Judicis: et ille Sanctus, cui lectæ sunt, constituitur à Deo advocatus super eas, ut ex ipsis bona provideat sibi devotis tempore opportuno. l. 4. c. 53.

Similiter B. Mechtildis interrogabat quendam defunctam suam socialem gloriosè sibi apparentem, dicens: Dic mihi dilecta Soror, quid utilitatis inde habes, quando pro te oramus? Et illa: Omnia verba accipio de ore vestro, tanquam pulchras rosas, quas cum gaudio offero dilecto meo. Tunc ostendit illi in pallio suo pulcherrimas rosas, in medio habentes aureum folium. Et cùm interrogaretur, quid denotaret illud aureum folium, respondit: Denotat illas orationes, quæ fiunt ex devotione, absque obligatione. Et addidit: Quotiescunque aliquis in honorem Sancti cuiusdam aliquid orat, singula verba accipit de ore ejus, tanquam vernantes rosas. Et si omnibus SS. simul unum Pater noster diceret

ed intentione, qua si posses, libenter singulis unum diceres, hoc ita acceptant, ac si singulis unum orásses.
l. 5. c. 2.

Est etiam Sanctis gratissimum, quando quis eos per cor Christi salutat: et multò magis si quis idipsum illis offerat, quia per illud, et in illo majus habent oblectamentum, quàm quisquam illis posset exhibere. Rev. S. Gert.
l. 4. c. 2.

AD

S. Michaëlem Archangelum.

SALVE Princeps gloriosissime, Michael Archangele. Salve nobilissime Dux superni exercitus. Salve decus et gloria cælestium Hierarchiarum. O princeps illustrissime, tu summè obligatus es creatori tuo, qui absque ullis tuis meritis

te tantâ excellentiâ ditavit, tantisque virtutibus exornavit. O Heros augustissime, ornamentum Paradisi, gemmaque præfulgida cælestis palatii. Tu signaculum similitudinis, plenus sapientia et perfectus decore. Omnis lapis pretiosus ornamentum tuum: aurum opus perfecti decoris tui, in deliciis paradisi Dei. Tu à Deo constitutus es princeps super omnes animas suscipiendas, et ad paradisum exultationis introducendas. Admonéo te, ó beatissime princeps, harum, omniumque gratiarum, quas incontinentissima Dei liberalitas præ omnium Angelorum ordinibus tibi contulit, rogans per amorem mutuum divini, et Angelici eordis tui, ut in

die obitus mei animam meam suscipere, tuaque intercessione clementem mihi iudicem efficere digneris.

Amen.

Ad Angelum custodem.

ANGELE Dei sacratissime, mihi à Deo in custodiam deputate, gratias tibi ago pro omnibus beneficiis quæ mihi in corpore et anima unquam exhibuisti. Laudo et glorifico te quod mihi miserrimo tam fideliter astare, atque contra omnes hostium insultus tueri dignaris. Benedicta sit illa hora quâ mihi in custodiam datus, et in defensorem atque patronum deputatus es. Benedicta sit tua in me charitas, omnisque tua sollicitudo, quâ salutem meam promoveri non cessas. In recom-

pensationem omnium obsequiorum mihi à juventute exhibitorum, offero tibi prædignissimum, nobilissimumque cor Jesu Christi, sicut est superabundans omni beatitudine: rogans mihi ignosci quod toties Sanctis tuis inspirationibus renitendo, te charissimum amicum meum contristaverim: atque deinceps firmiter proponens tibi obedire, Deoque meo fideliter servire. Amen.

A D

S. Joannem Evangelistam.

B. Joannes specialis B. Gertrudis patronus fuit, quem illi Christus assignavit, docens eam, ut quotidie unum Pater noster ipsi legere deberet; admonendo eum illius fidelitatis, etc. ut sequitur. l. 4. c. 4.

O beate Joannes Evangelista, admoneo te illius prædulcis fidelitatis, quam cor tuum sensit, cum Christus te, cæterosque Apostolos orationem dominicam doceret: orans ut mihi obtinere digneris, quod securâ ipsi semper perseverantiâ merear usque in finem vitæ meæ fideliter adhærere.

Pater noster, etc.

Ad S. Benedictum.

B. Benedictus dicebat ad B. Gert. Quicumque me admonere studuerit illius dignitatis, quod stans et orans obierim, huic ego in hora mortis suæ tali fidelitate volo adesse, quod opponam me illi ex omni parte, quâ videbo insidias inimicorum nociviùs contra ipsum sævire.
l. 4. c. 21.

PATRIARCHA gloriosissime, sancte Pater Benedicte, admoneo te illius dignitatis, quâ te Dominus tam glorioso fine dignatus est honorare, quod ultimum spiritum tuum inter verba orationis efflaveris: ex quo adhuc tam suaviter spiras præ aliis Sanctis, quod omnes in afflatu tuo mirifice delectantur: rogans ut in hora mortis meæ tali fidelitate mihi velis adesse, quod opponas te ex omni parte, quâ videaris insidias inimicorum nociviùs contra me sævire: ut tuâ præsentia munitus laqueos inimicorum evadam securus, ac cæli gaudia petam sine fine beatus.

Amen.

—

Ad S. Annam.

Sequentem Oratunculam ante imaginem S. Annæ tertio devotè oranti concessit Alex. PP. VI. 20 annorum indulgentias.

AVE gratiâ plena, Dominus tecum: tua gratia sit mecum: benedicta tu in mulieribus, et benedicta sit Anna Mater tua, ex qua sine macula prodisti virgo Maria: ex te autem natus est Jesus Christus filius Dei vivi. Amen.

AD

S. Mariam Magdalenam.

B. Magdalena dicebat ad B. Mechtildem: Quicumque Deo gratias egerit pro lachrymis quas ad pedes Jesu effudi, etc. huic benignissimus Dominus meritis meis concedet, quod ei ante mortem

suam peccata sua remittantur, et in amore Dei proficiat. l. I. c. 46.

GRATIAS tibi ago benignissime Jesu, pro illo pietatis opere, quod B. Maria Magdalena tibi exhibuit, quando lachrymis pedes tuos rigabat, et capillis capitis sui tergebat, eosque osculabatur et unguento ungebat, ex quo tantam charitatis tuæ abundantiam cordi et animæ ejus iufudisti, quòd extra te nil posset diligere: rogans ut meritis ejusdem lachrymas veræ pœnitentiæ mihi concedere, divinumque amorem cordi meo infundere digneris. Amen.

PETITIO AD CHRISTUM

Per merita B. Gertrudis
obtinenda.

B. Gertrudi promissit Christus, quod si quis devotè pro ea Dominum laudans, et gratias agens oraret pro quacunque re, per amorem illum quo eam ab æterno elegit etc. illius preces indubitanter vellet adimplere, si salubria sibi essent quæ peteret. l. 5. c. 31.

GRATIAS tibi referat, piissime Jesu, omnium bonorum gratiarumque largitor, quidquid cæli ambitus, terræque circuitus, et maris complectitur abyssus, tibi que laudem illam tribuat immensam, æternam et incommutabilem, quæ à te procedens refluit in teipsum, pro exuberante illa pietate, quâ miseratio-

num gratiarumque tuarum torrentem in cor et animam dilectissimæ sponsæ tuæ Gertrudis tam exuberantem direxisti, in qua tanquam in organo instrumentoque tuo peculiari, tuæ pietatis arcana mundo manifestasti. Gratias igitur tibi ago qualescunque possum ex intimis medullis mentis meæ, tibi que ex parte omnium cælestium, terrestrium et infernorum supplico per ineffabilem illum tuæ divinitatis amorem, quo fidelissimam dilectricem tuam ab æterno ad tuam specialem gratiam elegisti, temporeque placito tam suaviter attraxisti, et familiariter tibi univisti, tamque jucundè in anima ejus habitasti, et tandem cur-

sum vitæ ejus tam beato fine consummasti, ut petitionem meam benignus audire et clementer exaudire digneris. Admoneo te, piissime Jesu, illius divinæ veritatis tuæ promissi, quod dilecta tua ab incontinentissimæ pietatis tuæ superfluentia accepit, quod scilicet illius preces, qui per merita ipsius te rogaverit, indubitanter velles adimplere, si salubria essent quæ peteret. Insuper obligans te, quod si ad tempus dispensativè petitionis effectum subtraxeris, postmodum triplici lucro id persoluturum, ex parte omnipotentis sapientiæ et benignitatis virtuosæ Trinitatis. Hujus ergo fidelissimi pacti tui devotè te admonens rogo, ne

me desolatum dimittas, sed petitionis meæ salutarem mihi tribuas effectum. Amen.

AD

B. Gertrudem in tentatione.

Quædam adeo gravata cogitationibus, ut jam ad delectationis fermè consensum raperetur, divinitus inspirata panniculum quemdam de involumento pedum B. Gertrudis abjectum levavit, et cordi suo cum fiducia appressit, dicens: l. 1. c. 3.

DOMINE Jesu, per illum amorem, quo cor electæ tuæ ab omni affectione mundana purum tibi uni ad inhabitandum, atque spiritualibus donis implendum elegisti; perque ejusdem merita et intercessionem rogo digneris me a tentatione liberare. Amen.

Et confestim ut hæc oravit, omnis tentatio eam deseruit. Quod ipsum et tu imitari poteris, et loco panniculi, quem non habes, poteris imaginem, cordi tuo apprimere.

S. Franciscus cuidam Fratri tentato dixit, quod cum devotione diceret: Gloria Patri, et Filio, et Spiritui sancto. Quo dicto tentatio evanuit. Et id sæpè cum fructu probatum est.

GRATIARUM ACTIO,
pro gratiis B. Mechtildi
collatis.

Omnibus iis, aiebat Christus cuidam devotæ, qui dilectam meam Mechtildem propter me amant, dulcius me acclinabo, mihi que attraham. Quique mihi gratias egerint quod eam taliter sublimaverim, eos gratiarum ejus participes effici-

am, et in hora mortis suæ dabo eis consolationem divinam, etc. Rev. Mech. l. 5. c. 29.

GRATIAS ago bonitati tuæ Deus, gratias dignationi tuæ, pro eo quod dilectam tuam B. Mechtildem ad tantam gratiam elegeris, tamque immensis virtutum donis ornaveris. Congaudeo tibi, gratiasque ago, piissime Jesu, pro omni bono quod in ea operatus es, æternumque operaberis. Gratias tibi ago pro superfluente gaudio, suavissimaque tranquillitate quam in ea habuisti. Gratias tibi ago pro amœnissimo influxu, quo te ei acclinasti. Gratias tibi ago pro sacra spiritus tui operatione quam in ea perfecisti. Et demum gratias ago pro perfectissima fruitione

quâ in ea deliciatus es : devotè rogans ut me meritorum ejus participem reddere , virtutumque ejus fulgoribus exornare velis. Amen.

ORATIO

Ad quemcunque Martyrem.

SALUTO et veneror te ,
Sacratissime Martyr Christi , Sancte N. Adoro , laudo et glorifico immensam bonitatem et dignationem semper venerandæ Trinitatis pro omni gratia , quam ex sua infinita bonitate tibi conferre dignata est. Benedico incontinentissimam divinæ pietatis liberalitatem , quæ tam suaviter in benedictionibus dulcedinis te prævenit , atque triumphali Martyrii laurea gloriosè decoravit in cælis. O beatissime Martyr

Christi , sancte N. invictissime miles purpurati exercitus ; tu stabilimentum fidei , et columna fortitudinis. Tu gloriosus Heros Ecclesiæ , decor et gloria Paradisi : benedictus es inter Martyres , et gloriosus specie inter cæli incolas. In augmentum gloriæ et beatitudinis tuæ offero tibi prædignissimum cor Jesu Christi , sicut illud in unione humanitatis possedit repletum , et perfectum in omnibus bonis , quæ unquam de eodem in aliquod cor humanum profluxerunt : devotissimè tibi supplicans per omnes et singulas pretiosi sanguinis tui guttas quas fudisti , per omnia dirissima vulnera quæ suscepisti , et per acerbissimos dolores quos in cor-

pore, corde et anima tua sustinuisti, ut in hora exitus mei, quam tibi sincera fidelitate commendo, mihi tuo auxilio adesse velis, atque in suppletionem meritorum quæ mihi deerunt, Jesu Christo judici meo, illas virtutes offerre, per quas te cognoscis ipsi maxime complacere. Amen.

Ad quemlibet Confessorem.

SALVE sancte N. Confessor Christi egregius, decus et ornamentum Ecclesiæ. Tu rosà vernans charitatis, lilium virginitatis, stella fulgens sanctitatis. Quasi stella matutina in medio nebulæ, et quasi luna plena in diebus suis, sic effulisti in decore virtutum tuarum. O beatissime N. quantas Deo gratias persolvere obligaris pro omnibus bonis quæ tibi exhibuit, dum te inscrutabili sapientiâ sua ab æterno elegit, gratis justificavit, et gratiâ suâ dignum effecit. Quodque te tam prævalente fortique amore ab omni miseria liberaverit, omniaque tua, non solum bona, verum et mala ad tuam utilitatem salutemque converterit. Gratias igitur ago dulcissimo Creatori tuo, et ego unâ tecum magnifico et superexalto omnipotentiam, sapientiam, atque bonitatem superdignissimæ Trinitatis, quâ prævaluit, scivit et dignata est, te ad tantam vitæ sanctimoniam eligere, et in regno gloriæ suæ coronâ justitiæ condecorare. O sacratissime Christi amice

beate N. memento mei miserrimi peccatoris, totâ cordis devotione te invocantis. Commendo tibi vitam et mortem meam, maxime autem extremum spiritum meum: obsecrans per amorem, quo tam ferventer Deo adhæsisti, tamque devotè ei servisti, ut in satisfactionem peccatorum meorum, Domino offerre digneris omnes mortificationes, austeritates et pœnitentias, quas pro gloria nominis ejus sponte susceptas summo amore perfecisti. Amen.

Ad quamcunque
Virginem et Martyrem.

SALVE gloriosa Virgo et Martyr sancta N. salve dulcissima Sponsa Christi, vas electionis Spiritus sancti: sicut rosa inter spinas et sicut stella inter

nebulas, sic effulsisti in tenebris gentilitatis. Saluto et benedico te millies in unione illa, quâ amans anima unus spiritus sit cum Deo, gaudeoque et exulto ob gloriosi certaminis victoriam, quam de hoste reportasti. Gratulor tibi de duplici virginitatis et martyrii corona, quibus condecorata resplendes, sicut stella firmamenti. In augmentum gaudii, gloriæ et beatitudinis tuæ, offero tibi mellifluum cor Jesu Christi, cum omni filiali affectu, quem habuit ad Deum Patrem in divinitate, et ad Mariam matrem in humanitate: atque per idipsum commendo me speciali tuæ fidelitati et patrocinio, ut per sanctissimam passionem et mortem tuam,

et per merita virginei sanguinis tui, in vita et morte mea, indulgentiam peccatorum et divinæ gratiæ subsidium obtinere merear. Amen.

Ad quamcunque Virginem.

AVE virgo gratiosa, immaculata Jesu sponsa, sancta N. tu es plena gratia et dilectione, nitens decore, resplendens charitate. O beata N. admoneo te illius ineffabilis gratiæ, quam Christus tibi præstitit, dum ab utero matris te sibi segregavit, et in numerum adolescentularum suarum cooptavit. Benedicta sit nivæ puritatis tuæ integritas, castissimique amoris tui suavitas: quia in uno crine colli tui, et in uno oculorum tuorum Re-

gem Dominum in amorem tui inclinasti. Tu candens lilium virginitalis, immarcessibilis flos integritatis, quæ omnes Sanctos in odorem unguentorum tuorum trahis, et admirabili decore claritatis tuæ exhilaras et reficis. Tu agnus sine macula, induta vellus niveum castitatis, sequeris agnum quocumque ierit, et dulci modulamine cantas canticum virgineum. Rogo te beata N. per amorem, quo Christus tibi æternæ beatitudinis præmia largitur, tuâ sanctissima innocentia dele maculas nimis multarum corruptionum mearum, tuâque integerrimâ virginitate operi sordes spurcitiarum mearum, et per gratiam quam apud Deum invenisti, fac

ut deinceps nunquam manum Domini diademata regni capiti tuo contra castimoniam puritatem cogitatione, impositum, et sacramentissima anima tua in verbo et opere delinquam. Amen.

AD SANCTUM .

vel Sanctam, cujus festum celebratur.

LAUDO, glorifico et benedico te ô sanct. N. et ex omni virtute mentis meae gratulor tibi de omni gloria et honore, qui ex incontinentissima divinae pietatis supereffluentia hodierna die tibi praestitus est. Admoneo te supereffluentissimi illius gaudii quo exultabas, dum per ministerium SS. Angelorum conspectu gloriae Domini aeternis praemiis remunerandus (*vel da*) praesentareris. Recordare ô beatissim. illius honoris et exultationis, quando per manum Domini diademata regni capiti tuo impositum, et sacramentissima anima tua in sede gloriae collocata est. Propter haec, aliaque gratiarum dona, à Domino majestatis tibi unquam collata, adoro, laudo et benedico ineffabilem Dei benignitatem, pro eo, quod nectarei torrentes suae mellitae pietatis tam copiose inunda-verint super te: Et in vinculum perpetuae dilectionis et fidelitatis, quo te mihi alligare desidero, offero tibi suavissimum, omnisque boni contentivum cor Jesu Christi, una cum omni dilectionis et dignationis affectu, quem tibi unquam exhibuit in terris, et modo sine fine exhibet in caelis. Demum plenam fideli-

tate commendo me
tuis SS. orationibus ,
orans et obsecrans, ut
in die obitus mei in
supplementum negli-
gentiarum mearum,
Domino offerre digne-
ris omne studium et
præparationem , quâ
hodierna die Assump-
tionis tuæ perfectis-
simè consummatus
(vel ta) coram Domino
astitisti. Amen.

*Invocatio omnium
Sanctorum , quam
Christus B. Mechtil-
dem docuit, et orare
jussit. l. 1. c. 55.*

SANCTI Patriarchæ et
Prophetæ saluto vos
per dulcissimum cor
Jesu Christi : rogans,
ut Deo pro me offerre
dignemini vestrum ar-
dens desiderium, quod
ad incarnationem Chri-
sti habuistis.

Saluto vos , ô sancti

Apostoli per dulcissi-
mum cor Jesu Christi :
rogans, ut Deo pro
me offerre dignemini
fidelitatem et constan-
tiam vestram , quâ
cum Christo in tenta-
tionibus suis perman-
sistis, et prædicatione
vestrâ fidelem populum
congregastis.

Saluto vos , ô sancti
Martyres , per dulcissi-
mum cor Jesu Christi :
rogans, ut Deo pro me
offerre dignemini ves-
tram patientiam, qua
sanguinem vestrum pro
amore Christi effudis-
tis.

Saluto vos , ô sancti
Confessores , per dul-
cissimum cor Jesu
Christi : orans, ut Deo
pro me offerre digne-
mini vestram sanctita-
tem, qua aliis verbo
et exemplo viam vitæ
ostendistis.

Saluto vos, ô sanctæ

Virgines, per dulcissimum cor Sponsi vestri: rogans, ut Deo pro me offerre dignemini puritatem et castitatem vestram, qua promeritæ estis, quod modo in cælo Christo vestrum pro me misero offerre Deo dignetur, illas virtutes et perfectiones, quibus cognoscit se maxime Deo complacere.

Saluto et veneror vos omnes Sancti et Sanctæ Dei, per dulcissimum cor Jesu Christi, et per idipsum Amen.

LITANÆ DE OMNIBUS SANCTIS.

Kyrie eleison.

Christe eleison, etc.

Pater de cælis Deus, Miserere nobis.

Fili redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas unus Deus, Miserere nobis.

Sancta Maria, Ora pro nobis.

Omnes sancti Angeli et Archangeli,

Omnes sancti Throni et Dominationes,

Omnes sancti Principatus et Potestates,

Omnes SS. Virtutes cælorum,

Omnes SS. Cherubim et Seraphim,

Orate pro nobis.

Orate pro nobis.

Omnes SS. Patriarchæ et Prophetæ ,
Omnes SS. Apostoli et Evangelistæ ,
Omnes SS. Martyres et Confessores ,
Omnes SS. Episcopi et Doctores ,
Omnes SS. Sacerdotes et Levitæ ,
Omnes SS. Monachi et Eremitæ ,
Omnes SS. Pœnitentes et Peregrinantes ,
Omnes SS. Virgines et Viduæ ,
Omnes SS. Conjugati et Innocentes ,
Omnes Sancti et Sanctæ Dei , Intercedite pro
nobis.

Jesu Christe corona Sanctorum omnium ,
Per ipsorum virtutes et merita ,
Per ipsorum patientiam et humilitatem ,
Per ipsorum pœnitentiam et mortificationem ,
Per ipsorum vigiliæ et jejunia ,
Per ipsorum defatigationes et labores ,
Per ipsorum paupertatem et inopiam ,
Per ipsorum peregrinationes et orationes ,
Per ipsorum devotionem et amorem ,
Per ipsorum suspiria et desideria ,
Per ipsorum liberalitatem et eleemosynas ,
Per ipsorum compassionem et misericordi-
am ,

Per ipsorum persecutiones et martyria ,
Per ipsorum vincula et captivitates ,
Per ipsorum pœnas et cruciatus ,
Per ipsorum vulnera et livores ,
Per ipsorum mortes et occisiones ,
Per ipsorum sanguinis effusionem ,

Miserere nobis.

Per omnes adversitates et miseras, quas pro
gloria tua sustinuerunt ,

Per amorem , quo eos ab æterno elegisti ,

Per amorem , quo eos ad te attraxisti.

Per amorem , quo tam dulciter in cordibus
eorum habitasti ,

Per amorem , quo eis tam multiplices gratias
contulisti ,

Per amorem , quo eos in cœlo suscepisti ,

Per amorem , quo eis æterna præmia largiris ,

Per amorem , qui inter te et ipsos intercedit ,

Jesu Christe , miserere nobis.

Agnus Dei , etc.

✠. Orate pro nobis omnes sancti et electi Dei.

✠. Ut vestris meritis ad æterna gaudia per-
venire mereamur.

OREMUS.

DOMINE Jesu Christe ,
tuorum corona
Sanctorum , miserere
populo tuo , super quo
invocatum est nomen
tuum , et propter me-
rita Sanctorum tuorum
propitius esto iniqui-
tatibus nostris. Me-
mento omnis fidelitatis
et amoris , quo tibi

usque ad mortem ser-
vierunt. En sanguis
eorum tam crudeliter
et innocenter effusus ,
clamat ad te de terra ,
implorans tuam mise-
ricordiam. Illorum er-
go meritis : quæ tibi
offerimus , placatus ,
concede nobis eorum
frui consortio , quorum
nitimur meritis et
patrocinio. Qui vivis.

Miserere nobis.

PARS OCTAVA.

Orationes pro diversis Necessitatibus.

Osculatio quinque Vulnerum pro peccatis
Ecclesiæ.

Cùm B. Gertrudis divinitus inspirata 5. vulnera Christi, modo quo sequitur, osculata fuisset, intellexit à Domino, quod, quancunque aliquis ad laudem Dei perfecit aliquod opus bonum, quantumvis parvum, vel legit saltem unum Pater noster, pro salute Ecclesiæ, Filius Dei mox illud tanquam fructum suæ humanitatis gratissimè acceptans, et pro ipso gratias agens Deo Patri, benedicit, et ex illa benedictione multiplicatum distribuit universæ Ecclesiæ ad profectum salutis æternæ. l. 5. c. 21.

Ad Vultus sinistri pedis.

DULCISIME Jesu, ex intimo cordis affectu osculor vultus sinistri pedis tui in emendationem omnium peccatorum, ab universali Ecclesia unquam cogitationibus, desideriis,

seu voluntatibus per-
versis commissorum:
orans, ut dignissimam
emendationem, quā
totius mundi peccata
purgasti, ipsi donare
digneris in veram
emendationem.

Amen.

Ad Vulnus dextri pedis.

PIUSSIME Jesu, ex inti-
mo cordis affectu
osculor vulnus dextri
pedis tui, in supple-
tionem omnium quæ
tota Ecclesia omisit
in exercitatione utili-
um cogitationum, de-
sideriorum bonorum,
ac sanctarum volunta-
tum: orans, ut dignis-
simam suppletionem
illam qua universum
debitum humani ge-
neris persolvisti, toti
Ecclesiæ donare dig-
neris in negligentia
sue supplementum.

Amen.

Ad Vulnus sinistræ manus.

AMANTISSIME Jesu,
cum devotissima
intentione exosculor
vulnus sinistræ manus
tuæ, in emendationem
omnium peccatorum,
tam verbis quam factis
totius mundi commis-
sorū: orans, ut illam
dignissimam emenda-
tionem, quā omnium
nostrum tam verbo-
rum, quam operum
delicta expiasti, Eccle-
siæ tuæ largiri digne-
ris in veram emenda-
tionem. Amen.

Ad Vulnus dextræ manus.

BENIGNISSIME Jesu,
cum intima devo-
tione vulnus dextræ
manus tuæ deosculor,
pro suppletionem negli-
gentiarum totius Eccle-
siæ, quas ex omissione
utilium verborum, ope-
rumque bonorum con-
traxit: rogans, ut

tuam dignissimam perfectionem, qua humanitas tua per divinitatem resplenduit, largiri digneris in totius Ecclesiæ supplementum. Amen.

Ad Vulnus lateris.

SUAVISSIME Jesu, ex intimo cordis affectu deosculor amatorium vulnus sacratissimi lateris tui: orans, ut ex abundantia divinæ pietatis tuæ, post dignam peccatorum emendationem, et sufficientem negligentiarum suppletionem, etiam nunc merita sanctissimæ conversationis tuæ, quibus in te ipso dignissimè resplendes in conspectu Dei Patris ad cumulum beatitudinis æternæ digneris superaddere Ecclesiæ sponsæ tuæ sanctæ. Amen.

Oblatio meritorum Christi, pro peccatis Ecclesiæ.

B. Gertrudis Spiritu sancto instigante, legit 5. Pater noster in honorem 5. vulnerum Domini, pro emendatione omnium peccatorum 5. sensuum, à toto genere humano commissorum. Et 3. Pater noster, in emendationem omnium peccatorum, tribus viribus animæ, per totius universitatis homines commissorum, et bonorum omissorum, offerens ea hoc modo.

Oblatio Orationis Dominicæ.

DULCISSEME Jesu, offero tibi hanc orationem in unione illius perfectissimæ intentionis, quæ eadem in corde tuo dulcissimo sanctificata ad nostram salutem est edita; in emendationem omnium commissorum, et in

suppletionem negligentiarum, quæ unquam ex humana fragilitate, ignorantia seu malitiâ sunt contractæ, contra tuam insuperabilem omnipotentiam, inscrutabilem sapientiam, ac supereffluentiam gratitæ bonitatis. Amen.

Hæc cum offerret, benignus Dnus. quasi in eorum complacentia ultra quam dici possit, placatus, extendens manum suam à vertice capitis usque ad plantam pedis signum crucis ducens, eam satis affectuosè benedixit. Unde et quilibet studeat, eam in hoc imitari, ut et ipse tam saluberrimæ benedictionis effectum mereatur obtinere. l. 4. c. 19.

Alia vice dixit Christus ad eam: Lege 33 Pater noster, et eme

à me conversationem meam sanctissimam, qua 33. annis operatus sum salutem in medio terræ. Et hunc fructum communico toti Ecclesie in veram salutem ad laudem meam. Quod cum fecisset, recognovit in spiritu totam Ecclesiam velut sponsam ornatam ex fructu perfectissimæ conversationis Christi. l. 4. c. 20.

Quam gratum sit Christo orare pro Ecclesia, ex hoc quod B. Mechtildi dixit, collige, inquit: Si quis ex puro amore quo Deum amat, orat pro quolibet tanquam pro seipso, illa oratio illuminat cælestem Jerusalem tanquam ortu novi solis. l. 3. c. 47.

Oratio pro tota Ecclesia.

B. Gertrudis quidam vice dicebat ad Dominum: Ecce Domi-

ne, offero tibi vota omnium personarum, quæ se indignis orationibus meis commiserunt. *Cui Dominus: tot facibus amoris cor meum succendisti, pro quot mihi personis astas. Tunc illa: Eia doce me quomodo tibi pro personis totius Ecclesiæ dignè astabo, et tot facibus amoris cor tuum accendam, quot homines sunt in Ecclesia universa. Et ille: Hæc si desideras perficere, his 4. modis potes, ut sc 1. laudes me, quod eos creaverim, 2. Agas gratias pro beneficiis eis impensis, etc. ut sequitur. l. 4. c. 25.*

PISSIME Jesu, ex intimo cordis affectu laudo, glorifico et benedico te pro creatione eorum omnium quos ad imaginem et similitudinem tuam creasti, gratiasque tibi ago

pro omnibus beneficiis eis unquam impensis, sive impendendis: et in unione vehementissimi doloris tui, moveo querimoniam, dolens et pœnitens pro omnibus modis, quibus unquam gratiis tuis obicem posuerunt: devotissimèque rogo pro omnibus, quo singuli juxta tuam divinam ordinationem in omni beneficio perficiantur ad æternam laudem et gloriam tuam. Amen.

Tria Laudate pro peccatis Ecclesiæ vel propriis.

B. Gertrudis dicebat ad Dominum: Doce me, Doctor amantissime, quibus orationibus te ab hominibus ad iracundiam provocatum, blandius possim placando delinire. Cui ille: Non mediocriter acceptarem, si

quisquam legendo 3. *Pater noster, vel, Laudate Dominum omnes gentes, ea hoc modo Deo Patri offerret. l. 4. c. 25.*

Pater noster, *vel* Laudate.

SANCTISSIME Pater, **S** offero tibi omne exercitium sanctissimi cordis Unigeniti tui, quo unquam lassatus est in terris pro salute generis humani, in laude, gratiarum actione, querimonia, actione, desiderio et amore, in emendationem omnium terrenarum et carnalium delectationum, ac perversarum voluntatum, quibus aliquod cor humanum implicatur. Amen (*vel*) cor meum implicatum unquam fuit.

Pater noster, *vel*, Laudate.

SANCTISSIME Pater, **S** offero tibi omne exercitium innocentissimi oris Unigeniti tui, in abstinence et temperantia tam ciborum, quam verborum, in prædicatione et oratione continua, quibus pro salute humana insudavit, in emendationem omnium peccatorum in universa Ecclesia (*vel* à me) commissorum, in gula et ebrietate, ac nocivorum inutiliumque verborum multiplicatione. Amen.

Pater noster, *vel*, Laudate.

SANCTISSIME Pater, **S** offero tibi omne exercitium sanctissimi corporis Unigeniti tui, cui omnibus motibus singulorum membrorum, ac totam seriem perfectissimæ conversationis ejus, cum om-

ni amaritudine suæ indignis orationibus innocentissimæ passionis et mortis, quam commiserunt, commendo divinæ tuæ cognitioni et amori, quorum ductu de sinu Patris ad terras propter salvandum hominem descendisti. Et in unione amoris illius, quo Patri Spiritum tuum commendasti, commendo et includo illos dulcissimo cordi tuo: applicans et exhibens tibi idipsum in unione amoris illius, quo illud pro salute humana, humanum suscepisti, atque dilectis amicis tuis in specialis amicitiae prærogativam sæpius dedisti, ut inde beneficias illis, pro quibus oro, et orare teneor. Sic Christus S. Gert. docuit. l. 4. c. 25.

ORATIO EFFICACISSIMA,
pro spiritualibus et carnalibus Amicis.

Cum B. Gertrudis hoc modo, sicut eam Christus docuerat, pro sibi commissis oraret: benignus Dominus cujusvis necessitatem, in lumine divinæ cognitionis suæ rememorans, amatoria compassione singulis condescendit. l. 4. c. 3.

BENIGNISSIME Jesu, Pater noster, quod sic
omnes eos qui se offeras:

BONE Jesu, offero tibi hanc orationem ad æternam laudem tuam, ut exinde benefacias tuis, meisque specialibus amicis, secundum beneplacitum tuæ divinæ pietatis. Amen.

Ita S. Gertrudis cum maximo Christi beneplacito pro amicis suis unum Miserere obtulit. l. 4. c. 2.

*Ut scias quàm utile sit pro aliis orare, audi quid Christus dixerit B. Gertrudi, in-
quiens: Sicut impossibile est alicujus pedes transvulnerari sine compassione proprii cordis: sic omnino impossibile est paternæ pietati meæ, effectibus misericordiæ non respicere eum, qui quamvis propriis gravatus excessibus, recognoscit se divinæ indulgentiæ medicamento indigere, cum affectu charitatis,*

pro salute proximorum non desinit supplicare. l. 3. c. 73.

Pro inimicis.

Cum B. Gertrudis orasset, ut sequitur, Christus coram Deo Patre procidens, obtulit pro ea fructum totius sanctissimæ conversationis suæ, in emendationem omnium quibus unquam contra ipsum deliquisset. l. 4. c. 24.

DOMINE Jesu, in unionem amoris et suavitatis illius excessivæ, quâ inter ipsos etiam indicibiles passionis dolores et pœnas mortis pro crucifixoribus tuis rogasti, dicens: Pater ignosce illis; ex intimo affectu deprecor te, ut digneris dimittere omnibus, qui unquam in aliquo contra me deliquerunt. Amen.

Oratio in tribulatione.

Cum B. Gertrudis in quadam afflictione diu cum sororibus suis Deum rogasset, nec ullum sentiret effectum, tandem dixit ad Dominum: Et quomodo, benignissime amator, tam diu protrahis desiderium nostrum, etc. Et Dominus: Non esset mirandum, quod Pater permetteret filium à se petere nummum, si toties reponeret ei centum marcas: Sic non mireris, quod protraho in hac causa exaudire vos; quia quoties pro ea invocatis, etiam minimis verbis, vel cogitationibus, toties de æternis bonis longè suprâ 100. Marcas repono. l. 3. c. 31.

O Pater misericordiarum, et Deus totius consolationis, obsecro, digneris oculis tuæ

pietatis in me respicere, sicut dilectum Filium tuum in monte Oliveti in angustia spiritus sui ad te clamentem, et sudore sanguineo faciem terræ irrigantem respexisti. Nunquid non est voluntas tua, piissime Pater, quod in necessitatibus nostris ad te confugiamus, teque pro avertendis malis invocemus. Cum igitur à nobis rogari et invocari velis; hinc propter voluntatem tuam deprecor, ut juxta laudabilissimum beneplacitum tuum, me ab hac tribulatione liberet. O Pater benignissime, aures tuæ pietatis inclina precibus meis, licet indignis, et eripe me ab hac angustia. Ante pedes benignitatis, et ante oculos misericordiæ

tuæ denuo pressuram cordis et afflictionem Spiritus mei, tibi que eam offero, ut de ea, quod tibi magis placitum fuerit, efficias. Dulcis Jesu, per omnes angustias et pressuras, quas pro salvando homine suscepisti, aufer calicem hunc à me. Jesu pientissime, offero tibi excellentem illam orationem, quam præ mortis angustia sanguinei sudoris testimonium reddidit devotam, et ardens amor divinitatis tuæ efficacem: obsecrans per virtutem ejusdem perfectissimæ orationis, ut me exaudias, et ab hac angustia liberares. Igitur tuâ intentione et resignatione, tuo corde et ore, deprecor, dicens: Abba Pater, omnia tibi possible sunt: transfer

calicem hunc à me: verumtamen non mea, sed tua voluntas fiat. Amen.

Oratio infirmi aut afflicti.

Cùm B. Mechtildis quadam vice infirmaretur, et hoc Domino conquereretur, ait ad eam. Pone omnes dolores tuos in cor meum, et ego eos ita reficiam, quantum unquam aliqujus passionis elevari potuerunt. Et sicut passio mea ineffabiles fructus operata est, sic et infirmitas tua, si eam mihi commendaveris (ut sequitur) beatis honorem, justis meritum, et peccatoribus veniam operabitur. l. 2. c. 32.

AMANTISSIME Jesu, hanc infirmitatem (vel) afflictionem meam, quam è paterno corde tuo in signum amoris tui mihi misisti,

promptissimâ voluntate suscipio: et tali charitate, quâ eam mihi immisisti, cum gratitudine eamdem tibi offero. Omnem igitur dolorem et pressuram meam in sacratissimum cor tuum depono, rogans, ut eamdem amarissimæ passioni tuæ unire et intrahere, atque per eam perficere digneris.

Et quoniam propter multitudinem dolorum et afflictionum mearum, te, ut par est, laudare nequeo, ideo tu eâdem laude, quâ in cruce in maximis cruciatibus tuis Patrem laudasti, eum pro meis doloribus lauda. Et sicut eidem ex tota virtute cordis tui gratias egisti, pro omnibus pœnis et contumeliis ab eodem tibi immissis, ita et eidem

pro meis doloribus gratias age. Et demum eodem amore, quo omnia vulnera et opprobria suscepisti, Patrique tuo cum summa gratitudine obtulisti, ita eidem hanc internam et externam afflictionem meam unâ cum sanctissima passionem tuam offer ad æternam laudem suam. Amen.

OBLATIO

cujuscumque doloris.

Quotiescumque specialis aliquis dolor te tangit, statim offer eum amoris divini, sicut Christus B. Mechtildem docuit. l. 2. c. 12.

O Dulcis amor, hanc puncturam offero et commendo tibi tali intentione, quali eam de corde Jesu mihi detulisti, rogans ut

eamdem cum summa
gratitudine consignes.

Resignatio infirmi.

*Infirmus aut mori-
turus nil melius facere
potest, quam se integrè
voluntati divinæ com-
mittere, seque paratum
exhibere omnes pœ-
nas, imo et mortem
ipsam pro amore Dei
subire. Et quisque hoc
integrò corde facit,
certus sit, quod sine
purgatorio cælum in-
trare possit, licet in-
numera peccata com-
misisset. Ita Thaul.
Blosius, Suso et alii
Unde infirmus sæpe
hanc orationem orabit,
aut sibi prælegi faciet.*

OMNIPOTENS et miseri-
cors Deus ecce ego
indignus famulus tuus
integrâ voluntate mea
offero et resigno me
tibi in laudem tuam
æternam, ad facien-
dum in corpore et

anima mea omne bene-
placitum tuum, in uni-
one amoris illius, quo
Filius tuus in Cruce
pendens se tibi obtulit.
Et ex intimo corde
paratus sum, amore
amoris et gloriæ tuæ
omnes dolores et cru-
ciatus hujus meæ in-
firmitatis, imo et mor-
tem ipsam, nec non
et omnia mala et pœ-
nas, quæ mihi per
rigorem divinæ justi-
tiæ tuæ in tempore et
æternitate imponendæ
forent, patienter sus-
tinere. Hinc coram te
et omnibus Sanctis fa-
teor et protestor, quod
si penes me esset, ad-
huc mille annis in
omnibus delitiis præ-
ter voluntatem tuam
vivere, malim tamen
purè ob amorem et
gloriam tuam, si vo-
luntas tua esset, hâc
horâ mori. Quare cum

plenâ meipſius reſignatione corde et ore dico, et millies repeto: Non mea ſed tua voluntas fiat, amantiſſime Jeſu, de me, per me, et in me, in tempore et æternitate. Amen.

Oratio pro infirmo.

B. Gertrudis oratura pro infirmo quodam requiſivit à Domino, quod ſibi magis placeret ut oraret pro ipſo: ad quod Dominus: Duo tantum verba devoto corde dic pro illo etc. (ut ſequitur) Et quoties hæc verba replicaveris, toties augebitur meritum tam tuum, quam infirmi. l. 4. c. 73. Et hanc orationem poteſt etiam ipſe infirmus pro ſe orare mutatâ perſonâ.

DOMINE Jeſu, per amorem, quo linguos nostros tulisti,

et dolores nostros portasti, rogo, ut illi infirmo conſerves patientiam: et ut ſingula momenta per quæ paſſurus eſt, perducas ad gratiorem laudem tuam, et ad utiliorem ejus profectum, ſecundum quod charitas ab æterno præordinavit in corde tuo paterno ad æternam ipſius ſalutem. Amen.

Tres efficaciffimæ orationes pro felici morte, ex Exerc. S. Gert., tam infirmis quàm ſanis utiliffima.

O chara veritas, ô juſta Dei æquitas, quomodo apparebo ante faciem tuam, portans iniquitatem meam, reatum deperditionis vitæ meæ, et pondus multæ nimis negligentiae meæ. Talentum temporis mihi

creditum non solum cùm non haberes maculam, nisi tantum expendi in vanum, sed et amisi, depravavi amoris mei causam, et perdidì totum. Quò et meam, quam de te ibo, quò me vertam, Pater exigebat, culpam, te accipio hodie et quò à facie tua fugiam? O justa Dei æquitas, quæ in numero, pondere et mensura judicas, et levas omnia in statera justa nimis: væ mihi et millies væ, si tradar tibi non habens advocatum respondentem pro me. Enarra quid factus sis pro me, quàm bene O bone Jesu ad te cogitaveris de me, et confugio, ad te de fundo carè acquisieris cordis mei suspiro: me. Tu mihi vixisti, ne perirem: tu peccata mea responde pro me, tu impetra mihi mea portasti, ne opprimam, tu auge meam primerer: tu pro me causam, ut vivat anima mea ob gratiam obiisti, ne morerer, tui. Eja amor meus tu omnia tua mihi Jesu, qui amore mei contulisti, ut per te captus, vinctus et ad meritis ditescerem. injustissimum judicium Igitur in mortis meæ tractus fuisti, ut hora, judica me secundum illam innocentiam, ut imponerentur tibi totius mundi peccata, quam mihi contulisti in te, cùm omne

debitum meum solvisti per te, judicatus et condemnatus propter me. Amen.

Oratio secunda.

O suavis bonitas, et amabilis Dei misericordia, quæ sola frænas iram principis, et clementiâ decoras thronum Regis: Eja sub alis tuis me recipe, ut protegar ab imminentibus malis, quæ timeo pro negligentis meis multis et magnis. Ecce jam creditor stat ad ostium, repetens à me vitæ meæ depositum. Exactor à me exigit temporis mei tributum, coram quo apparere nequeo, cum non habeam unde solvam debitum. O Jesu amor meus, miserorum omnium refugium, redde mihi Patrem tuum placatum. Tu pro me loquere verbum in charitate, dicens: Ego redimam eum. Eja amor meus Jesu, qui pro me immisericorditer ad columnam es alligatus, dirè flagellatus, pœnosè coronatus et probrosè salutat, tu sis advocatus et patronus meus. Te Judæa negavit esse regem suum, ut ego te haberem meum proprium. Tu igitur amaritudine dolorum et passionum tuarum refocilla meum spiritum, et illa amarissima, quam tibi Pater imposuit, pacis nostræ disciplina, persolvat omnia mea debita. Sensus meos lini et unge gloriosissimi capitis tui cruore, eorumque maculas absterge sanctissimi corporis tui dolore. Sanctissimorum sensuum tuorum exer-

citium, sit totius culpæ meæ operimentum, et omnium negligentiarum mearum supplementum : ut quidquid mihi deest in me, id omne habeam in te, qui te totum impendisti pro me. Amen.

Oratio tertia.

O dulcis Dei pietas, ô chara Dei liberalitas, quæ omnibus expandis gremium, omniumque pauperum es refugium. Commissa mea vehementer pavesco, omissa mea valde erubesco, deperditionem vitæ meæ nimis pertimesco. Futuram timeo discussionem illam, quâ tu Deus meus mecum positurus es rationem. Si à me volueris exigere temporis mei depositum, et talenti, quod mihi contulisti,

lucrum prorsus nullum tua charitate dignum invenio responsum. Quid agam, quò me vertam? Eja parce et indulge mihi, Jesu amor meus, qui pro me injustæ morti adjudicatus, gravissimâ cruce oneratus, inhumanè cruci affixus, felle et aceto potatus, et amarâ morte defunctus fuisti. Tu dedisti animam tuam pro anima mea, vitam tuam pro vita mea, mortem tuam pro morte mea. Tu te in cruce obtulisti, et adhuc quotidie Deo Patri ad altare offers sacrificium, quod excedit omne meritum, et abundanter valet solvere omne meum debitum. Eja per hoc Sacramentum vitam meam innova, et in centuplum restitue omnia

mea deperdita. Tuâ pietate omnes iniquitates meas dele, tuâ charitate omnia peccata mea cooperi, tua dilectione neglecta mea supple, tuo amore in illam libertatem spiritus restitue me, quâ tu hæres innocentiae moriens pro me, dato pretio proprii sanguinis liberum fecisti me. Fac me totum talem, qualem me esse vis et desideras: et in mortis hora aperi mihi benignissimi cordis tui ostium, ut per te absque omni impedimento ingredi merear tui vivi amoris thalamum, ubi fruar et habeam te, ô cordis mei verum gaudium. Amen.

TRES ORATIONES,

A circumstantibus dicendæ
dum infirmus agonizat.

Quidam Papa moriturus rogabat suum

Sacellanum, ut dum videret eum agonizare, has tres orationes pro eo legeret, quod et fecit. Et post obitum apparuit defunctus, dicens, quod virtute orationum illarum à Christo deleta sint peccata ejus, atque cum eo cælum intraverit. Barthol. ab Angelis, Ord. Prædic. lib. de præp. ad mortem.

Oratio prima.

Kyrie eleison. Christe eleison. Kyrie eleison.

Pater noster. Ave Maria.

DOMINE Jesu Christe, deprecor te per tuam sanctam agoniam, atque devotissimam orationem, quam in monte Oliveti orasti, quando factus est sudor tuus sicut guttæ sanguinis decurrentis in terram, ut eundem

sudorem sanguineum , quem præ timore mortis tam copiosè sudasti , cœlesti Patri tuo offerre et ostendere digneris contra multitudinem peccatorum hujus infirmi. Et velis eum in hac hora obitus sui liberare ab omnibus angustis et pœnis , quas pro peccatis suis se timet meruisse. Amen.

Oratio secunda.

Kyrie eleison. Christe eleison. Kyrie eleison.

Pater noster. Ave Maria.

DOMINE Jesu Christe , qui pro salute mundi in dura cruce mori dignatus es , deprecor te , ut amaritudinem illam , quam in eâdem sustinuisti , præsertim quando sacratissima anima tua

egressa est de benedicto corpore tuo , cœlesti Patri tuo offerre et ostendere digneris pro peccatrice anima hujus infirmi ; eumque in hac hora mortis suæ liberare ab omnibus pœnis et cruciatibus , quos pro peccatis suis se timet meruisse. Amen. ✠

Oratio tertia.

Kyrie eleison. Christe eleison. Kyrie eleison.

Pater noster. Ave Maria.

DOMINE Jesu Christe , qui per Prophetam tuum dixisti : In charitate perpetua dilexisti te , ideo attraxi te miserans tui : rogo te per amorem illum , qui te de cœlis ad terram ad patiendam omnem miseriam traxit , cœlesti Patri tuo offerre et

ostendere digneris pro anima hujus infirmi : eamque liberare ab omnibus pœnis et cruciatibus, quos pro peccatis suis se timet meruisse. Adsis ei, pie Jesu in hac hora mortis suæ, aperi ei januam vitæ, et perduc animam ejus in paradysum exultationis, ubi te laudet per infinita sæcula. Amen.

Oblatio Passionis Christi
pro defunctis.

RESPICE pie Pater de sede magnitudinis tuæ ad miseras animas in purgatorio detentas. Respice pœnas et cruciatum, quibus tam miserabiliter torquentur ; considera gemitus ac lachrymas quas ad te fundunt : audi preces et supplicationes, quibus misericordiam tuam implorant, et esto propitius peccatis

eorum. Recordare, piissime Pater, pœnarum quas Filius tuus pro eis sustinuit : memento copiosissimi sanguinis, quem pro eis fudit : reminiscere acerbissimæ mortis, quam pro eis subiit, et miserere earum. Pro omnibus peccatis, quæ unquam perpetrarunt, offero tibi sanctissimam vitam et conversationem Filii tui dilectissimi : pro ipsorum negligentis, offero tibi ferventissima ejus desideria : pro omissionibus bonorum operum offero tibi ejusdem meritorum abundantiam : pro omni injuria tibi irrogata, offero omne, quod tibi exhibuit, beneplacitum. Demum pro omnibus pœnis quibus obnoxii detinentur, offero tibi omnes pœnitentias, je-

junia, vigilias, orationes, labores et afflictiones, vulnera, livores, passionem et mortem quam innocentissimè, promptissimèque sustinuit, rogans ut per hæc placatus ad gaudia eos æterna perducas.

QUATUOR ORATIONES PRO
DEFUNCTIS

Quas B. Gertrudis Christo
approbante composuit.

Cum B. Gertrudis has orationes una cum Psalterio oratura, diceret ad Dominum: Quam acceptus est tibi labor eorum qui hoc psalterium persolvent? R. Tam acceptus certè, ac si meipsum toties suo pretio à captivitate liberassent, quoties liberatur anima per preces eorum. Et hoc ipsis indubitanter restituam in tempore opportuno, secundum omnipoten-

tiam meæ liberalissimæ pietatis. lib. 5. cap. 21. Igitur licet psalterium orare nequeas; dic tamen has quatuor efficacissimas orationes, et in fine cujusvis Orationis, dic:

AVE Jesu Christe
splendor Patris,
Princeps pacis, janua
cœli, panis vivus, vir-
ginis partus, vas dei-
tatis.

Requiem æternam
dona eis; et lux per-
petua luceat eis.

*Vel dic Psal. De Pro-
fundis.*

Oratio prima.

ADORO, saluto et be-
nedico te, dulcissi-
me Domine Jesu Chris-
te, atque ex affectu
totius universitatis gra-
tias ago pro amore,
quo propter nos incar-
nari, nasci, ac triginta

tribus annis fame, siti, laboribus et doloribus affici, ac teipsum nobis in Sacramento relinquere dignatus es: obsecrans te ut hanc orationem meam, quam tibi pro illo N. defuncto (*vel*, illis, *vel* omnibus defunctis) offero, unire et permiscere digneris meritis sanctissimæ vitæ et conversationis tuæ: et ex ejusdem abundantia supplere et perfecte restaurare quidquid neglexit (*vel* neglexerunt) in tui laude et dilectione, gratiarum actione, orationibus, virtutibus, cæterisque bonis operibus et obsequiis tibi debitis, quæ per gratiam tuam facere potuisset et non fecit, seu impurè, et imperfectè fecit (*vel* fecerunt).

Amen.

Oratio secunda.

ADORO, saluto et benedico te dulcissime Domine Jesu Christe, gratias agens pro amore, quo tu Creator universorum ad redimendum nos, ab hominibus dignatus es capi, ligari, trahi, conculcari, verberari, conspui, flagellari, spinis coronari, condemnari, crucem bajulare, nudari, crucifigi, et acerbissimâ morte mori, lanceâque configi. Atque in ejusdem amoris unione offero tibi has indignas orationes meas, obsecrans te per meritum tuæ sanctissimæ Passionis et mortis ut delere et perfectè abstergere digneris quidquid anima (*vel* animæ pro quibus) pro qua oro, unquam contra voluntatem tuam pec-

cavit (*vel*, peccaverunt) cogitationibus, locutionibus et operibus malis. Et ut offeras Deo Patri omnem vulnerati corporis et dolorosæ animæ tuæ pœnam et dolorem, merita et exercitia, pro omni pœna, cui apud justitiam tuam detinetur obligata (*vel* detinetur obligatæ.) Amen.

Oratio tertia.

ADORO, saluto et benedico te dulcissime Domine Jesu Christe, gratias agens pro amore et fiducia, quibus nostram carnem devictâ morte resurgens, glorificasti, in cælumque ascendens ad dexteram Patris collocasti: obsecrans te, ut animam, pro qua (*vel*, animas pro quibus) oro, tuæ gloriæ et victoriæ partici-

pem efficere digneris. Amen.

Oratio quarta.

ADORO, saluto et benedico te, dulcissime Domine Jesu Christe, gratias agens pro omnibus beneficiis, quæ gloriosæ Matri, omnibusque electis tuis unquam impendisti: in unione illius gratitudinis, quâ omnes Sancti gratulantur se per Incarnationem, Passionem et Resurrectionem tuam beatificatos: obsecrans te, ut ex ejusdem gloriosæ Virginis et Sanctorum meritis et precibus supplere digneris isti animæ (istis animabus) quidquid ei deest ex propriis. Am.

ORATIO DOMINICA,
Pro defunctis, quam Christus fecit.

*Cum B. Mechtildis
pro defunctis commu-*

nicasset, apparuit ei Christus dicens: Dic pro eis unum Pater noster. Et intellexit, quod oraret, ut sequitur. Quod cum fecisset, vidit magnam multitudinem animarum ad cælum ascendere. l. 5. c. 21.

PATER noster, qui es in cælis. Obsecro digneris animabus in purgatorio ignoscere quod te, suum venerandum dilectumque Patrem, qui eas ex mera gratia in filios adoptasti, non dilexerint, nec debitum honorem exhibuerint, sed è suis cordibus, in quibus habitare semper desiderabas, ejecerint. Et in suppletionem hujus culpæ ipsarum offero tibi illum amorem et honorem, quem dilectus filius tuus in terris tibi exhibuit: illamque copiosam satisfactionem, quâ omnia ipsarum peccata persolvit. Amen.

Sanctificetur nomen tuum. Obsecro te Pie Pater, digneris animabus defunctorum ignoscere, quod sanctum Nomen tuum nunquam dignè honoraverint, rariusque ejusdem devotè recordati fuerint; sed sæpius id ipsum in vanum assumpserint, atque per turpem vitam suam Christiani nominis se indignos reddiderint. Et pro satisfactione hujus peccati offero tibi perfectissimam Filii tui sanctitatem, quâ benedictum nomen tuum prædicando exaltavit, et in omnibus sanctissimis operibus suis honoravit. Amen.

Adveniat regnum

tuum. Obsecro te pie Pater, digneris animabus defunctorum ignoscere, quod te, regnumque tuum, in quo solo consistit vera requies æternaque gloria, nunquam cum fervore desideraverint, nec studiosè quæsierint. Pro quâ ipsarum acedia, quam in omni bono habuerunt, offero tibi sanctissima Filii tui desideria, quibus voluit eos esse regni sui cohæredes. Amen.

Fiat voluntas tua sicut in cælo et in terra. Obsecro te pie Pater, digneris animabus defunctorum, maximè verò animabus Religiosorum ignoscere, quod voluntatem tuam suæ non præposuerunt, nec eandem in omnibus dilexerunt, sed valde frequenter secundum voluntatem

suam vixerunt et fecerunt. Et in emendationem hujus suæ inobedientiæ, offero tibi unionem dulcissimi cordis Filii tui cum tua voluntate: sicut et promptissimam ejus obedientiam, quâ tibi obediens fuit usque ad mortem crucis. Amen.

Panem nostrum quotidianum da nobis hodie. Obsecro te pie Pater, digneris animabus defunctorum ignoscere, quod nobilissimum Altaris Sacramentum non cum integro desiderio, devotione et amore susceperint; sed multæ earum se plane ejusdem indignas reddiderint: et multæ idipsum rarò aut plane nunquam susceperint. Pro quo earum peccato offero tibi maximam

Filii tui sanctitatem et devotionem, sicut et ferventem ejus amorem et ineffabile desiderium, quo hunc pretiosum thesaurum nobis donavit. Amen.

Et dimitte nobis debita nostra, sicut et nos dimittimus debitoribus nostris. Obsecro te pie Pater digneris animabus defunctis ignoscere omnia peccata, quæ commiserunt in septem peccatis capitalibus: maxime quod iis, qui eas offenderant, ignoscere noluerint, nec inimicos suos dilexerint. Pro quibus peccatis offero tibi suavilluam orationem, quam Filius tuus in cruce pro inimicis suis oravit. Amen.

Et ne nos inducas in tentationem. Obsecro te pie Pater, digneris animabus defunc-

torum ignoscere quod vitiis et concupiscentiis non restiterint; sed sæpius diabolo et carni suæ consenserint, et multis malis spontè se irretierint. Pro quibus multiplicibus peccatis offero tibi gloriosam Filii tui victoriam, qua mundum et diabolum devicit: sicut et totam sanctissimam ejus vitam et conversationem, cum omni suo labore et defatigatione, amarissimaque Passione et morte ejus. Amen.

Sed libera nos et ipsas ab omni malo, omnique pœna per dilecti Filii tui merita, et perduc nos ad regnum gloriæ tuæ, quod tu ipse es. Amen.

Brevis et efficax oratio pro defunctis.

MISERERE, piissime Jesu, animabus in

purgatorio detentis, tis vestris. Commendo
 pro quibus redimendis vos illi excessivo amo-
 humanam naturam as- ri, qui Filium Dei
 sumpsisti, mortemque traxit de cælis, et
 amarissimam subiisti. amarissimæ morti sub-
 Miserere gemitum, jecit in terris: ut illa
 miserere lachryma- pietate vestris pœnis
 rum, quas ad te fun- compatiatur, quâ in
 dunt, et per virtutem cruce pendens omni-
 passionis tuæ, condo- bus afflictis est com-
 na eis pœnas peccatis passus. Et in plenum
 ipsarum debitas. Des- refrigerium offero vo-
 cendat, piissime Jesu bis omnem filialem
 sanguis tuus in purga- affectum, quem idem
 torium, et recreet, Christus Jesus habuit
 refrigeretque omnes ad Patrem in divinita-
 ibi captivos ac patien- te, et ad Mariam ma-
 tes. Porrige eis dex- trem in humanitate.
 teram, et duc eas in Amen.
 locum refrigerii lucis
 ac pacis. Amen.

Oratio ad ipsos Defunctos.

MISEREATUR vestri, o
 afflictissimæ animæ
 Jesus Christus pro vo-
 bis mortuus et crucifi-
 xus: et per aspersio-
 nem sanguinis sui re-
 frigeret vos in tormen-

*Hujus oblationis effi-
 cacious, vide Revel. S.
 Gert. l. 5. c. 3.*

Oratio transeundo cœmete-
 rium dicenda.

*Quam Joannes XII.
 Indulgentiis dotavit.*

AVETE omnes Christi
 fideles animæ: det
 vobis requiem ille, qui

est vera requies. Jesus suo pretioso sanguine, Christus filius Dei vivi, benedicat vos, et à qui natus est de immaculata Virgine, pro peccatis liberet, faciatque resurgere in die nostri, omniumque Judicii, Angelisque salute, et vos redemit suis sociari. Amen.



PARS NONA.

Orationes pro peccatis.

Christus aiebat S. Gertrudi, l. 4. c. 60. Ut cognoscas quanta dignatione accepto, quod anima fidelis post transgressum resipiscens, compungitur pro transgressionem cum proposito de cætero pro posse suo peccata cavendi, scias inæstimabilem esse dulcedinem, qua cor meum afficitur, quoties aliquis cum mærore recolit se per elongationem cordis, vel dissolutionem verborum, aut operum inutilium recessisse à me. Unde singula verba, quæ cor compunctum in cogitatione pertractat, hoc vel simili modo dicens: Eia, heu me miserum, qualiter consumpsi tempus istud Domino Deo amatori meo non intendendo. Ego in persona humanitatis meæ quasi discantum suacissimum faciens per modulos divinitatis meæ superexcellētissime decanto Deo Patri meo. et in admirationem protoco omnem cælestem militiam spirituum beatorum. Et inde fit gaudium in cælo super uno peccatore pœnitentiam agen-

te. Et cum quamlibet animam fidelem per præsentis vitæ terminum deduco ad cæli palatium, in illa via mirabili, sc. in ingressu cæli, inter alia quibus ipsi blandior, oblectamenta, infundo illi omnia gaudia, quæ tam ego quam omnis cælestis exercitus unquam persensit diversis horis de qualibet ipsius compunctione.

Accusatio sui ob multiplicia peccata sua pro gravioribus peccatoribus.

OMNIPOTENS sempiternè Deus, en ego infelix, indignus ac perfidus peccator, multipliciter tibi rebellis et ingratus, venio ad te Deum creatorem et redemptorem meum, accusans meipsum, et confitens tibi omnes abominationes, et scelera mea. In spiritu humilitatis et in animo

contrito confiteor tibi, quod sæpe nomen sanctum tuum blasphemaverim, præcepta tua transgressus sim, voluntatem tuam contempserim, dona et opera tua in me destruxerim, animam et corpus meum polluerim, gratias ac beneficia tua in contumeliam tuam verterim, et innumeris peccatis et iniquitatibus meis multipliciter te offenderim. Et in his gravissimis peccatis et sceleribus, in hujusmodi pravitate et perfidia, heu nimis diu obstinatus mansi, abutens benignitate tua, seducens cor meum et inquinans animam meam. Et non solum hanc meam, sed plures quoque alias animas quas tu sanguine tuo pretioso mercatus es, ego malis

meis exemplis et persuasionibus tibi abstraxi, et hosti tuo diabolo necandas tradidi. Ecce Domine, Deus meus, ante pedes tuos prostratus jacet nefarius hostis tuus: ecce hic habes perversum illum nebulonem, qui se ultro tibi captivum tradit. Fac igitur de me quidquid tibi placet, nam integrâ voluntate rigori justitiæ tuæ me subjicio, paratus quaecunque de me sumere volueris vindictam, lubens subire; tantummodo miserere mei et in gratiam tuam me recipe. Nunquid non Pater meus es tu, cujus pietas non potest concludi, cujus miserationes nunquam continere se possunt. Ego vero licet filii nomine indignum me fecerim, non tamen alium patrem præter te agnosco. Quapropter ad pedes misericordiæ tuæ prostratus, per omnipotentiam, sapientiam et bonitatem tuam obsecro te, ignosce, remitte et condona mihi offensas meas gravissimas, et in gratiam tuam me me rursus admitte dulcis Jesu, fili Dei vivi, qui te advocatum et mediatorem inter nos et patrem tuum constituisti, obsecro te per charitatem illam quæ te de cælis traxit in uterum Virginis, et de eodem ad passionem et ignominiam crucis: obsecro te per omnes contumelias et injurias tibi irrogatas, atque per omnes et singulas pretiosissimi sanguinis tui guttas pro nobis effusas, ut mihi peccatorum meorum veniam

impetres , atque Patri tuo plene me reconcilies. Amen.

Alia Accusatio.

O inscrutabilis abyssus pietatis, Domine Deus meus, peccavi super numerum arenæ maris , et non sum dignus intueri altitudinem cæli. O me fœtidam peccatorum sentinam ! O me sordidum cadaver putredinis ? Multiplicatæ sunt iniquitates meæ , et sicut onus grave gravatæ sunt super me. Regnat in me superbia , vana gloria , luxuria , avaritia , invidia , gula , acedia , et omne malum. Quid faciam , miser , quo fugiam à facie iræ Dei ! Heu Domine Deus meus quanta sunt vulnera mea , quanta infirmitas animæ meæ. Cui conquerar , O Do-

mine, omnia mala mea adversum me , nisi tibi salvatori et redemptori animæ meæ ? Jesu Fili Dei vivi miserere mei , quia nihil tibi est impossibile quam non posse miseris misereri. Redde mihi , dulcis Jesu gratiam tuam , et recipe me in amicitiam tuam. Non secundum merita mea , sed secundum bonitatem tuam respice in me. Doleo vehementer de peccatis meis , quibus te benignissimum Deum meum offendi. O Domine Deus meus , odi , aversor , execror et abominor omnia peccata mea , tali affectu et voluntate , quâ tu ipse ea execraris et abominaris et utinam dolor meus tantus esset quantum tu esse desideras. In cujus dignam suppletionem

offero tibi illam contritionem, tristitiam et aversionem à peccatis, quam Filius tuus in monte Oliveti de omnibus mundi peccatis in se sensit et sustinuit, dum præ vehementia doloris et angustiae sudor sanguineus de corpore ejus emanaret, et omnia viscera ejus commoverentur: Rogans ut illam contritionem in suppletionem meam, quam non habeo, acceptare, meque à peccatis meis absolvere digneris. Amen.

VERA

Contritio, vi cujus plenariam à Christo indulgentiam obtinere poteris

Docent Doctores quod si peccator ita doleat, quod paratus sit omnem pœnam peccatis debitam libens sustinere, quod per

hoc Deum ita reconciliet, quod omnem pœnam ei remittat.

BENIGNISSIME Deus, ego indignissima creatura tua, ex merâ malitiâ et perversitate, divinam bonitatem tuam tam multipliciter offendi, quod justè me abominari, et tanquam capitalem hostem tuum persequi deberes. O Christe Jesu fateor quod iniquè egerim, et malum nimis coram te fecerim: Attamen tam vehementer super hoc doleo, quod malim quodvis malum subire, quam deinceps vel unico mortali peccato te offendere. Non doleo propter graves nimiasque pœnas quas commerui; sed solummodo quia te tam dulcem, tam amabilem, tam benignum et fidelem Dominum, qui

mihi nunquam nec minimum malum fecisti, sed omnibus bonis ditasti, tam graviter tamque injustè offenderim. Ignosce mihi, misericordissime Jesu, propter amorem illum quo Patrem pro persecutoribus tuis rogasti; quia paratus sum omnem injuriam quam tibi peccando irrogavi, quantum possibile est, reciproco obsequio recompensare. Non peto pœnas promeritas mihi condonari; sed paratissimus sum eâsdem à paterna manu tua, quando, quomodo et ubi tibi placuerit, et decor justitiæ tuæ exegerit, acceptare. Cum summa igitur humilitate et resignatione me tibi subjicio, et justum tuum super me judicium ambobus brachiis amplexor, paratus acceptare quæcumque mihi adversa in tempore et æternitate immiseris. Amen.

BREVIS

Confessio peccatorum.

Cum B. Gertrudis quadam vice hanc confessionem fecisset, apparuit ab omni macula peccati super nivem candidata. l. 4. c. 39.

Ecce Domine mi, ego indignus peccator fateor, eheu, cum dolore, ex humana fragilitate me contra tuam divinam omnipotentiam multipliciter deliquisse, ac contra tuam divinam sapientiam per ignorantiam diversimodè peccasse, nec non et tuam inestimabilem benignitatem me multis modis malitiosè irritasse. Ergo Pater misericordia-

rum miserere mei, et da mihi de tua omnipotentia vires resistendi omnibus quæ tibi sunt contraria: et de tua inscrutabili sapientia da mihi cautè prævenire omnia quæ oculos tuæ puritatis in me offendere possent: Atque ex superabundantia pietatis tuæ concede mihi tam stabili fidelitate tibi adhærere, ut nunquam vel in minimo à tua voluntate discordem. Amen.

Petitio ad Jesum,

Ut ipse per suam SS. Conversationem satisfaciât pro nostris excessibus. Ex Exerc. S. Gert.

O Jesu piissime, plene pietate et misericordia, qui nunquam spernis miserorum suspiria: heu deperiit, et sine fructu abiit

tota vitæ meæ conversatio, nec quidquam dignè egit in conspectu tuo. Ad te igitur confugio, tuam clementiam exoro. Tu pro me loquere, tu pro me supplere. Tu per puras clarissimorum oculorum tuorum lacrymas, ablue omnes peccantium oculorum meorum maculas. Tu per dulcem benedictarum aurium tuarum pietatem, ablue omnem peccantium aurium mearum iniquitatem. Tu per puram sanctissimorum cogitationum tuorum intentionem, ardentemque transfixi cordis tui amorem, ablue omnem malarum cogitationum mearum, et criminosi cordis mei reatum. Tu per vividam dulcium verborum benedicti oris tui potentiam,

absterge omnem pol-
luti oris mei offensam.
Tu per operum tuo-
rum perfectionem,
manuumque tuarum
crucifixionem, ablue
omnem impiarum ma-
nuum mearum offen-
sionem. Tu per dolo-
rosam benedictorum
pedum tuorum fatiga-
tionem, dirissimamque
perforationem, ablue
omnem peccantium
pedum meorum ma-
culationem. Tu per
vitæ tuæ nobilem in-
nocentiam, puramque
sanctitatem, ablue om-
nem corruptæ vitæ
meæ sceleratam. Tu
demum per pretiosis-
simi sanguinis tui no-
bile lavacrum ablue,
emunda et extingue
omne cordis et animæ
meæ piaculum, ut per
sanctissima merita tua
mundus inveniar, et
deinceps immaculatus
omnia mandata tua
servare merear. Amen.

ORATIO DEVOTA,

Qua peccator per Passionem
Christi rogat sibi ignosci.

ADORO et veneror te,
mitissime Domine
Jesu, in crucis patibulo
pendentem, et sangui-
nem tuum roseum pro
expiando mundi scele-
re fundentem. Accuso
me in contritione cor-
dis mei de multifaria
tibi à me irrogata in-
juria et infidelitate.
Bone Jesu, fateor,
quod propter nefaria
scelera mea passionis
et mortis tuæ sum cau-
sa: quodque in pas-
sione tuâ magis pœnosa
tibi fuerint mea pecca-
ta, quam impiorum
lictorum tunsiones et
verbera. Tibi igitur
confiteor et revelo ma-
litiam et iniquitatem
meam, et in spiritu

humilitatis ante crucem tuam prostratus veniam deprecor. Omnes iniquitates et peccata mea demergo in abyssum misericordiæ et clementiæ tuæ, et in cruenta vulnera tua, quæ accepisti meæ salutis causa; orans, ut illa pretioso sanguine tuo et virtutosa aqua sanctissimi Lateris tui ita abluere et abstergere velis, ut nulla apud te eorum memoria perseveret. In perfectam emendationem et expiationem omnium criminum, quæ ego cogitationibus, desideriis et perversis affectibus cordis mei commisi, offer æterno Patri tuo immaculatum cor tuum, cum omni bono, quod in se continet. Et pro omnibus inutilibus et noxiis verbis, quæ

ore meo locutus sum, exhibe ei omnia sacratissimi oris tui exercitia, atque pro omnibus perversis operibus quæ perpetrarunt manus meæ, ostende ei perforatas manus tuas, tuâque innocentia Deum Patrem placa, ut per te perfectam merear criminum meorum obtinere indulgentiam. Pro quo sit tibi exhibitio suavitatis illius, quam in trina Deitate persona personæ communicat. Am.

ALIA ORATIO

ex lib. 2. Rev. S. Gert.

DOMINE Jesu Christe, supereffluens fons omnis misericordiæ, ecce ego misera et infœlix creatura tua revertor iterum ad te, et in amaritudine cordis mei accuso me, quod proposita mea

non servaverim; sed in pristina mea peccata et errores relapsus sim: negligentissimè tibi serviverim, in devotione et amore tui nimium tepidus et negligens extiterim, rebus vanis et transitoriis nimium implicaverim, terrenas et noxias delectationes nimium quæsierim, atque in his aliisque innumeris peccatis et negligentis meis te dulcissimum sponsum animæ meæ multipliciter offenderim. Tua beatitudo, Deus meus, quamvis nec crescere nec decrescere possit, cum honorum nostrorum non egeas; tam culpabilis tamen tamque negligens vita mea (si dici potest) cessit in notabile detrimentum laudis et gloriæ tuæ. Quid super his sentiat,

vel saltem sentire deberet cor meum, tu Deus meus optime nosti. Unde et in amara contritione cordis mei confiteor tibi Pater benignissime, omne id, in quo tu me reum nosti: humillimè rogans, ut quidquid ex malitia, nequitia et negligentia contra te deliqui, suppleat vis amoris illius cujus plenitudo habitat in eo, qui sedens ad dexteram tuam factus est os ex ossibus meis, et caro de carne mea. Nam per eum in virtute Spiritus sancti cum ea nobilitate compassionis, humilitatis et reverentiæ, sicut dedisti nobis posse, per eundem offero tibi quærimoniam infelicitatum mearum nimium multarum, quibus premor contra tam nobi-

lem divinam bonitatem tuam, quam cogitatu, verbis et factis multimodè impugnavi: offerens et exhibens tibi in suppletionem omnium negligentiarum, et in plenam abolitionem omnium iniquitatum mearum, excellentem illam dilectissimi Filii tui orationem, quam præ mortis angustia sanguinei sudoris sui testimonium reddidit attentam, et innocentia puræ simplicitatis suæ devotam, et ardens amor divinitatis efficacem. Amen.

Oratio ante Confessionem.

DULCISSIMÆ Jesu, qui ex amore salutis humanæ Sacramentum Confessionis ad consolationem omnium peccatorum instituisti; ut ejus virtute ab iniquitatibus nostris emun-

dari, amissamque gratiam tuam recuperare valeamus. Ecce ego miserrimus peccator, qui denuo multipliciter deliqui, animamque meam omnimodis sordibus inquinavi, revertor ad te, atque cum firmissima spe et fiducia remissionis peccatorum meorum hoc tam nobile Sacramentum recipiam, nec non et de omnibus et singulis peccatis, quantum quidem memoriæ meæ occurrere poterunt cum summa humilitate animique contritione coram Sacerdote tuo vices tuas gerente me accusabo: nec ullum peccatum mortale quantumcunque fœdum et turpe scienter reticebo. Illa verò quæ memoriam meam subterfugerunt, sicut et omnia venialia

peccata mea huic sacræ Confessioni inclusa velim, eaque tibi tamquam Pontifici omnium maximo confiteor: atque coram tota cœlesti curia me perfidum, et crimine læsæ Majestatis tuæ reum proclamo. Rogo ergo te, Pater clementissime, digneris eodem miserationis oculo quo Filium tuum in monte Oliveti in faciem suam prostratum totoque corde de omnibus hominum peccatis contritum respexisti, me miserum intueri, totoque cordis affectu veniam petentem exaudire. In suppletionem contritionis meæ, quam ut par est, non habeo, offero tibi vehementem illum dolorem quem Unigenitus tuus toto tempore mortalitatis suæ super omni-

bus mundi peccatis in corde suo dulcissimo semper persensit, maximè cum in monte Olivarum præ ejusdem vehementia sanguinem sudaret: rogans ut in balneo ejusdem sacratissimi cruoris animam meam ab omnibus inquinamentis suis ablueret, atque nivea puritate tua condecoraret. Amen.

Brevis et efficax modus eliciendi contritionem, cujus efficaciam vide in Revel. S. Mecht. l. 4. c. 22.

O dulcis Jesu, doleo de peccatis meis, et quod mihi de vero dolore deficit, digneris supplere pro me: Deoque patri omnem dolorem, quem super meis, totiusque mundi peccatis habuisti offerre. Amen.

**Ingressurus Confessionale ,
dic :**

ECCE Domine, ego vilis, peccator, pauper, malus et indignus venio ad te supereffluentem abyssum pietatis, ut laver ab omni macula, et munder ab omni peccato. Amen.

Post Confessionem dic
Psal. 102.

BENEDIC anima mea Domino, et omnia quæ intra me sunt, nomini sancto ejus.

Benedic anima mea Domino, et noli oblivisci omnes retributiones ejus.

Qui propitiatur omnibus iniquitatibus tuis, qui sanat omnes infirmitates tuas.

Qui redimit de interitu vitam tuam, qui coronat te in misericordia et miserationibus.

Miserator et misericors Dominus, longanimis et multum misericors.

Non secundum peccata nostra fecit nobis, neque secundum iniquitates nostras retribuit nobis.

Quantum distat ortus ab occidente, longe fecit à nobis iniquitates nostras.

Quomodo miseretur Pater filiorum, misertus est Dominus timentibus se, quoniam ipse cognovit figmentum nostrum.

Benedicite Domino omnes Angeli ejus, ministri ejus qui facitis voluntatem ejus.

Benedicite Domino omnia opera ejus, in omni loco dominationis ejus : benedic anima mea Domino.

Gloria Patri, etc.

OREMUS.

OMNIPOTENS et misericors Deus, cujus misericordiæ non est numerus, et bonitatis infinitus est thesaurus; piissimæ Majestati tuæ ex toto cordis ac mentis affectu gratias ago pro exuberantissima bonitate tua, quam ostendisti super me, dum tam clementer peccata mihi indulgisti, et gratiam tuam mihi retribuisti. Benedicta sit divina pietas tua, et benedictus sit incomprehensibilis amor dilecti Filii tui, qui cum induxit hoc tam facile, efficacissimumque remedium, quo à peccatis nostris liberari valeamus, instituere. Unde in unione omnium gratiarum actionum, quæ tibi ab omnibus verè pœni-

tibus habitæ sunt, concino tibi laudes et gratiarum actiones, ex parte omnium cœlestium, terrestrium et infernorum, nunc et in sæcula sæculorum. Amen.

ORATIO

ante pœnitentiam dicenda.

ET quoniam, ô mitis-
sime Deus, multiplicibus peccatis et negligentis meis maximam tibi irrogavi injuriam, ideo etiam paratus sum divinæ justitiæ tuæ perfectam satisfactionem secundum quod vires meæ se extendunt, rependere. Igitur pœnitentiam illam à Confessario, nomine tuo, mihi impositam fideliter summaque cum devotione persolvam. Et utinam tali devotione et amore eandem per-

solvere possem, ut majus tibi beneplacitum et oblectationem causarem, quam tibi per peccata mea injuriæ et contumeliæ irrogavi. Quod ut perficere valeam, ideo unio et immergo hanc meam pœnitentiam in omnia opera satisfactoria, quæ dilectus Filius tuus triginta tribus annis, jejuniis, vigiliis et orationibus perfecit, et in unione omnium illorum, offero tibi hanc orationem et pœnitentiam meam. Respice igitur amantissime Pater super me obligatissimum debitorem tuum sacris pedibus tuis advolutum, irrogatasque tibi injurias reciproco amoris obsequio rependere satagentem: tantamque mihi concede virtutem et gratiam, ut juxta tuum

sanctum beneplacitum hanc orationem perficiam. Amen.

Hic ora pœnitentiam tibi injunctam, eamque sequenti orationi concludere.

SANCTISSIME Pater, in unione omnium pœnitentiarum, quæ unquam pro gloria nominis tui adimpletæ sunt, offero tibi hanc meam confessionem et satisfactionem; rogans, ut eandem per merita passionis dilecti Filii tui, perque intercessionem B. Mariæ Virginis, et omnium SS. Apostolorum, Martyrum, Confessorum, atque Virginum, ratam, mihi salutarem habere et efficere digneris. Et quidquid mihi defuit de sincera præparatione, perfecta contritione, fidei et dilucida confessione, id omne commendo

dulcissimo cordi Unigeniti tui, tamquam bonorum omnium gazophylacio, ex cujus abundantia omne debitum tibi plenè suppletur: ut per idipsum omnes defectus et negligentiae meae in susceptione hujus Sacramenti commissae plenè et perfectè ad aeternam laudem tuam suppleantur: meque tam efficaciter absolvere velis in coelis, sicut minister tuus tua auctoritate me absolvit in terris. Per Dominum nostrum Jesum Christum Filium tuum. Qui tecum, etc.

ORATIO A SACERDOTE

ante administrationem Sacramenti dicenda.

DOMINE Jesu, hoc sacramentum poenitentiae Sacramentum administrare volo in amore

illo superexcellente, quo illud sanctificasti, cum prae vehementissimo salutis nostrae desiderio illud instituisti, et ab Apostolis, eorumque successoribus administrari voluisti, ad laudem Dei Patris, et salutem totius generis humani: rogans, ut in unione amoris tui tam mihi, quam omnibus et singulis, quibus illud ministrabo, cedat in augmentum salutis et beatitudinis aeternae. Spiritus sancti gratia ita illuminet, accendat et conservet sensus meos et cor meum, ut juxta tuum summum beneplacitum junctum ministerium perficere, et ab omni tentationum incursu praemuniri et praeservari merear. In nomine Patris et Filii, etc.

Post Confessionem Oratio.

DOMINE Jesu Christe,
 Fili Dei vivi, sus-
 cipe hoc obsequii mei
 ministerium in amore
 illo superdignissimo,
 quo B. Mariam Mag-
 daleuam, omnesque
 ad te confugientes
 peccatores absolvisti.
 Et quidquid in Sacra-
 menti hujus admini-
 stratione negligenter,

minusque dignè per-
 feci, tu per te supplere
 et satisfacere digneris.
 Omnes et singulos qui
 mihi modo confessi
 sunt, commendo dul-
 cissimo cordi tuo,
 rogans, ut eosdem cu-
 stodias, et à recidivis
 præserve, atque post
 hujus vitæ miseriam
 tecum ad gaudia per-
 ducas æterna. Amen.



PARS DECIMA.

Orationes ante Communionem.

Præparatio ad S. Synaxin.

MITISSIME, suavissime meque Jesu, ego omnium creaturarum indignissimus, sacratissimum corporis et sanguinis tui Sacramentum, ceu præstantissimum contra omnes corporis et animæ meæ misérias remedium suscipere et sumere statui, certò confidens, firmissimeque credens, me per hoc non solum meis provisurum necessitatibus; sed etiam tuæ supremæ Majestati, omnibusque cœlorum incolis summum præstiturum beneplacitum. Verum, ô summa ineffabilisque Majestas, coram qua cœli immundi sunt, universæque cœlorum columnæ contremiscunt, quomodo ego vilissimus terræ vermiculus, ego omnium fœditatum miseriarumque sentina, te totius puritatis fontem in tam immun-dum cor meum suscipere audeo? Quomodo

præsumam te in tale cor introducere, quod undique spinis et tribulis peccatorum consitum, tamque tetto carnalium et mundanorum desideriorum odore refertum est. Quare ô piissime amator meus, erubesco nimis coram te, vererorque nimis, ne magnâ te afficiam contumeliâ si te in tam sordidum, majestatique tuæ tam indignum introducâ cœnaculum. At ô Jesu benignissime, qui ore tuo dixisti, non est opus valentibus medicus, sed malè habentibus, quique cæcos et claudos, pauperes ac debiles ad cœnam tuam invitasti, ecce ego quasi unus ex illis, imo pauperrimus et miserrimus inter omnes illos, non ex præsumptione, sed ex hu-

mili piaque confidentia ad sacratissimam corporis et sanguinis tui cœnam accedam. *Quæ sequuntur sunt ex S. Gertrud. l. 2 et 3.*

De omnibus et singulis peccatis et negligentis meis, quibus dulcissimam benignitatem tuam unquam offendi et contristavi, atque animam meam tam foetentibus sordibus inquinavi, amore tui vehementissimè doleo. O utinam et milles utinam totum mare versum in sanguinem ducere possem per caput meum, ut vel sic mundaretur sentina extremæ vilitatis meæ, quam tu finis meus inexcogitabilis dignitatis inhabitare elegisti. O utinam et millies utinam cor meum extractum à corpore daretur mihi canden-

tibus carbonibus frustratim adeo examinandum, ut decocta ad purum scoria ejus saltem et si non dignam, non tamen tam nimis indignam tibi præbere possem mansionem.

Sed quid valet me multum anxari, cum etiamsi mille anni studio meo relinquerentur, nequaquam tamen me decenter præpararem, cum ex me nihil omnino habere queam, quod aliquo modo valeat ad tam sumptuosam præparationem. Unde amantissime Jesu, in humilitate cordis mei procidens ad terram exoro clementiam tuam, ut me præparare digneris quo ad laudem tuam, et profectum universitatis cælestibus epulis dignè possim participari.

Piissimæ pietati tuæ offero et præbeo totam substantiam meam, desiderans et orans, ut tu ipse tibimet in me præpares quidquid tuam divinam in me summè delectare possit benignitatem. Offero et præbeo tibi, amator prædulcissime, integrâ voluntate totum cor meum, orans, ut abluas illud in virtuosa aqua sanctissimi Lateris tui, et decen-tissime illud exornes in pretioso sanguine dulcissimi cordis tui, ac tibi convenientissimè coaptas in aromatico vapore divini amoris tui. Amen.

AD OMNES SANCTOS.

Ex S. Gertrude l. 3. c. 10.

O vos omnes Sancti et Sanctæ Dei, maxime verò vos dilectissimi patroni mei, ex

intimo cordis affectu saluto et veneror vos. Adoro et benedico immensam bonitatem et dignationem semper venerandæ Trinitatis pro omni gratia, quæ ex ipsius supereffluentia abyssali unquam defluxit in salutem vestram: supplicans omnibus communiter et singulis singulariter, ut quilibet vestrum ad sacrificium fulgidæ semperque tranquillæ Trinitatis in supplementum negligentiarum, et indignitatis meæ offerre dignetur omne studium et præparationem, quâ die Assumptionis vestræ perfectissimè consummati, conspectui gloriæ Domini, stitistis æternis præmiis remunerandi.

Amen.

Ad quod impetrandum dic cum S. Gertrude Psal. Laudate

Dominum omnes gentes.

Ad B. Virginem.

Has tres oratiunculas B. Virgo docuit S. Gertrudem, eam certificans, quod virtute earum S. Trinitatem in sui complacentiam esset inclinatura. l. 4. c. 49.

CASTISSIMA Virgo Maria, rogo te per illam innocentissimam puritatem, quâ Filio Dei in utero tuo virginali placitam mansionem præparasti, ut tuis precibus ab omni macula merear emundari.

Humillima Virgo Maria, rogo te per profundissimam illam humilitatem, quâ super omnes choros Angelorum et Sanctorum meruisti exaltari, ut

tuis precibus suppleantur omnes negligentiae meae.

Amabilissima Virgo Maria, deprecor te per amorem illum inestimabilem, qui te inseparabiliter Deo conglutinavit, ut tuis precibus praestetur mihi copia diversorum meritorum. Amen.

Ad Christum.

Cum B. Gertrudis communicatura hanc oratiunculam orasset, et investigare niteretur, quid per eam lucrata esset, Dominus respondit: Hoc lucrata es, quod jam verè omnibus cœlicolis appares in eo ornatu quem tibi potisti. l. 3. c. 34.

AMANTISSIME Domine Jesu, per amorem dulcissimi cordis tui deprecor, ut tu ipse pro me offerre digneris

perfectionem illam, quâ in horâ Ascensionis tuæ paratus astitisti Deo Patri ad suscipiendam glorificationem: sordidamque animam meam per tuam innocentissimam humanitatem reddere puram et ab omni peccato immaculatam: et per excellentissimam divinitatem tuam omnigena virtute ditatam et ornatam: nec non per virtutem amoris illius, qui summam divinitatem conjunxit cum immaculata tua humanitate, eam omnibus donis tuis convenientissime adoptare digneris. Amen. lib. 5. cap. 29.

Oratio ante Communionem.

Brevi accessurus sequere consilium Christi, S. Mechtildi propositum, dicentis: Cum communicatura es, suscipe me tali

intentione, ac si omne desiderium et amorem, quo unquam humanum cor accensum fuit, haberes. Atque hunc amorem suscipiam in te, non qualis in te est, sed quasi talis ac tantus esset, qualem tu esse desideras. l. 3. c. 23.

O Jesu millies desideratissime, ecce nunc appropinquat hora, hora inquam illa felicissima, quâ te Deum meum in animam meam suscepturus sum. Ecce Jesu mi amabilissime cum summâ quâ possum devotione et reverentia venio ad te, et vado in occursum tui. Extende igitur sacratissimas manus tuas ad amplexandam animam meam, sicut easdem perforatas manus tuas inter maximos mortis dolores ad am-

plexandos omnes peccatores extendisti. Ego, ô mi Jesu crucifixe, non solum manus meas, verum et cor et animam meam ad te amplexandum, et in cordis mei penetrabile introducendum extendo. O utinam talem ac tantam devotionem, talem ac tantum amorem, talem ac tantam munditiem, quâ ullum unquam humanum cor ornatum fuit, in me haberem! O utinam et millies utinam omni virtute, omni desiderio, omni que devotione repletus essem! O utinam et millies utinam omnium Angelorum puritatem, omnium Apostolorum charitatem, omnium Confessorum sanctitatem, omnium Virginum haberem puritatem et munditiem! O utinam

et millies utinam tali devotione, reverentia et amore te possem suscipere, sicut beatissima Mater te in tua incarnatione, et postmodum in Sacramento suscepit. O utinam et millies utinam tuum sacratissimum ac divinissimum cor haberem, ut te ipsum in illud ipsum tali, quo dignus es, modo suscipere possem.

Offero tibi, Jesu dulcissime in condignam præparationem animæ meæ, et in suppletionem omnis indignitatis, omniumque negligentiarum mearum, universas præparationes, devotiones, affectus et amores, quos omnes Sancti tui, maximè verò beatissima Mater tua te in hoc Sacramento susceperunt. Offero ti-

bi, Jesu sacratissime, tuum superdignissimum cor, omnesque supercœlestes virtutes et gratias, quas beatissima Trinitas in idipsum superabundantissimè contulit, ut iisdem abyssalis illa vilitas et indignitas mea contegatur, tibi que in anima mea dignissimum, placidissimumque habitaculum præparetur.

Invitatio Jesu.

O Jesu superdulcissime me, qui ipsemet dixisti, delitias tuas esse cum filiis hominum, te desiderat anima mea, te affectat cor meum. Invito te igitur tali devotione et amore, quali ulla unquam amantissima anima te ad se invitavit. Veni ergo dilectissime Sponse animæ meæ, veni dilectissime amor ani-

mæ meæ, et diverte
in pauperculum diver-
sorium cordis mei.
Veni cœlestis Medice,
veni et sana infirmam
animam meam: veni
amice millies dilectis-
sime, et dita extremam
paupertatem meam.

Veni Sol amabilissi-
me, et illumina den-
sissimas tenebras ani-
mæ meæ. Veni manna
suavissimum et satura
nimiam esuriem me-
am. Veni Jesu dilecta-
bilissime, veni dilecte
votorum meorum, veni
et cæna mecum in vili
cænaculo cordis mei.
Et licet nihil quod di-
vinam tuam possit
condecere magnificen-
tiam, præparaverim;
invenies tamen inte-
gram patinam bonâ
voluntate, summoque
in te affectu refertissi-
mam.

O unice amor meus,

summo tui teneor de-
siderio, summoque te
præstolor amore. O
speciosissime inter fi-
lios hominum, ô fons
supereffluentis dulce-
dinis, ô suavissima
suavitas omnis delec-
tationis! ah veni ad
me, et ne spernas
pauperculum servum
tuum.

*Illic cum S. Gertrude
t. 4. c. 23. oculos
imaginem Christi,
dic:*

O Jesu amantissime,
ex intimo cordis affec-
tu te deosculans: rogo
cum affectu omnium
orationum, quæ un-
quam de corde tuo
dulcissimo profluxe-
runt, ut ad hospitio-
lum cordis mei dig-
neris declinare.

*Jamjam accessurus
dic quod Christus S.
Gertrudem. l. 3. c. 28.
docuit.*

Ecce Domine , ego vilis peccator, pauper, malus et indignus venio ad te supereffluentem abyssum pietatis, ut laver ab omni macula, et replear omni gratia.

Sequentia verba dicum magno affectu, quo Christus dixit S. Gertrudi lib. 2. c. 19. quod qui tali intentione ad Communionem accederet, nunquam irreverenter accedere posset.

Et licet sciam me extremè indignissimum, imo execrandum et abominandum peccatorem, de ineffabili tamen pietate tua confisus, eo modo et intentione ad hanc sacratissimam corporis et sanguinis tui participationem accedo, ut amore amoris et gloriæ tuæ parvipendam (eti-

am si possibile esset) quod magnam damnationem mihi in Sacramento sumerem, ut tantummodo divina pietas tua magis clarescat per hoc, quod te tam indigno non de dignaris communicare.

Dum sedes in scamno communicantium, indesinenter aspira ad dilectum tuum, dicens:

Veni bone Jesu, veni Sponse animæ meæ; et in illo amore, quo intrasti in uterum virginis, intra in pauper-culum cor meum, etc.

Post Communionem.

O bone Jesu, ô dulcis Jesu, ô amabilissime Jesu, ô Jesu unica salus et consolatio mea. Et unde mihi hoc, quod venias ad me, atque in immundissimum cor meum nimis sordibus et peccatis

inquinatum intrare non refugias. Benedictus sit adventus tuus, et benedicta sit dulcedo amoris tui quæ te induxit me pauperculum visitare. Cum summa humilitate profundissimaque reverentia procidens, sacratissimosque pedes tuos exosculans adoro te, humillime rogans, ut ignoscas mihi, quod cum tanta negligentia, distractione et indevotione (*Sacerdos addat*: sacro altari tuo astiti, tam irreverenter te tractavi, tamque indignè) te Dominum meum suscepi. Ignosce mihi Jesu benignissime, et per saluberrimam mortem tuam dele iniquitatem hanc maximam, et quidquid per me neglexi, tu per te supplere dignare. Obsecro igitur, digne-

ris hanc meam Communionem (hoc meum sacrificium) in cor tuum suscipere, atque in illo amore et virtute, quâ teipsum in cruce obtulisti, Deo Patri offerre.

Et nunc, ô bone Jesu, offero et præbeo tibi indignissimum cor meum, orans, ut abluas illud pretiosissimâ illâ aquâ, quam divinus amon ex nobilissima rosa dulcissimi cordis tui in fornace amoris eduxit: illudque aspergas et confortes suavissimo illo vino sacratissimi sanguinis tui quod torcular crucis è botro divini pectoris tui expressit. Amon.

OBLATIO AD PATREM,
Cujus efficaciam verbis vix
exprimes.

SANCTISSIME Pater, ecce
ego indignissimus

famulus tuus confidens de tua ineffabili pietate, suscepi dilectum Filium tuum Dominum nostrum Jesum Christum, eumque in pectore meo tanquam rem meam mihiq̃e conjunctam adhucdum contineo. Illum ergo Filium tuum in modum justī Simeonis in ulnas meas suscipiens, offero tibi tali affectu et intentione, quali semetipsum ad laudem tuam obtulit jacens in præsepio, et pendens in cruce. Respice pie Pater ad hanc oblationem. quam ego indignus famulus tuus offero tibi Deo meo vivo et vero ad æternam laudem et gloriam, infinitumque beneplacitum tuum.

Offero tibi eundem pro me, et pro omnibus iis, pro quibus soleo et teneor orare : in gratiarum actionem omnium beneficiorum nobis collatorum, in suppletionem omnium virtutum, bonorumque operum, in quibus ex mera negligentia nos exercere negleximus. Ad impetrandam gratiam et misericordiam tuam, quæ nos amalis et peccatis præservet et eruat, in omni corporis et animæ necessitate assistat, et per felicem obitum ad gaudia perducatur æterna. Demum offero tibi illum ipsum pro remissione peccatorum meorum, et satisfactione pœnarum quorum multitudo ultra decem millia talenta excrevit, pro quibus exsolvendis cum longè sim impar, ideo humiliter tibi pro-cidens, confiteor tibi

Pater benignissime , in amaritudine passionis innocentissimi Filii tui (in quo tibi summè complacere testatus es) et per ipsum exhibeo tibi emendationem et satisfactionem pro peccatis meis , offerens tibi pœnas et lachrymas ejusdem , omnemque satisfactionem , quâ ipse in cruce universa mundi peccata expiavit.

MEMENTO etiam Domine famulorum , famularumque tuarum , qui nos præceserunt cum signo fidei , et dormierunt in somno pacis , pro quibus omnibus et singulis , (*maximè pro NN.*) offero tibi salutarem hostiam corporis et sanguinis Filii tui quam modo suscepi : rogans , ut per ejusdem infinitum valorem ,

perque me vita omnium Sanctorum peccata eorum condones , et à pœnis eos clementer absolvas. Amen.

Oblatio ad Sanctos.

Quod quantæ sit efficaciae collige ex eo , quod cum B. Gertrudis in honorem SS. Angelorum hoc SS. Sacramentum obtulisset , vidit , quod illi BB. Spiritus tam ineffabilia delectamenta ex ipso perceperant , quod si antea nullam beatitudinem habuissent , satis copiosè viderentur ex his lætari , et gratiosè omnibus delitiis abundare. l. 4. c. 55.

BEATISSIMA Virgo Maria , ecce Filium tuum , quem immaculato utero tuo concepisti , genuisti , lactasti , atque suavissimis amplexibus strinxisti.

Ecce cujus affectu lætabaris et omnibus delitiis replebaris, illum ipsum, quem ex inestimabili divinæ bonitatis dignatione hodie dono datum in corpus et animam meam suscepi, tibi humiliter et amanter repræsentō, et offero tuis brachiis constringendum, tuo ore exosculandum, tuo corde amandum, et unā mecum, imo pro me adorandum: nec non et SS. Trinitati in supremum latriæ cultum, pro meis totiusque mundi necessitatibus offerendum: ut quod meis meritis non præsumo, tuæ prærogativæ dignitatis in hac oblatione suppleatur.

O vos omnes Sancti et Sanctæ Dei, maxime verò vos dilectissimi Patroni mei, ecce

Dominum et Sponsum vestrum Jesum Christum, quem viventes in carne totā mente dilexistis, vos omnes et singulos saluto per eum, quem modò in Sacramento suscepi, et in singulare augmentum gaudii, gloriæ ac beatitudinis vestræ offero vobis eum cum omni amore et fidelitate, quam in tempore vobis exhibuit, et modo in æternitate incessanter exhibet: orans, ut eundem pro me adoretis et colatis, atque SS. Trinitati pro meis totiusque Ecclesiæ necessitatibus, proque gratiarum actione omnium beneficiorum mihi collatorum summa devotione offeratis. Et quidquid per me impetrare nequeo, vestris meritis et pre-

cibus impetrare mere-
ar. Amen.

GRATIARUM ACTIO.

COR meum et anima
mea, cum totâ sub-
stantia carnis meæ,
omnibusque sensibus
et viribus corporis et
spiritus mei, cum uni-
versitate totius creatu-
ræ laudes et gratiarum
actiones dicant tibi,
dulcissime Jesu, fide-
lissime amator huma-
næ salutis, pro dig-
nantissima misericor-
dia tua, quam mihi
servorum tuorum in-
dignissimo in sacratis-
simo corporis et san-
guinis tui convivio
exhibuisti. O dulcissi-
me Deus, licet omnia
et singula momenta
vitæ meæ non nisi
continuae gratiarum
actiones essent, non
tamen responderem
tibi unum pro mille.

Ideo insufficientiam
meam agnoscens offero
tibi ô B. Trinitas om-
nes illas laudes et gra-
tiarum actiones, quas
sacratissima humani-
tas Domini nostri Jesu
Christi toto tempore
vitæ suæ, maximè cum
hoc Sacramentum in-
stituit, tibi persolvit.
Suscipe, ô pie Pater,
et illas, quas tibi offe-
ro, gratiarum actiones,
quas B. V. Maria,
omnesque Sancti et
Sanctæ Dei tibi un-
quam, maximè cum
hoc Sacramentum sus-
ceperunt, toto cordis
ac mentis affectu per-
solverunt: et concede
propitius, ut omnis
mea insufficientia et
negligentia, eorum
abundantia et perfec-
tione suppleatur.

Amen.

—

CONCLUSIO

longè efficacissima,
Ex S. Gert. l. 5. c. ult.

Hoc igitur SS. Sacramentum, ô Christe Jesu, quod ex intimis tui amorosi cordis produxit efficax dulcor tuæ investigabilis divinitatis, quodque mihi tam benigne modò communicasti, offero tibi ex affectu totius universitatis, in unione illius excellentissimæ charitatis, quâ tu altissimi Patris unigenitus omnem influxum divinitatis, qui in tuam deificatam humanitatem descendit, cum plena gratitudine offerens refudisti in abyssum originis tuæ. Orans cum desiderio et affectu omnium creaturarum, ut ipsum tibi intrahas per affectum suavissimi spiritus tui in laudem æter-

nam, immensam et incommutabilem, quam inscrutabilis sapientia tua altissimè cognoscit superexcellentem Dei Patris omnipotentiam condecere, ac inæstimabiliter suavissimam Spiritus sancti benevolentiam oblectare. Nec non et in plenè sufficientem gratiarum actionem omnis boni et gratiæ, quam per idipsum operatus es, et in æternum operaberis in corde et anima ipsum recipientis. Item et in dignam emendationem omnium in quibus negligentius studium, præparatio et devotio mea omisit idipsum digne suscipere. Et demum in summam gratiarum actionem, quod incomprehensibilis bonitas tua, me extremæ vilitatis vermiculum ad-

mittere dignata est ad regale convivium cœlestium deliciarum tuarum. Pro quo cum in nullo parvitas mea tibi respondere possit, offero tibi cor tuum dulcissimum ac unicè dignissimum in ea dignitate, quâ plenum est divinâ gratitudine, ac omnimodæ beatitudinis perfectione superexcellens in perpetuum. Amen.

TRES ORATIONES

Pro lucrandis Indulgentiis.

Si lucrandæ sint indulgentiæ, non sufficit confessio et communio, sed insuper necesse est, ut illam Ecclesiam, in qua sunt indulgentiæ, visites, ibique pro felici statu S. Rom. Ecclesiæ, etc. exores: quod his 3. vel aliis similibus Orationibus facere poteris.

Oratio prima pro Ecclesia.

BENIGNISSIME Domine Jesu Christe, qui sanctam Ecclesiam tuam in sponsam elegisti, eamque tanto dilexisti amore, quod vitam et sanguinem tuum pro ea perfuderis: rogamus clementiam tuam ut eamdem pacificare, custodire, adunare, et regere digneris toto orbe terrarum. Aspice, Jesu clementissime, quam pertinaciter ab hostibus suis oppugnetur. Aspice quam violenta rabie portæ inferi adversus eam consurgant. Ne quæso permittas, ut adversus eam prævaleant: sed defende et conserva eam in magnitudine brachii tui. Intuere etiam, Jesu piissime, quanta negligentia et indecore divina tua officia pera-

gantur, quam sacer rum, quæ fraude ser-
cultus tuus jaceat pentis antiqui, et de-
quamque exigua scien- ceptione Hæreticorum
tia Dei sit in terra. in profundas errorum
Mitte igitur ferventes tenebras inciderunt.
et indefessos operarios O misericordissime Je-
in messem tuam, qui su, estne possibile,
eam excolant, promo- quod miseras illas ani-
veant, et in horrea tua mas, pretiosissimo
congregent. Concede sanguine tuo redemp-
etiam universis fideli- tas, à satana decipi,
bus tuis, ut Ecclesiæ ejusque potestati sub-
tuæ sanctæ obediant, di patiaris. Estne pos-
ejusque præcepta ser- sibile, quod indies tot
vent, et in omni bono miserandas animas,
de die in diem, ad defectu veræ fidei in
majorem tui nominis abyssum inferni detru-
gloriam proficiant. di permittas. Recor-

Pater noster. Ave
Maria.

ORATIO SECUNDA,

Pro extirpatione Hæresum.

PIENTISSIME Domine
Jesu Christe, verum
lumen, ad illuminatio-
nem gentium, obse-
cramus clementiam
tuam, ut respicias su-
per interitu tot anima-
rum, quæ fraude ser-
pentis antiqui, et de-
ceptione Hæreticorum
in profundas errorum
tenebras inciderunt.
O misericordissime Je-
su, estne possibile,
quod miseras illas ani-
mas, pretiosissimo
sanguine tuo redemp-
tas, à satana decipi,
ejusque potestati sub-
di patiaris. Estne pos-
sibile, quod indies tot
miserandas animas,
defectu veræ fidei in
abyssum inferni detru-
di permittas. Recor-
dare, ô Christe Jesu,
quot laboriosa itinera
pro salute earum sus-
ceperis, quotque vul-
nera et plagas in re-
demptione earum ac-
ceperis. Rogamus igi-
tur per virtutem ama-
rissimæ Passionis et
mortis tuæ, ut exe-
crandas illas Hæreses
funditus extinguere,

atque indurata Hæreticorum corda ad veram fidem convertere digneris. Amen.

Pater noster. Ave Maria.

ORATIO TERTIA.

Pro concordia Principum.

DULCISSIME Jesu, auctor et amator unitatis et pacis, rogamus clementiam tuam, ut omnibus Principibus Christianis pacem et veram concordiam donare digneris, ut Ecclesia tua tranquillâ semper devotione lætetur. Recordare, Jesu pie, quam multus innoxius sanguis per continuam bellorum tempestatem effundatur. Aspice, quam multi in extremas corporis et animi angustias dejiciantur. Ah, Jesu amantissime, qui pacem semper summè

amasti, eamque discipulis tuis toties apprecatus es: rogamus te per ineffabilem cordis tui amorem, ut Reges et Principes Christianos pacificare, et arc-tissimo concordiae vinculo colligare digneris: ut plebs tua in quiete et pace gubernari, inque tuo sancto servitio confortari et conservari mereatur. Quod nobis præstare digneris per infinitam misericordiam et bonitatem tuam. Amen.

Pater noster. Ave Maria.

Ad hanc intentionem etiam utiliter dici possunt Litanie omnium Sanctorum cum suis precibus, vel unum Rosarium, etc.

Preparatio sacerdotis ad Altare accessuri.

O summa et adoranda Trinitas, ego licet

omnium peccatorum qua ullus unquam maximus, attamen per Sacerdos idipsum obtulit, ad altare tuum gratiam tuam ad sacerdotale munus vocatus, ad sacrosancta accedam, atque tremendum hoc sacrificium, unâ cum omnibus totius mundi sacrificiis offeram.

Igitur super altare tuum, sanctissime Pater, pono et offero omnia merita, virtutes et bona opera, quæ Unigenitus tuus toto tempore vitæ suæ peregit, maximè verò sanctissimam ejus passionem, crucem et mortem, humanitatem et divinitatem suam, et in unione horum offero tibi omnia merita B. Mariæ matris suæ omniumque Sanctorum: omnia vulnera et dolores SS. Martyrum: omnes mortificationes et austeritates Confessorum, omnem continentiam et amorem

Virginum : omnes tribulationes et gemitus afflictorum , omnes miserias et indigentias pauperum , et demum totum thesaurum S. Matris Ecclesiæ. Cui specialiter addo omnia dicta, facta et cogitata, quæ ego , meique speciales amici pro honore tuo unquam fecimus , omnemque adversitatem , quam propter te sustinuimus. Et utinam omnia opera nostra talia fuissent , ut tibi offerri et præsentari potuissent : sed qualia sunt , tu ea dignanter accipe.

Et hæc omnia bona opera atque passionēs , huic sacrificio unitas, offero tibi sanctissime Pater , per unigenitum Filium tuum , in virtute Spiritus sancti, nomine meo , omniumque amicorum meorum , atque totius sanctæ Ecclesiæ ad summam æternæ Majestatis tuæ gloriam , cultum et adorationem tibi supremo rerum omnium Domino debitam : In veram et condignam gratiarum actionem pro omnibus inexhaustæ bonitatis tuæ divitiis, quas humanitati Domini nostri Jesu Christi, beatissimæ Virgini Mariæ, omnibusque Sanctis in cœlo , ac creaturis in toto hoc mundo, maximè verò mihi, meisque specialibus amicis in corpore et anima unquam contulisti. In plenam abolitionem omnis injuriæ ab omnibus peccatoribus, quorum ego pessimus sum , tibi irrogatæ : ac demum in tuum summum beneplacitum , gaudium et

oblectationem, quam ex hoc tam grato tibi sacrificio semper percipis.

Deinde illud tibi offero in singulare augmentum gaudii et gloriæ Humanitatis Domini nostri Jesu Christi: In memoriam et reverentiam SS. ejus Incarnationis, Nativitatis, Vitæ, Passionis et mortis ejus: In memoriam et honorem omnium suspiriorum, lacrymarum, vulnerum, dolorum guttarumque sanguinis pro nobis effusarum. Atque in speciale augmentum beatitudinis B. Virginis Mariæ, omniumque Sanctorum et Sanctarum, maximè verò SS. NN.

Tertio offero tibi illud pro S. Matre Ecclesia, omnibusque ejus membris et filiis,

rogans per infinitam hujus sacrificii virtutem, ut eam custodire, dilatare, et in omni bono perficere velis. Item in satisfactionem et expiationem omnium peccatorum totius mundi; maximè eorum, quæ, eheu, ego specialesque amici mei commisimus.

Demum quanta possum virtute et efficacia, offero tibi illud pro me indignissimo famulo tuo nec non et pro Parentibus, Fratribus, Sororibus, consanguineis, et benefactoribus meis: pro omnibus afflictis, infirmis, egenis, et in quacumque tribulatione constitutis; ac pro omnibus, pro quibus Filius tuus seipsum immolavit, et adhuc immolari desiderat. Et demum pro omni-

bus in purgatorio detentis, maximè pro NN. et pro quibus meis obligatum.

Ecce Domine, quia me voluisti fungi Sacerdotio, pro his omnibus legatione fungor apud te, omnes isti expectant elevationem manuum mearum, oblationem sacrificii hujus. Pro his omnibus accedam ad Altare tuum, portans iniquitates et misérias tam meas, quam omnium illorum, quas tibi in spiritu humilitatis et in animo contrito offeram, et ante oculos tuos statuam; ut virtute hujus Sacrificii peccata nostra aboleantur, et miseriæ nostræ adjuventur.

Verum, ô Domine, quomodo pro peccatis alienis intercedam, qui de propriis non

sum securus? Quomodo pro aliis misericordiam implorabo, qui ob perditam vitam, et depravatos mores meos me omni tuâ gratiâ et misericordiâ indignum feci? Igitur in amaritudine passionis tuæ moveo querimoniam, dolens et pœnitens de omnibus modis, quibus gratiæ tuæ obicem posui, spiritum tuum in me extinxi, tamque multiplicibus peccatis et negligentis meis te offendi. Super quibus ascendat ad te gemitus cordis mei, et suscipe quam tibi offero querimoniam infelicitatum et pravitatum mearum nimis multarum. Dele, piissime Jesu, omnia peccata mea (de quibus vehementer doleo) in illo amore, quo totius mundi peccata lavisti.

Riga aridam animam meam lacrymis quas fudisti, unge eam myrrha dolorum quos sustinuisti: et purifica eam pretiosissimo sanguine tuo, quem tam copiosè effudisti. Emitte manum tuam de alto, et corrobora ac dignifica me in hac hora ad sacrificium ritè celebrandum. Spiritus S. superveniat in me, et virtus altissimi obumbret mihi, ut citra damnationem assistere merear metuendo Altari tuo: teque agnum Dei immaculatum mundo corde et immaculatis manibus tractem, offeram et immolem in laudem tuam æternam, et ad salutem totius universitatis. Amen.

Si tempus supersit, adde adhuc illas orationes, quæ habentur

ante Communionem: incipiendo ab illa quæ est ad omnes Sanctos supra pag. 313.

Post Sacrificium utere illis Orationibus, quæ habentur post Communionem, quia tam pro celebrante, quàm communicante sunt applicabiles.

Testamentum animæ.

Testamentum hoc ex Revel. nostris desumptum est quasi quinta essentia omnium Orationum, quæ in hoc libro continentur: est quæ efficacissimum ad frangendos incursus inimici in morte nostra attentatos: unde optimè faceres, si saltem quater in anno illud conderes. Cùm verò infirmaris, omnideotione illud perlegas, aut si orare nequis, tibi prælegi facias, tuque ad singulos articulos responde his verbis:

Quinimo: hæc est mea voluntas et desiderium.

In nomine SS. Trinitatis. Amen.

QUONIAM ego miserimus peccator de morte mea certissimus, at de horâ ejus incertissimus sum: hinc modò, dum mihi adhuc optimè præsens sum, coram te ô beatissima Trinitas, atque coram tota cœlesti curia, ultimam voluntatem meam, qualiter vivere et mori cupiam, declarabo: super qua, ne unquam immutari queat, Testamentum hoc, quod usque in æternum sit irrefragabile, condam et erigam. Tu igitur sanctissime Pater, oculis pietatis tuæ intueri super me indignissimum famulum tuum, sicut intuitus es unigenitum tuum in monte

Olivetî coram te prostratum, et de omnibus meritis suis, Ecclesiæ suæ legandis, disponentem. Et sicut orationem ejusdem Filii tui summo beneplacito suscepisti, ita etiam ultimam hanc meam voluntatem ratam, rationabilem, acceptabilemque facere et habere digneris. Est autem hæc:

Primò, in optima forma, modoque, efficacissimo, lego, ascribo et integrè trado tibi, ô beatissima Trinitas, corpus meum, et animam meam, omniaque opera mea, quæ per illa toto vitæ meæ decursu operatus sum. Atque summas et immortales ago tibi gratias, quod me creaturam rationabilem creaveris, sacro Baptismate regeneraveris, aliisque

Sacramentis sanctificaveris, et infinitis bonis in corpore et anima, in particulari et universali affeceris. Propter quæ fateor, quod tu solus potestatem in me habcas, quodque te solum et nullum alium extra te Dominum agnoscam.

Secundo, omnia bona, omnesque gratias tam spirituales quam corporales, quas unquam à te accepi, illas omnes tibi Domino Deo meo soli ascribo: fateorque quod ex abyssali tua benignitate, atque Sanctorum tuorum intercessione millecuplò plus boni mihi præstiteris, quam de te promeritus sim. quodque tam in corpore quam in anima, tam in prosperis quam adversis, tam congruentissimo modo mihi provideris,

quod hoc nulla potentia, sapientia, aut bonitas extra te prævaluisset, de quo maximas, quas possum in æternum tibi decantabo laudes et gratias.

Veram fidem, quam in Baptismo accepi, omnesque ac singulos ejusdem articulos firmiter credo atque profiteor tali modo ac formà, quali sancta Catholica Ecclesia eodem credit atque profitetur: paratissimusque invenirer potius vitam et sanguinem, quam vel unicum veræ fidei articulum abnegare. Et si fortè in morte mea diabolico instinctu quidquam hunc sacræ fidei contrarium cogitarem, dicerem aut facerem, id modo omninò irritum atque invalidum. Quod ne fiat, commendo

eamdem tuæ omnipotentiae, sapientiae atque bonitati, Deus meus, ut in hora mortis meae integra atque perfecta inveniatur.

Omnia et singula peccata à juventute mea usque in hanc horam, quomodocunque aut qualitercunque perpetrata detestor et abominor, de iisque ex mero tui, ô pietissime Deus meus, amore vehementissime doleo, milliesque plus dolere desidero. Et in suppletionem doloris illius, qui mihi deest, offero tibi contritionem illam, quam Unigenitus tuus pro totius mundi peccatis habuit. Et ut pro gravissimis à me tibi irrogatis injuriis saltem aliquammodo tibi satisfaciam, offero et exhibeo me paratum,

quamcunque de me vindictam sumere volueris, libentissimè sustinere.

Quoniam vero omnis mea satisfactio longissimè insufficiens est, hinc ad abundantissimos Jesu Christi meritum thesauros confugio, offerens tibi omnem ejus passionem, quam ab instanti conceptionis suae pertulit, usque in illam horam, quâ in Cruce inclinato capite spiritum tradidit. Atque in ejusdem sacratissima vulnera immergo et abscondo omnia mea peccata et negligentias: rogans, ut pretiosissimo ejus sanguine omnes maculas meas eluere, igneque charitatis ejus conflagrare digneris.

Ab omnibus et singulis, quos verbo aut facto unquam contri-

stavi, humilimè veniam deprecor: paratumque me offero omne damnum honoris atque bonorum illis juxta mensuram justitiæ compensare. Omnibus autem qui me, unquam verbo aut facto offenderunt, ex animo remitto omnem injuriam et vindictam, sicut Christus in cruce inimicis et crucifixoribus suis ignovit, pro iisque Patrem suum exoravit.

Agnosco et profiteor me per propria merita cælum adipisci non posse; unde nec in iisdem, sed in meritis atque passione dilecti Filii tui, Sanctorumque patrociniis confido. Quibus tam firmiter innitor, quod nequam mihi imaginari queam, licet milles plus te offendissem, me æternaliter peritu-

rum. Utpote cùm sciam misericordiam tuam in infinitum transcendere, passionemque Filii tui sine mensura præponderare omnibus peccatis meis.

Meipsum totum cum omnibus, quæ sum et possum integerrimè committo et resigno tuæ SS. voluntati, orans et optans, ut illa de me, per me et circa me perfectissimo modo adimpleatur, Non cupio unicâ horâ diutius vivere, quam tibi placeat: non cupio hâc vel illâ morte vel infirmitate hinc discedere, sed solummodò illâ quam tu mihi immiseris: Imo si mihi liberum esset adhuc mille annis in omnibus delitiis vivere, malim tamen, si voluntati tuæ conforme esset, hac horâ decedere,

quam præter eandem vel unico momento vivere.

Amo te Deus meus, amor meus, et in æternum te amare cupio, quia propter summam perfectionem et magnificentiam omni amore dignissimus es. Et utinam millies plus te amare possem. Imò si omnium hominum et Angelorum corda et affectus haberem, libentissimè illa in tui amorem couerterem. Quoniam verò, ut par est, te amare nequeo: hinc rogo, ut temetipsum pro me tali amore, quali dignus es, amare velis.

Demum protestor, quod ut verus Catholicus mori, atque sacratissimis Confessionis, Communionis et extremæ Unctionis Sacramentis communiri de-

siderem. Cupio etiam et exopto omnium Missarum, Orationum, et Suffragiorum, quæ usque ad diem Judicii fient, particeps fieri. Imo si esset penes me, ordinarem ut omni die, super omni altari, et ab omnibus Sacerdotibus pro me defuncto Sacrificium Missæ usque ad finem mundi offerretur. Quod quoniam in opus deducere nequeo, hinc rogo te, ô Christe Jesu, ut temetipsum pro me Patri tuo offeras in holocaustum et jube sacrificium pro peccatis meis innumeris. Insuper rogo, ut animæ meæ in extremâ suæ angustia unicum, tristissimam, et in agone constituti cordis tui suspirium donare, unicamque sanguinis tui guttulam in salutem

provenire concedas.
Amen.

Obsignatio Testamenti.

NUNC igitur, ô beatissima Trinitas, coram te atque totâ cœli curia profiteor atque protestor, id omne, quod in hoc Testamento continetur, esse ultimam, sinceramque meam voluntatem atque sententiam, juxta quam vivere atque mori desiderem. Cupioque quod hoc meum Testamentum nullo modo irritari aut infringi debeat; sed tam ante, quam in, et post mortem meam in suo robore et valore permaneat. Et casu quo contingeret me idipsum unquam revocaturum, hisce protestor revocationem illam nullam et invalidam censeri debere.

Quare deprecor te, Jesu benignissime, ut super hac ultima voluntate mea publicum Instrumentum erigere, illudque sacratissimi nominis tui subscriptione confirmare, atque impressione quinque vulnerum tuorum ut sigillis consignare digneris. Similiter deprecor et te, ô beatissima Virgo Maria, atque te, ô beatissime Joannes Evangelista, tamquam regni æterni Archicellarium, nec non et te, ô B. N. mi dilectissime Patrone, tanquam imperialis cœlestis Cameræ Assessorem, ut hujus ultimæ voluntatis meæ testes esse, eique nomina vestra subscribere, illamque in Archivio SS. Trinitatis recondere velitis, ut omni tempore et occurrente

causa eidem exhiberi sit, ad quem secundum
 possit. Cujus copiam corpus et animam per-
 in hoc libello descrip- tineam, quomodoque
 tam semper asservabo, vivere et mori cupiam.
 propriique nominis Ita testor,
 subscriptione commu- Indignus Dei famulus
 niam: ut coram Deo manu propria.
 et hominibus notum

INDEX.

PARTE PRIMA.

Preces Matutinæ	1
Pactum cum Deo	4
Oratio ante Horas Canon.	7
Cum ex Ecclesia iturus es	10
Ante prandium et laborem	12
Preces vespertinæ.	13

PARTE SECUNDA.

Orationes sub Missa	17
Adoratio SS. Sacramenti	30

PARTE TERTIA.

Quinque Cantica de SS. Trinitate.	33
Laudis divinæ jubilatio, etc.	40
Gratulatio.	43
Gratiarum actio.	45
Professio beneficiorum Dei.	46
Professio Fidei	47
Fiducia in Deum	48
Amor Dei.	51
Holocaustum.	54
Resignatio	57

PARTE QUARTA.

Corolla gemmea.	59
Blanditiæ Jesu.	63
Oratio ad nomen Jesu.	64
Petitio ad Jesum	65
Suspiria ad Jesum.	67
Oblatio meritorum Jesu	67
Laus Jesu per Alleluia	68
Salutatio Jesu	70-71
Salutatio cordis Jesu.	72
Litanie Nominis Jesu.	74

PARTE QUINTA.

Decem Orationes ad Christum passum.	77
Quinque Oblationes Pass. Christi	82
Hostia pro peccato.	87
Suspirium Christo compatiens.	91
Oratio ad Christum passum.	94
Salutatio omnium membrorum Christi	97
Tres gratiarum actiones ad Christum in Cruce.	99
Laus Christi in Passione contempti.	100
Blanditiæ Christi blasphemati	101
Salutatio vulneris lateris.	103
Oratio ad vulnus humeri.	103
Litanie de Passione	104

PARTE SEXTA.

Officium B. Virginis	108
Suppletio laudis B. Virg.	112
Cœlicum Ave	114
Aureum Ave.	115
Jubilus Marianus	116
Quinque gaudia B. Virginis.	117

Ad Ecce Ancilla.	118
Oblatio cordis Jesu ad B. Virginem.	118
Oratio S. Edmundi.	119
Suspiria peccatoris ad Mariam.	121
Invitatio B. Mariæ Virginis ad suum obitum.	123
Tria Ave pro felici morte.	124
Gladii doloris, qui cor B. Virginis in Passio- ne Filii sui pertransierunt.	125
Litanie de B. Virgine.	129

PARTE SEPTIMA.

Orationes de Sanctis.	133
Instructio valde utilis quomodo sancti co- lendi sint.	133
Ad S. Michaellem Archangelum.	135
Ad Angelum Custodem.	136
Ad S. Joannem Evangelistam.	136
Ad S. Benedictum.	137
Ad S. Annam	138
Ad S. Mariam Magdalenam	138
Petitio ad Christum per merita B. Gertrudis obtinenda.	139
Ad B. Gertrudem in tentatione	140
Gratiarum actio pro gratiis S. Mechtildi collatis	141
Oratio ad quemcumque Martyrem	142
Ad quemlibet Confessorem	143
Ad quamcumque Virginem et Martyrem	144
Ad quamcumque Virginem	145
Ad sanctum vel sanctam, cujus festum cele- bratur.	146
Invocatio omnium sanctorum	147
Litanie de omnibus Sanctis.	148

PARTE OCTAVA.

Orationes pro diversis necessitatibus.	151
Osculatio quinque Vulnerum pro peccatis Ecclesiæ	151
Oblatio meritorum Christi pro peccatis Eccl.	153
Oratio pro tota Ecclesia	154
Tria Laudate pro peccatis Ecclesiæ vel propriis.	155
Oratio efficacissima pro spiritualibus et car- nalibus Amicis	157
Pro inimicis.	158
Oratio in tribulatione.	159
Oratio infirmi aut afflicti.	160
Oblatio cujuscumque doloris.	161
Resignatio infirmi.	162
Oratio pro infirmo.	163
Tres efficacissimæ orationes pro felici morte.	163
Tres orationes à circumstantibus dicendæ dum infirmus agonizat.	167
Oblatio Passionis Christi pro defunctis.	169
Quatuor orationes pro defunctis, quas B. Ger- trudis Christo approbante composuit	170
Oratio Dominica pro defunctis prout Christus docuit S. Mechtildem	172
Oratio ad ipsos defunctos.	176
Oratio transeundo cœmeterium cum indul- gentiis Joannis XII.	176

PARTE NONA.

Orationes pro peccatis.	178
Vera contritio, vi cujus plenariam à Christo indulgentiam obtinere poteris	182
Brevis Confessio peccatorum.	183

Petitio ad Jesum, ut ipse per suam conversationem satisfaciat pro nostris excessibus.	
Oratio devota, qua per Passionem Christi rogat sibi ignosci.	
Alia oratio ex libro 2. Revelat. S. Gert.	
Oratio ante Confessionem.	
Brevis et efficax modus eliciendi contritionem.	
Ad ingressum Confessionalis.	
Post Confessionem.	
Oratio ante pœnitentiam dicenda.	
Post pœnitentiam adjunctam absolutam Oratio.	
Oratio à Sacerdote ante administrationem Sacramenti dicenda	1
Post Confessionem Oratio alia	1

PARTE DECIMA.

Præparatio ad S. Synaxin.	19
Ad omnes Sanctos.	19
Ad B. Virginem.	19
Ad Christum	1
Oratio ante Communionem	1
Invitatio Jesu	2
Post Communionem	2
Oblatio ad Patrem.	2
Ad Sanctos	2
Gratiarum actio.	2
Conclusio longè efficacissima	2
Tres Orationes pro lucrandis indulgentiis.	21
Oratio Prima pro Ecclesia	21
Oratio secunda pro extirpatione hæresum.	21
Oratio tertia pro Concordia Principum.	21
Præparatio Sacerdotis ad altare accessur.	21
Testamentum animæ	21

inversa-
essibus,
isti ro-

ert. . .

mem. . .

tio. . .

Sa-

. 10

. 10

. 10

. 10

. 10

. 10

. 10

. 10

. 10

. 10

. 10

. 10

. 10

. 10

. 10

. 10

. 10

. 10

. 10

. 10

